

TI
NASANTOAN À EVANGELIO

OENNO NAIMBAG Á DÁMAG

NI

APÓ TAYÓ Á JESUCRISTO.

KAS INSÚRAT NI

SAN LUCAS

NAÁDAW CADAGUITI
NADUMADUMA Á NAYÚLOG ITI SAO-T' CASTILA,
KET ITÍ KALPASANNA NAITÚKAD ITÍ ADDA
Á NAISÚRAT ITI SAO-T' GRIEGO



MANILA:
197 CALLE REAL INTRAMUROS, 203,
Y.M.C.A. BUILDING.

1902

LIBRARY OF THE
Massachusetts
Bible Society

Catalog No. AU-213.6/L.1902
Family Austric
Sub-Family Austronesian
Branch Indonesian
Group Tagāla
Language Ilokano
Dialect
Locality N.W. Luzon, Phillipines
Contents St. Luke's Gospel
Version
Translator
Published by A.B.S.
Place Manila
Date 1902
Accession No. 2,482
Accession Date July 1, 1942
Price x1f

TI
NAJANTOAN Á EVANGELIO

NI

APO TAYÓ Á JESUCRISTO

CAS INSÚRAT

NI SAN LÚCAS.

Pangruguián

1 YANTÁÑGAY n̄ga adú ti nangayágay á naḡornos ti maysa á pangipalaoag cadaguití ar-arámí ã natungpal cadatayó,

2 Cas ití panangsarsaritada cadacamí daguidí manípud idí dámona naimantánḡanda cadaguití matada, quen mangyebcas ti saó,

3 Napanúnoteo met, ití calpasan ti panangammoc á naimbag cadaguití ámin á naararámí ã manípud idí dámona, á nasayaat á isúrat quenca á nurnos, oh naimbag unay ã Téofilo,

4 Tapno maammoam ti pudnó daguití naararámí, isuda á nacasursuroam.

Ti pannacaipasn̄gay ni Juan á naipadámag

5 Adda cadaguidí aldao ni Herodes, Ari sadí Judea, ti

maysa á padi, á manágan Zacarías, ití gásat ni Abías; quet ití asáoana cadaguidí annac ni Aarón, quet tí náganna Elisabet.

6 Quet agpadpádada á nalinteg ití sangóanan ti Dios, a nagnagnada n̄ga aoan quet ti nacababalaoanda, cadaguití ámin á bilbílín quen lininteg ti Apo.

7 Quet aoan anáca; ta ni Elisabet láyas, quet agpadpádada á natangquenán ti aldáoen.

8 Quet naarámí á idí á inarámatna ti quinapádina ití pannacabatangna ití sangóanan ti Dios,

9 Cas cadawpan ti quinapadi, tinudingán ni gásat á sumrec ití simbaan ti Apo á mangídáton ití incienso.

10 Quet ámin daguití adú á tao ti ili addada ití ruar n̄ga aglulualo ití hora ti incienso.

11 Quet nagparang quen-cuaná ti maysa n̄ga ángel ti

Apo á sitatacder ití macanaoan ti altar ti incienso.

12 Quet naglagao ni Zacarías idí maquíтана, quet sim rec quencuana ti buteng.

13 Nġem ití ángel quinunana quencuana: Zacarías, dica agbuteng, ta nadengnġeg ti loáлом; quet ni asáoam á Elisabet ipasnġayannacanto ti maysa nġa anác, quet nagánemto ti náganna á Juan.

14 Quet sicá addanto rag-ó quen ragsacmo, quet adunto ti agragsac ití pannacayanácna.

15 Ta dacquelto ití sanġoánan ti Dios; quet saanto à uminum ti árac quen inumen á naínġel; quet mapnonto ti Espírítu Santo manípud pay ití tian ni inanana.

16 Quet unadunto cadaguití annác ti Israel ti isublina ití Dios nġa Apoda.

17 Quet isú magnanto ití sanġoánanna cas ití náquem quen talugáding ni Elías, tapno isublina daguití puspuso daguití amamá cadaguití anannácda, quet cadaguití nacuspag ití quinalinteg daguití nasingpet, tapno isaganaanna ti Apo ti maysa à ili á madádaan.

18 Quet quinuná ni Zacarias iti ángel: ¿Anianto ti pacailasínac itoy? ta siac lacáyacon quet ni asáoac natanquenau met ti aldáoen.

19 Quet simmungbat ti ángel á quinunana quencuana: Siac ni Gabriel nġa addaacití sanġoánan ti Dios; quet nabaónac á maqui-

saó quenca, quen mangted quenca cadaguitoy naimbag á dámag.

20 Quet adtoy ta agumelcan quet dicanto mabalin ti agsaó, aguinga ti aldao á pannacaarámid daytoy, agsípud ta dica pinati daguitoy saoc, isuda á matungpalto inton tiempona.

21 Quet ti ili ur-uráyennani Zacarías quet masmasdaaoda ití panagbayagna ití simbaan.

22 Quet idi rimmoar saanna á nabalin ti maquisaó cadacuada: quet natímudda nġa isú nacaquita ti datdatlag ití simbaan quet isú sininsiñásanna idá quet nagúmel.

23 Quet naarámid, á idí napalábas daguití aldao á panagservina, napan ití balayna:

24 Quet idí napalábas daguidí nġa aldáoen, nagsicog ni asáoana á Elisabet, quet naglemmeng ití uneg ti limá á búlan á cuncunana:

25 Castá ti inarámid caniac ti Apo cadaguití aldao á panangġítana caniac tapno maicat ti pacapilácac eadaguití tat-tao.

Ti pannacayanac ni Jesús á naipadámag.

26 Quet ití maicanem á búlan, ni ángel Gabriel imbaon ti Dios ití maysa á ili ti Galilea á manágan Nazaret,

27 Ití maysa á virgen á naquisacsí ití maysa á lalaqui á manágan José, ití baláy ni David; quet ti nágan ti balásang, María.

28 Quet idinto á simrec ti ángel idí yanna, quinunana: Yámanpay, naingasátan unay! Ti Apo *adda* quenca: nai-pang-pangrónaca á madaydayao cad-aguití babbai.

29 N̄gem isú, gapú itoy á sinaona, naglagao únay, quet panpanunútenna no ania n̄gatá á cablaao daytoy.

30 Quet daydi ángel quinunana quencuana: María, dica agbuteng, ta nacasáracca ti gracia quen Apo Dios.

31 Quet adtoy á isicogmontito ití unegmo, quet ipasn̄gaymontito ti maysa n̄ga anác quet nagánemto ti nágan á JESÚS.

32 Daytoy dacquelto, quet manáganto t' Anác ti Can̄gatoan; quet itdento ní Apo Dios quencuana ti trono ni David n̄ga amana.

33 Quet agárinto ití baláy ni Jacob ití agnanáyon; quet ti pagarianna aoan ti tung palna.

34 Idí cuan quinuná ni María idí ángel: ¿Casanonto daytoy? ta siac asan ti am-ammoc á lalaqui.

35 Quet simmungbat ti ángel á nagecuná quencuana: Ti Espíritu Santo umayto quenca, quet ti pannacabalin ti Catanocan lingdamacantó; gapuuna met á ti Santo á tumaonto manáganto t' Anac ti Dios.

36 Quet adtoy, ni Elisabet, á cabaguiam, nagsicog met ití quinabaquetna ti maysa n̄ga anác, quet daytoy ti maicanem

á bulan quencuana á nagánenda ti láyas:

37 Ta aoan ti saó n̄ga *agtáud* ití Dios, n̄ga aoanto pannacabalinna.

38 Quinuná n̄garud ni María: Adtoy ti adipen tí Apo: maarámid caniac cas ti sinaom. Quet ti ángel pimmanao quencuana.

Ni María sucnálanna ni Elisabet.

39 Cadaguidí n̄ga aldao timmacder ni María, napan á sipapardás ití cabanbantáyan, ití maysa á ili ti Judá;

40 Quet simrec ití baláy ni Zacarías, quet quinablaáoanna ni Elisabet.

41 Quet naarámid, á idinto á nan̄geg ni Elisabet ti cablaao ni María, ti ubing limmagtó ití tianna; quet ni Elisabet napnó ti Espíritu Santo.

42 Quet nagpuccao ití napigsá á uni, quet quinunana: Naipangpangrónaca á bendita cadaguití babbai, quet bendito met ti bungá ti tianmo.

43 ¿Quet adino ti nacagunodac á ti iná ti Apoc umay caniac?

44 Ta adtoy man, n̄ga apáman á nacagteng ti uni ti cablaaomo cadaguití lapáyagco, ti ubing limmagtó ti ragsac itoy tianco.

45 Quet nagásat ti namati, ta matungpaltó daguití panguep n̄ga pinaibagá quenca ti Apo.

Panagdayao ni Maria.

46 Idí cuan quinuná ni María: Daydayáoen toy cararuac ití Apo;

47 Quet ti cararuac nagrag-sac quen Apo Dios á mangísalácan caniac.

48 Ta quinítana ti quinanomó *daytoy* adípenna;—Ta adtoy, á manípud itá naganendacto ti naingasátan ámin daguití agsusucatngā agbiag.

49 Ta inarámid caniac ti Mannacabalin daguití dacquet á panguép;—Quet Santo ti ná-ganna.

50 Quet ti caásina cadaguití agsusucat ngā agbiag Maipo-on cadaguití agbuteng quencuana.

51 Impaquítana ti pannacabalinna ití tacquiagna:—Niuará-uarana daguití nacuspag ti panagpanpanúnót ti púsoda.

52 Iníecatna daguití mannacabalin cadaguití trónoda.—Quet intan-ocna daguití naem-má.

53 Daguití mabisbisinan pinunnona idá ti gamgámeng.—Quet daguití nabacnang imbaonna cadaquití im-imada ngā aoanan.

54 Tinulónganna ti Israel ngā adipenna,—A linaguipna ti caasi á *naicari*.

55 (Cas sinaona cadaguití amhá tayo) Quen Abraham quen daguití pútotna ití agnanáyon.

56 Quet nagbati ni Maria quencuana ití cas tal-lo á bú-

lan: quet nagsublí ití baláyna.

Pannacayanáni Juan á Maminuniag

57 Quet nadanúnan ti aldao á panagpasngay ni Elisabet, quet naganác ti maysa á lalaquí.

58 Quet nangēg daguití car-ruba quen cacabaguianda á ti Apo impaquítana quencunana ti dacquel ngā asi, quet nagrag-sacda quencuana.

59 Quet naarámid á ití maicaualó ngā aldao immayda quinúguit ti ubing; quet impaná-ganda quencuana ti nágan ni amana, á Zacarías.

60 Quet simmungbat ni inana, á nagecuná: Saan; no di quet mas náganto ti Juan.

61 Quet quinunada quencuana: Aoan úray asino cadaguití cacabaguiam ti manágan ti castoy á nágan.

62 Quet siniñásanda inamana, no casanó ti cayatna á pannacapanágan.

63 Quet dimmáoat ti tabla á bassit, insúratna á quinuná: Juan ti náganna. Quet nasda-aoda ámin.

64 Quet naglucát á dagus ti ngíogatna quen *naoar-oáran* ti díslauan, quet nagsaó á nagday-dayao ití Dios.

65 Quet simrec ti buteng cadaguití ámin á carrúbada; quet cadaguití ámin á cabanbantáyan ti Judea ámin daguitoy á panguép.

66 Quet ámin daguití nangēg cadacuada, indúlinda ití púsoda á cuncunada: ¿Asino n̄gátá daytoy á ubing? Ta ti ima ti Apo adda idí quencuana.

Panagdayao ni Zacarias.

67 Quet ni Zacarías n̄ga a-mana napnó ti Espírítu Santo quet impadlesna, á quinuná:

68 Daydayáoen ti Apo á Dios ti Ísrael,—Ta quinabla-aoanna quen inarámidna ti pananḡisalácan ití ílina.

69 Quet imbáyogna cadatayó ti maysa á sara ti pananḡisalácan (*)—Ití baláy ni David n̄ga adípenna,

70 (Cas insaona ití n̄gíot daguitísa Santos á mammadlesna —Isuda á nagbiag nanípud pay idí dá mona),

71 Pananḡisalácan cadaguití cabúsor tayó,—Quen ití ima daguitíámin á gumura cadatayó;

72 Tapno aramídenna ti asi cadaguití amamá tayó,—Quet laglaguipenna ti nasantoan á pannaquitúlagna:

73 Ti sapatá á insapatana quen Abraham n̄ga amá tayó,—A isú itdennanto cadatayó,

74 N̄ga inton maisalácan tayó cadaguití cabúsor tayó,—Agservítayto quencuana, n̄ga aoan buteng,

75 Ití quinasanto quen quinalinteg ití sanḡoánanna, ití isú

ámin n̄ga aldao tayó.

76 Quet sicá, ubing, maná-gancanto t' mammadles ti Catan-ócan;—Ta incanto ití sanḡoánan ti Apo, tapno isagánam daguití dálanna;

77 Tapno itedmo ití ílina tí pannacaammó ti pannacaísalácan,—Ití pannacapacaoan dagu-ití basbásolna.

78 Agsípud ti dacquel á panangn̄gaasi ti Dios tayó,—Isunto á icúyogna inton sucnálanna tay ti Sinámar ti daya manípud ití n̄gato.

79 Tapno siláoanna daguití agtutugao cadaguití sipn̄get quen aninífoan ni patáy;—Tapno idálanna daguití sacsaca tayó ití dálan ti talná.

80 Quet di ubing dimmac-quel, quet bimmíleg ití cararuá; quet naguian cadaguití letlet-ang aguinga ití aldao á panag-parangna tí Israel.

Pannacayanao ni Jesu-Cristo

2 QUET NAARÁMID ca-daguidí n̄ga aldao á nai-oarragáoag ti bilin ni Augusto César, n̄ga ámin ti lubong mai-padron.

2 Daytoy á pannacaipadron immuná á naarámid, idí nag-gobernador sadí Siria ni Cirenio.

3 Quet napanda ámin idí pi-naipadron tungal maysa ití ílina.

4 Quet simman̄g-at met ni José, manípud Galilea, ti ili á Nazaret, á nagturing sadí Judea,

* Cayatna á saoen: maysa á man-nacabalín á Man̄gisalácan.

idiay ili ni David, á manágan Bethlehem, (agsípud ta nagtáud iti baláy quen caputótan ni David.)

5 Tapno paipadronda agráman quen María, á naquisacsí quencuana, isú á masicog idi.

6 Quet naarámid, n̄ga idinto n̄ga addada sadiay, nadanúnan daguití aldao á inna panaganác.

7 Quet impasngayna ti anácna á umuná, quet binun̄gonna ti lampin, quet impaiddana ití maysa á col ta aoan ti yanda idi pagdagdagusan.

Daguidi pastor sadi Bethlehem

8 Quet adda pastores idiay laeng á dagá, n̄ga addada ití tálon ití rabií quet ayoánanda á di matúrog maipo-on cadaguití animalda.

9 Quet adtoy ti maysa n̄ga ángel ti Apo á immay ití sanḡánanda, quet ti gloria ti Apo linicmutna idá ití raniag; quet nagbutengda únay.

10 Quet di ángel quinunana cadacuada: Dicay agbuteng, ta adtoy á yeg-gancayó ti dam-dámag ti dacquel á ragsac, á maipaayto ití ámin á ili:

11 Ta daytoy n̄ga aldao nayanác cadacayó idiay ili ni David, ti maysa á Manḡisalácan, á isú ti Cristo n̄ga Apo.

12 Quet daytoy isú ti paguilasinanyo: masaracanyonto ti ubing á nabun̄gon ti lampin, á naguidda ití maysa á col-loong.

13 Quet naiguiddato n̄ga adda

á naicúyog idi ángel ti adú á pulutong á tagá lán̄git, á nag-daydayao ití Dios, quet cuncunada:

14 Dayao sadí n̄gato ití Dios, — Quet talná ití dagá; náimbag á náquem cadaguití tat-tao.

15 Quet naarámid, n̄ga agsipud ta pinanáoanda idá daguití ángeles á napan sadí lán̄git, daguidí pastor nagsasaoda á quinunada: Intayó n̄garud aguinga-t' Bethlehem, quet quitaentayó daytoy á naarámid, á impacaammó cadatayó ni Apo.

16 Quet napanda á sipapardas unay, quet natumpún̄ganda ni María quen ni José, quen daydi ubing á naguidda ití col-loong.

17 Quet idi maquitada, impacaammoda ti dánag á naisaó cadacuada á maipapau itoy á ubing.

18 Quet ámin daguidí nancanḡeg, nagsiddaoda cadaguidí insaó cadacuada daguidí pastores.

19 N̄gem ni María sinalimetmetanna ámin daguitoy á naarámid, á pinanpanúnót ití púsona.

20 Quet nagsubli daguidí pastor n̄ga incascasabá quen dinaydáyaoda ti Dios agsípud cadaguidí ámin á pangguépá nanḡeg quen naquítada, á cas naipacaammó cadacuada.

*Pannacacúguit quen pannacaisa
elang ni Jesus.*

21 Quet idi matungpálen ti

ualó n̄ga aldao tapno macúguit ti ubing, nináganda ti náganna á Jesús ; isú á incábil ti ángel idí saan pay á naisicog ití tian.

22 Quet idí natungpálen daguití aldao ti pannacagúgorda, cas ti linteg ni Moisés, impanda ti *ubing* idia y Jerusalem á isaclang ití Apo.

23 (Cas adda á naisúrat ití linteg ti Apo : Isú ámin á lalaqui á manglucát ití aanacan, manáganto santo á *maipaay* ití Apo.)

24 Quen tapno itdenda ti dátón, cas adda á naisáo ití linteg ti Apo : Dua á tórtola oenno dua á calapati á urbon.

Ni Simeón quen ni Ana.

25 Quet adtoy, adda idí maysa á lalaqui idia y Jerusalem, á manágan Simeón ; quet daytoy á tao, nalinteg quen nasingpet, ur-uráyenna idí ti liolioá ti Israel ; quet ti Espíritu Santo adda quencuana.

26 Quet ti Espíritu Santo impacdaarna quencuana á dínanto maquita ni patáy no di na umuná á maquita ti Cristo ti Apo.

27 Quet simrec idí Simbaan á impan ti Espíritu. Quet idi inserrecda ni Jesús daguidí amana idia y Simbaan tapno aramidenda quencuana cas cadaoyan ti linteg,

28 Idin isú innálana cadaguití tactacquiagna, quet dinaydáyaona ti Dios, quet quinun-

ana:

29 ¡Itán pagaoídemon, Apo, *daytoy* adípenmo,—Cas ti saom, á sitatalná!

30 Ta naquita daguitoy matac ti Panan̄gisalácanmo,

31 Isú á insagánam—Ití saclang daguití ámin á il-ili,

32 Laoag á mangisúronto cadaguití saan á mammati,—Quen dayao ti ilim á Israel.

33 Quet ni amana quen ni inana masmasdaaoda cadaguidí masásao á maipapan quencuana.

34 Quet binendicionan idá ni Simeón, quet quinunana quen inana á María : Adtoy nay, daytoy maicábil tapno ma-ulog quet human̄gonto daguití adú ití Israel, quen tapno paguilasínan, isunto á maquisao.

35 Quet maysa á ígam salputennanto met ta cararnam á cucuam; tapno maiparan̄garang daguití panúnót daguití adú á puspuso.

36 Quet adda idí ti maysa á mammadles á *manágan* Ana, anác ni Phanuel, ití caputótan ni Aser ; daytoy natanquenan unay ti taoen quet naguian quen asáoana ti pitó á taoen manípud idí quinabalásangna :

37 Quet isú balo pay ti uneg ti ualó pulo quet uppat á taoen, á di umadayú idí ití Simbaan, quet agserserví ití Apo ti rabí quen aldao n̄ga agayunar quen aglulualo.

38 Quet daytoy, dimteng met ití daydi met la á horas,

quet nagyáman ití Dios, quet nagsaó ti maipapan idí ubing cadaguidí ámin n̄ga agururay ti pannacasubbot ti Jerusalem.

Ni ubing á Jesús ití tengn̄a daguití mamasírib.

39 Quet idí natungpalda áminen daguití *bilin* cas ití linteg ti Apo, nagsublida sadí Galilea, idiy ilida á Nazaret.

40 Quet daydi ubinḡ dumacquel quen pumigsá, quen mapnó ti sírib; quet ti gracia ti Dios adda quencuana.

41 Quet patináyon á taoen á mapan daguidí ammana sadí Jerusalem ití rambac ti Pascua.

42 Quet idí agtaoen ti san̄gapulo quet dua, simman̄gatda sadí Jerusalem cas cadaoyan ti fiesta.

43 Quet idí napalábas daguidí n̄ga aldáoen, idí agáoiddan nabati ni ubing á Jesús sadí Jerusalem á di ammó daguidí ammana.

44 Quet agsípud ta impapan n̄ga adda idí á naicúyog, nagnada ti bayat ti maysa n̄ga aldao, quet sinapsápulda cadaguití cacabaguian quen ammoda.

45 N̄gem agsípud ta dida la masarácan, nagsublida sadí Jerusalem á sapsápulenda.

46 Quet naarámid á idí napalábas ti tal-ló n̄ga aldao, natumpún̄ganda idí Simbaan, á situtugao ití tengn̄a daguití mamasírib, á isú dumdum̄geg

quen agsalsaludsod cadacuada.

47 Quet isu-ámin daguidí macan̄geg quencuana, masmasdaaoda ti sarírit ti ísipna quen cadaguidí sungbatna.

48 Quet idí naquítadan, nagsiddaaoda, quet quinuná quencuana ni inana: Anac, ¿apayá pay castá ti inarámidmo cadacamí? Adtoy ni amam quen siac á nagsapsápul á silalagao.

49 Quet isú simmungbat cadacuada: ¿Apayá pay sinapsápulda? ¿Di cay ammó á masápul n̄ga aguianac ití balay ni Amac?

50 N̄gem isuda dida naáoat daguidí saó á imbagana cadacuada.

51 Quet simmálog á naquicúyog cadacuada quet dimteng idiy Nazaret, quet sumursúrot á situtulnog cadacuada. Quet ni inana sinalimetmetanná ámin daguitoy á masasao ití púsona.

52 Quet ni Jesús dumacquel ití quinasírib quen quinatáyag, quen ti gundáoay ití Dios quen cadaguití tao.

Panangcasabá ni Juan á Mammuniag.

3 QUET IDÍ taoen á maicasan̄gapulo quet limá ti panagari ni Tiberio César, idí agdamá n̄ga agturay sadí Judea ni Poncio Pilato, quet ni Herodes tetrarca oenno agturay sadí Galilea, quet ni cabsatna á Felipe tetrarca sadí Iturea quen ti provincia ti Traconite, quet ni Lisianias tetrarca sadí Abilinia;

2 Quet agdamá á pannacapa oenno panguloen *daguití papadi* da Anás quen Caifás, immay ti saó ti Apo quen Juan, anác ni Zacarías, ití let-ang.

3 Quet isú immay cadaguití ámin á dagá ití arubáyan ti Jordán á icascasabána ti panagbuniag ti panagbabaoi tapno pacaoanán daguití basbásol ;

4 Cas adda á naisúrat ití libro daguití saó ni mammadles á Isaías *n̄ga agcuná*: Uni ti agpucao ití let-ang:—Isagánayo ti dалан ti Apo,—Linteguenyo daguití lippitna.

5 Amin á tay-acmapnonto,—Agba bádanto ámin á bantay,—Quet ti naquil-ló malinteguento,—Quet daguití dалан á daques mapalanasdanto.

6 Quet ti ámin lá asag maquitananto—ti panangisalácan ti Dios.

7 Quet cunana cadaguidí adú á rumoar n̄ga apan pabuniágan quencuana: Oh caputótan daguití úleg, ¿asino ti nangisuro cadacayó á pumanao ití pungtot á umayto?

8 Agarámid cayó n̄garud ti bungbunga á maicarí ti panagbabaoi, quet saanyo á ruguian á cuncuná cadacayó met laeng: Adda ni Abraham á pannacaa-mami: ta cunac cadacayó á mabalin ti Dios, cadaguitoy pay á bató, ti mamatacder ti annac quen Abraham.

9 Quet úray itan ti uasay naicábilen ití puon daguití

caycayo: ámin á cayó, n̄garud, á saan á mangted ti nasayaat á bungā, mapúcano quet maicábil ití apuy.

10 Quet daguití adú á tao naguintuodda quencuana á quinunada: ¿Ania n̄garud ti arami-denmi?

11 Quet simmungbat á quinunana cadacuada: Ti adda dua á pagan-anayna, ibingayanna ti aoan; quet ti adda canenna, castá met ti aramidenna.

12 Quet immay met daguití agsingsingir ti buis tapno pabuniágan, quet quinunada quencuana: ¿Mangisursúro, ania ti aramidenminto?

13 Quet isú quinunana cadacuada: Saanyo á sapúlen no dí laeng ti naibilin cadacayó.

14 Quet cadaguití soldado intuodda met quencuana á quinuná: Quet dacamí ¿ania ti aramidenminto? Quet quinunana cadacuada: Saan cayó n̄ga agarámid ti rangas ití uray asino, quet di cay mangulbod ití di maicanadá; quet yamánenyo ti tangdanyon.

15 Quet idí n̄ga agur-úray ti ili quet panpanunútenda ámin cadaguití puspúsoda ni Juan, no isú quetdí ni Cristo.

16 Simmungbat ni Juan á nagecuná cadacuada ámin: Siac, ti quinapudno, buniagancayó ti danum; n̄gem umay ti ad-adda pannacabalinna n̄gem siac, isú á diac man la maicarí á mang-

oar-oar ití singdan ti zapátosna : isú buniagannacayonto ti Espíritu Santo quen apuy :

17 Quet ti paypayna adda ití ímana, tapno dalusannanto á naimbag ti pagbay-oanna quet tapno urnongennanto ti trigo ití camáligna ; n̄gem ti garami puurannanto ití apuy á di maiddep.

18 Quet agráman daguití adú pay á sabali á bagbagá, impacdaarna ití ili daguití naimbag á dámag.

19 N̄gem ni Herodes n̄ga agturay, idí á binabalao ni Juan gapú quen Herodías, n̄ga asaoa ni cabsatna, quen isuámin á quinadáques á inararámid ni Herodes,

20 Innáyonna man daytoyen cadaguití isuámin á *dad-duma*, ti panangípúpocna quen Juan ití pagbalúdan.

Panagbuniag ni Jesús

21 Quet naarámid, a idí ti ámin á ili nagbuniag, ni Jesús nagbuniag met ; quet idí n̄ga aglulualo, ti lán̄git naglucac,

22 Quet bimmabá quencuana ti Espíritu Santo n̄ga adda baguina, á cas la calapati, quet naarámid ti maysa á uni ti lán̄git á *nagecuná* : Sicá ti Anácco á dungdungoen, sicá ti pagay-ayatac.

Tinaudan ni Jesús

23 Quet daytoy á Jesús idí nangrugui á *nangascasabá* agtaoen ti cas tal-lo pulo, quet anác

(cas ti panagsaoda idí) ni José, anác ni Elí,

24 N̄ga anác ni Mathat, n̄ga anác ni Levi, n̄ga anác ni Melchî, n̄ga anác ni Janna, n̄ga anác ni José,

25 N̄ga anác ni Mattathias, n̄ga anác ni Amós, n̄ga anác ni Nahum, n̄ga anác ni Esli,

26 N̄ga anác ni Naggai, n̄ga anác ni Maat, n̄ga anác ni Mattathias, n̄ga anác ni Semei, n̄ga anác ni José, n̄ga anác ni Judá,

27 N̄ga anác ni Joanna, n̄ga anác ni Rhesa, n̄ga anác ni Zorobabel, n̄ga anác ni Salathiel,

28 N̄ga anác ni Neri, n̄ga anác ni Melchî, n̄ga anác ni Addi, n̄ga anác ni Cosam, n̄ga anác ni Elmodam, n̄ga anác ni Er,

29 N̄ga anác ni Josué, n̄ga anác ni Elieser, n̄ga anác ni Joreim, n̄ga anác ni Mathat,

30 N̄ga anác ni Levi, n̄ga anác ni Simeón, n̄ga anác ni Judá, n̄ga anác ni José, n̄ga anác ni Jonán, n̄ga anác ni Eliachîm,

31 N̄ga anác ni Melea, n̄ga anác ni Mainán, n̄ga anác ni Mattatha, n̄ga anác ni Nathán,

32 N̄ga anác ni David, n̄ga anác ni Jessaí, n̄ga anác ni Obed, n̄ga anác ni Booz, n̄ga anác ni Salmón, n̄ga anác ni Naassón,

33 N̄ga anác ni Aminadab, n̄ga anác ni Aram, n̄ga anác ni Esrom, n̄ga anác ni Phares,

34 *Nga anác* ni Judá, *nga anác* ni Jacob, *nga anác* ni Isaac, *nga anác* ni Abraham, *nga anác* ni Thara, *nga anác* ni Nachôr,

35 *Nga anác* ni Saruch, *nga anác* ni Ragau, *nga anác* ni Phalec, *nga anác* ni Heber,

36 *Nga anác* ni Salá, *nga anác* ni Cainán, *nga anác* ni Arphaxad, *nga anác* ni Sem, *nga anác* ni Noé, *nga anác* ni Lamech,

37 *Nga anác* ni Mathusala, *nga anác* ni Enoch, *nga anác* ni Jared, *nga anác* ni Maleleel,

38 *Nga anác* ni Cainán, *nga anác* ni Enós, *nga anác* ni Seth, *nga anác* ni Adam, *nga anác* ti Dios,

Ti pannacasulisog.

4 QUET NI Jesús á sipupunnó ti Espíritu Santo, nogsubli idiay Jordán quet impan ti Espíritu ití let-ang

2 Quet ti uneg ti uppat á pulo *nga* aldao sinulisog ti sairo. Quet aoan ti quinnanna cada-guidí *nga* aldao: quet idí nalabésen, naricnana ti bisin.

3 Quet daydi sairo quinuná quencuana: no sicá ti Anác ti Dios, cunam ití daytoy á bató *nga* agbalin á tinápay.

4 Quet ni Jesús simmungbat quencuana á quinunana: Naisúraten: Saan laeng á ti tinápay ti pagbiagto ti tao, no di quet ití isú amin á saó ti Dios.

5 Quet di sairo impanna ití maysa á natáyag á bantay, quet impaquitana quencuana ití máysa á canitó ti tiempo ámin daguití pagpagarian toy lúbong;

6 Quet quinuná quencuana di sairo: Quencá itdecto daytoy ámin á pannacabalin, quen ti gloria daguitoy á *pagarian*; ta naited caniac, quet itdec ití pagayatac.

7 Gapuna á no dayáoennac á sipaparintúmeng, cucuamto idá ámin.

8 Quet simmungbat ni Jesús, quet quinunana quencuana: Panáoannac, Satanás, ta naisúrat: Agrucbabcanto ití Dios *nga* Apom, quet isisunto laeng ti pagservíam:

9 Quet impanna idiay Jerusalem quet incábilna ití tuctoc ti simbaan, quet quinunana quencuana: No anacnacá ti Dios, tumappoacca manípuđ itoy aguinga t' babá:

10 Ta naisúrat; Ibilinnanto cadaguití ángelesna ti maipapan quenca tapno aluadandacá;

11 Quet iggamandacanto cadaguití ímada, tapno di máduñor ta sácam ití maysa á bató.

12 Quet simmungbat ni Jesús quencuana á quinunana: Naisaón: Dicanto sulisóguen ti Apo á Diosmo.

13 Quet idí nalpás ti ámin á panaugsulisog, ti sairo pimmanao quencuana ití uneg ti manó á tiempo.

Mapapanao ni Jesús sadi Nazaret.

14 Quet ni Jesús á sipupunnó ti pannacabalin ti Espíritu nag-sublí-sadí Galilea, quet nag-oará ti dámagna cadaguidí ámin á disso á cabanġibang.

15 Quet isú nangġisursúro cadaguití paguummongānda (*sinagoga*) quet isuda ámin dayday-áoenda.

16 Quet dimteng sadí Nazaret, isú á nacataracanna; quet simrec cas cadaoyanna ití aldao tí sábadó ití pagguigumġānda, quet timmacerder á nagbasa.

17 Quet intedda quencuana ti libro ni mammadles á Isafas: quet idí linnetaanna di libro, natumpġāanna ti disso á naca-isurátan *daytoy*:

18 Ti Espíritu ti Apo adda caniac:—Ta linanaannac á mangted cadaguití naimbag á dāmag cadaguití napangġ-lao;—Tapno ipacaammoc cadaguití nacayáoan ti pannacaluc-at, quen ti pannacacuita cadaguití bulsec;—Tapno luc-átac daguití agrigrigat;

19 Tapno ioarnac ti taoen á pagay-ayatan ti Apo.

20 Quet idinto á linucotna ti libro, intedna ití ministro quet nagtugao: quet daguití matada ámin idiaŷ pogguigumġānda siquiquítada quencuana:

21 Quet nangruguí á nagecuná cadacuada: Itoy nġā aldao natungpal cadaguití lapáyagyo daytoy á naisúrat.

22 Quet isuda ámin pinanec-necanda quet masmasdaaoda cadaguití saó á natalugadġān nġā agtáud idí dġngġoatna, quet cuncunada: ¿Saan á isú daytoy di anác ni José?

23 Quet quinunana cadacuada: Aoaŷ duaduá á cunaenyonto nġatá caniac daytoy á masasao: Mangnġagas, agasam man ta baguim met laeng: cadaguití adú á nangġegmi á naar-arámid idiaŷ Capernaum, aramidem met ditoy ílim.

24 Quet quinunana; Capudnoanna á cunac cadacayó nġā aoan ti mammadles nġā aoátenda ití ílina.

25 Nġem pudnó á cunac cadacayó, nġā adú ti balo á babai idiaŷ Israel cadaguidí aldao ni Elías, idí ti lánġit nagpúnit ití uneg ti tallo á taoen quen innem á búlan, quet adda maysa dacquel á bisin ití ámin á dagá.

26 Nġem aoan cadacuada ti nacaibaonan ni Elías, no di quet ití maysa á babai á balo idiaŷ Sarepta sadí Sidón.

27 Quet adú ti agcucútel idiaŷ Israel idí *panagbiag* ni profeta Eliseo; nġem aoan cadacuada ti naagásan, no di ni Naaman, á tagá Siria.

28 Idin isuda ámin idiaŷ sinagoga napnoda ti gura idí mangġegda daytoy;

29 Quet timmacerderda quet pinagtálaoda ití ruar ti íli, quet impanda aguinga ití ta pao ti

bantay á nacabangónan ti ílida tapno itappoacda coma.

30 Nngem isú nagná ití nagtengngaanda, quet pimmanao.

31 Quet simmálog á napan idiy Capernaum, ili ti Galilea, quet sursuroanna idá cadaguití sábado.

32 Quet pagsidsiddaáanda ti isursúrona, ta ti saona adda pannacabalinna.

Pannacaágas daydi nalugánan á tagá Capernaum.

33 Quet adda idí sinagoga ití maysa á tao nnga adda quencuana ti espíritu ti maysa á sairo á naruguit, quet naguicquis ití napigsá á uní:

34 ¡Ea! ¿ania-t' bibiangmi quena, Jesús á tagá Nazaret? ¿Immayca tapno dadaelenna camí? Siac ammoca no asínoca, ti Santo ti Dios.

35 Quet ni Jesús inungtanna á quinunana: Agúmelca, quet rumoarca quencuana. Idin ti sairo, impadsona ití tengnga, pimmanao quencuana quet saanna á inan-anó.

36 Quet immay ti siddaao cadacuada ámin, quet cuncunada nnga agsasaá: ¿Ania á saó daytoy? ta ití pannacabalin quen talugádingna bilinenna daguití sairo á naruguit, quet rumoarda?

37 Quet ti dámagna nagra-cúrac ití isu-ámin á dissó ití cabangibang.

Pannacaágas ti catugánḡan á babai ni Simón.

38 Quet timmacler idí sinagoga, quet simrec ití baláy ni Simón: quet ti catugánḡan ni Simón adda napigsá á gorígorna; quet indaodaoátanda quencuana.

39 Quet nagdúmog quencuana, quet inungtanna daydi gorigor; quet di gorigor pimmanao.

40 Quet idí lumnec ti ínit, isu-ámin daguití adda masaquitna ti nadumaduma á nasauit, impanda quencuana: quet isú, ití panangicábilna cadaguití ímana ití tungal maysa cadacuada, inagásanna idá.

41 Quet rimmoar met daguití sairo ití adú nnga aguicicquisda quet cuncunada: Sicá ti Anác ti Dios: nngem inungtanna idá quet saanna idá á pinagsaó; ta ammoda á isú ni Cristo.

42 Quet idí umaldáoen, pimmanao quet napan ití dissó nnga aon matatao: quet daguidí tattao sin apsapulda quet napan aguinga ti yanna, quet ingáoidda tapno saan á umadayú cadacuada.

43 Nngem isú quinunana cada-cuada: Cadaguití sabsabali á il-ili masápul met á ipacaammoc ti naimbag á dámag ti pagarian ti Dios; ta isist gapuna á naicabaonac.

44 Quet nangascasabá cadaguití sinagoga sadi Galilea.

Ti cálap á daidatlag. Daguití immuná á sinursuroanna.

5 QUET NAARAMID ití maysa nnga aldao á idí

daguidí tattao aguummongda ití yanna tapno dengguenda ti saó ti Dios, isú adda á sitatacder iti dinna ti baybáy á Gennezaret.

2 Quet nacaquita ti dua á barangay n̄ga addada ití asideg ti íguid ti baybáy; n̄gem daguití agcalcalap dimsaagda cada-cuada quet inugásanda daguidí iquetda.

3 Quet isú simrec ití maysa cadaguidí barangay, isu day-di cucua ni Simón, quet dináoatna quencuana á iyadayona bassít ití dagá; quet idinto á nagtugao, nanursuro nanípud idí barangay cadaguití tattao.

4 Quet idí nagsardeng á nagsaó, quinnuana quen Simón: Agpataaoca quet itinnagyo daguití daclisyo tapno agcalap cayó.

5 Quet idí á simmungbat ni Simón, quinunana quencuana: Manursúro, nagbannog camí á nagpatpatnag quet aoan ti nalami; n̄gem agsípud ití saom icábilco cadaguití iquet.

6 Quet idinto á castá ti inarámidda, impupocda ti adú únay á ican, á úray la á nabessang cadaguidí iquet.

7 Quet siniñásanda daguidí cacaduada ití sabali á barangay, á umayda tulún̄gan ídá; quet immayda quet pinunnoda daguidí dua á barangay á n̄gan-n̄gánida matínep.

8 Quet idí maquita daytoy ni Simón Pedro, nagparintú-meng ití san̄goánan ni Jesús, á nagecuná: Umadayuca caniac,

Apo, ta tao-ac á managbásol.

9 Ta simrec ti siddaao quencuana quen cadaguidí ámin n̄ga adda á caduana, agsípud ti pannacacálapda cadaguití ican á naálada:

10 Quen castá met quen Jacobo quen Juan, n̄ga annac ni Zebedeo, á casugpon idá ni Simón. Quet ni Jesús quinunana quen Simón: Dica agbuteng: manípud itá sicá agdaedacliscanto ti tattao.

11 Quet idí naipandan ití dagá daguidí barangay, idí á pinanáoanda ámin daydi, simmúrotta quencuana.

Pannacaágas ti maysa n̄ga agcucútel.

12 Quet naarámid á idí adda ití maysa cadaguití il-ili, adtoy ti maysa á tao á napnò ti cucútel, isú á idí maquitana ni Jesús, indúmogna tí rúpana ití dagá, quet nagdáoat quencuana á nagecuná: Apo, no cayatmo, mabalinnac n̄ga agásan.

13 Idín inunnatna ti ima quet tinignayna á quinuná: Cayatco: maagásanca. Quet naiguiddato á ti cucútel pimmanao quencuana,

14 Quet isú imbílinna quencuana á dina sasao-en ití úray siasino: N̄gem incan, agparangea ití padi quet mangídáttonca agsípud ti pannaca-ágasmo, cas ibilin ni Moisés, tapno adda pacaquitaanda.

15 N̄gem ag-oará la n̄ga ag-oará ti dámagna quet nagu-

urnong ti adú á tao n̄ga agdengnḡeg quen agpaágas cada-guití nasacsacquitda.

16 N̄gem isú umadayú n̄ga apan cadaguití aonan matagtaguitao quet aglulualo.

Pannacaágas ti maysa á di macagarao.

17 Quet naáramid ti maysa cadaguidí n̄ga aldao á isú adda á manursúro quet daguidí Fariseos * quen manḡisursúro ti linteg addada n̄ga aglutūgao, isuda á naggapú ití isu-ámin á puroc ti Galilea, quen ti Judea quen Jerusalem: quet adda quencuana ti pannacabalin ti Apo á mangnḡágas.

18 Quet adtoy daguití tao á nanḡipan ití rabao ti maysa á paguidaan, ti maysa á tao á saan á macagarao: quet sapsapúlenda ti pananḡiserreceda quen ti pananḡicábilda quencuana ití sanḡoánanna.

19 Quet idí n̄ga aonan masarácanda á panḡiserrecaan quencuana agsípud ti caadú ti tao, immúlida ití tuctoc ti baláy quet imbabada á sinalputda daguití baldosa agráman ti naguiddaanna ití tengn̄ga ití sanḡoánan ni Jesús.

20 Quet isú idí maquímana ti pammátida, quinunana: Tao; daguití basbásolmo mapaca-oanda quenca.

21 Idin daguití escribas † quen daguití Fariseos rinu-

guianda á pinanúnót á quinuna: ¿Asino daytoy n̄ga agsasao ti panagtabbaao.? ¿Asinoti macabalín á mamacaoan cada-guití basbásol no saan láeng á ti Dios?

22 N̄gem ni Jesús idí maámadna daguití panpanúnótida, sinungbátanna idá á quinuná: ¿Ania ti panpanunútenyo cada-guití puspúsoyo?

23 ¿Ania ti nalaclacá á saoen: Daguití basbásolmo napacaoanda quenca; oenno saoen: Tumacderca quet magnaca?

24 N̄gem tapno maammoan-yo á toy Anác ti tao adda pannacabalinna ditoy dagá á mamacaoan cadaguití basbásol, (cunana ití saan á macagarao): Cunac quenca: tumacderca, aláem ta iddam quet inca ití baláymo.

25 Quet dagus á timmacder ití sanḡoánanda, innálana daydi naguiddaanna quet napan ití baláyha á dinaydáyaona ti Dios.

26 Quet nagsiddaoda ámin quet dinaydáyaoda ti Dios; quet napnoda ti buteng á cuncunada: Nacaquita camí ti datdatlag itá.

Pannacaayab ni Levi.

27 Quet idí nalpás daguitoy, rimmoar quet nacaquita ti maysa n̄ga agsingsinḡir ti buis á manágan Leví, á situtugao ití pagsinḡiran cadaguití buis' quet quinunana quencuana: Surtí-tennac.

* Maysa á quita cadaguití judío.

† Mamasirib á manḡipalaoag ití linteg.

28 Quet idí á pinanáoanna ámin daguidí, timmacder quet simmúrot quencuana.

29 Quet inyaramídan ni Leví ti nacquel á dayá ití baláyna quet adda tí dacquel á guífung daguití agsingsingir ti buis quen sabsabalingá adda á naquicátugao cadacuada ití lamisaan.

30 Quet daguidí Fariseos quen daguidí escribasda agtantanabútoba ti maisalungásing cadaguidí sursuroanna á cuncunada: ¿Apayápay mangán quen uminum cayó á maquitípon cadaguití agsingsingir ti buis quen cadaguití managbásol?

31 Quet simmungbat ni Jesús quet quinunana cadacuada: Daguití adda á sisasalunat saanda á masápul ti mangngágas, no di quet cadaguití adda á masaquit.

32 Saánac á immay n̄ga agayab cadaguití nalinteg, no di quet cadaguití managbásol ití panagbabaói.

Ti panagayunar.

33 Quet quinunada quencuana: Daguití sursuroan ni Juan agayunarda n̄ga adú quet agluáloda, quet castá met daguití sursuroan daguití Fariseos; n̄gem daguití sursuroam mangán quet uminomda.

34 Quet ni Jesús quinunana cadacuada: ¿Mabalinyongatá á pagayunaren daguití mangúyog ití novio aguinga ti mangásaoa

adda pay la á maicúyog cada-cuada?

35 N̄gem dumtengto daguití aldao á maiccat cadacuada ti mangásaoa; quet cadaguitá n̄ga aldaoto ti panagayunarda.

36 Quet quinunana met cada-cuada ti maysa á pagarígan: Aoan ti mangicábil ti tacop á napiguís ití pagananay á baró, ití daan á pagan-anay; ta no saan, ti baró mangpíguisto, quet ití daan saan á mainumó ti tacop á baró.

37 Quet aoan ti mangicábil ti baró n̄ga árac cadaguití daan á súpot á lálát; ta no saan, ti baró n̄ga árac bettaquennanto daguití lálát, quet ti árac maibel-lengto quet madadaelto daguití lálát.

38 N̄gem ti baró n̄ga árac icábilito cadaguití babbaró á lálát; quet ti maysa quen maysa mataguináyonda.

39 Quet aoan ti nacainum ti árac á daan, á ti calpasanna cayatná ti baró; ta cunana: Nasaysayaat ti daan.

Ni Jesús, Apó ti Sábado.

6 QUET NAARÁMID ití maysa á sábado á limmábas cadaguití minuyungán, quet daguidí sursuroanna agpárutda cadaguití saguibu ti trigo quet canenda n̄ga aprúsan idá cadaguití ímada.

2 N̄gem daguití dadduma á Fariseos quinunada: ¿Apayápay aramídenyo ti saan á maipalúbos n̄ga aramíden ití sábado?

3 Quet simmungbat ni Jesús quet quinunana cadacuada: ¿Úray daytoy saanyo á nabasa, ti inarámid ni David idí nagbisin isú quen daguidí adda quencuana;

4 A simrec ití baláy ti Dios quet innálana daguití tinápay á naicábil ití altar, quet nanggan quet iniccanna met daguidí adda á quimmúyog quencuana; *tinápay* á di maipalúbos idí á canen ití úray siasino no di láeng cadaguití papadi?

5 Quet cuncunana cadacuada: Ti Anác ti tao isú Apó ti Sábado.

Panna cágas ti maysa á tao n̄ga adda maysa á imana á nagan̄o.

6 Quet naarámid ití sabali á Sábado, á isú simrec ití sinagoga quet manḡisursúro; quet adda idiy ti maysa á tao n̄ga adda ti ímana á macanaoan á nagan̄o.

7 Quet isú sisiímen daguidí escribas quen daguidí Fariseos no manḡágas ití Sábado, tapno macasáracda ti panḡipulónganda quencuana.

8 N̄gem isú ammona daguití panúnotda; quet quinunana idí tao n̄ga adda ímana á nagan̄o: Tumacderca quet agpatengn̄gaca. Quet isú bimmán̄gon quet timmacder.

9 Quet ni Jesús quinunana cadacuada: Intuúdedto cada-cayó: ¿Maipalubos ití Sábado ti panagarámid ti imbag oenno ti panagarámid ti dáques? ¿ti

panan̄gisalácan ti biag oenno ti panangpúcao quencuana?

10 Quet idinto á quinítana idá ámin ití síbayna, cunana idí *tao*: Unnatem ti ímam, quet isú castá ti inarámidna, quet ti ímana naisublí.

11 Quet isuda napnoda ti gura quet nagtutottotda ití maysa quen maysa no ania ti aramí-denda quen Jesús.

Pannacapili daguidí san̄gapulo quet dua.

12 Quet naarámid cadaguidí n̄ga aldao, á napan ití bantay naglualo, quet pinalábasna ti ámin á rabií á nagdaodáoat ití Dios.

13 Quet idí nabigatánen, inayabanná daguidí sursuroana quet pimili ti san̄gapulo quet dua cadacuada, isúda á nináganna met ti apóstoles.*

14 *A isuda*: ni Simón, isú á nináganna metti Pedro, quen ni Andrés á cabsatna, quen ni Jacobo quen ni Juan, ni Felipe quen ni Bartolomé,

15 Quen ni Matéo quen ni Tomás, ni Jacobo n̄ga *anác* ni Alfeo, quen ni Simón isú á manágan Naregtá,

16 Quen ni Judas *cabsat* ni Jacobo, quen ni Judas Iscariote á isú di manglilíput.

Ti panan̄gascasabána idí bantay

17 Quet simmálog á naqui-cúyog cadacuada, quet nagsardeng ití dissó á napanátag,

* *Cayatna á saoen: Maibaon.*

agráman ti dacquel á caadú daguití sursuroanna, quen ti maysa á dacquel á caadú *ti ili*, ití isu-amin á Judea quen ti Jerusalem, quen ti ígnid ti Tiro quen Sidón, á napanda á nagdengngēg quencuana, quen tapno agpaágas cadaguití nasac-saquitda ;

18 Quen daguití pinarparigat daguití sairo á naruguit, naagásanda.

19 Quet isú-ámin daguití tattao agaoandá á tignáyen ; ta rumoar quencuana ti talugáding, quet agásanna ámin idá.

20 Quet isú impangatonada daguidí matana cadaguití sursuroanna quet quinunana : Nagásat *cayó* á napanglao, ta cucuayo ti pagarían ti Dios.

21 Nagásat *cayó* n̄ga itá mabisbisinan, ta mabsogcayto. Nagásat *cayó* n̄ga agsangsángit itá ; ta agcataoacayto.

22 Nagásat *cayto* inton daguití tattao guraendacayto, quen inton pagtalaoendacayó cada-cuada, quet pagsasaoandacayó quet piláoenda ti náganyo á cas la dáques agsípud itoy Anac ti tao.

23 Agracsaccayó ití dayta n̄ga aldao quet lumagto *cayó ti ayat* ; ta adtoy á ti gungunayo dacquelto sadí lán̄git ; ta castá-t' inarámid daguití ammada cadaguití mammadles.

24 N̄gem ; asi *cayó* pay, á babacnang ! ta ináoatyo ti lio-lioáyon.

25 ; Asi *cayó* á sibubussog itá ! ta agbisincayontó. ; Asi *cayó* á itá agcatao *cayó* ! ta agdung-ao quet agsángit *cayto*.

26 ; Asi *cayó*, inton isú-ámin daguití tao agsaóda ti naimbag cadacayó ! Ta castá ti araramiden daguidí ammada cadaguití saan á pudnó á mammadles.

27 N̄gem cadacayó n̄ga agdengdengngēg, cunac : Ayatenyo daguití cabúsoryo : agarámid *cayó* ti naimbag cadaguití gumura cadacayó.

28 Bendecionanyo cadaguití mangilunod cadacayó, quet ica-caásiyo daguití mangrangas cadacayó.

29 Ití cumábil quenca ití maysa á pingping, iparangmo met ti bánḡer ; quet ití mangiccat quenca ití cagaymo, dica igáoid quencuana úray pay ti pagan-anaymo.

30 Quet ití isu-ámin n̄ga agdáoat quenca, iccam ; quet ti mangiccat ití cúcuam, dica sublien á daoáten.

31 Quet no casanó ti cayatyo n̄ga aramiden comá cadacayó daguití tao, castá met ti aramidenyo cadacuada.

32 Quet no ayatenyo daguití agayat cadacayó, jania ti gunguná á maálayo ? tacastámet daguití managbásol ayatenda daguití agayat cadacuada.

33 Quet no agarámid *cayó* ti naimbag cadaguití agarámid ti naimbag cadacayó, ania ti gun-

guná á malac-amyó? Ta castámet daguití managbásol castá met ti aramídenda.

34 Quet no pabulúdanyo daguití uráyenyo á pangáoátan, ¿ania ti gunguná á uráyenyo? ta daguití managbásol agpabúlodda met cadaguití managbásol, tapno castanto met ti aoátenda.

35 Nĕgem ayatenyo daguití cabúsoryo; quet agarámid cayó ti imbag, quet agpabúlod cayó nĕga aoan quet ti uráyenyo itoy, quet dacquelto ti gungunayo, quet annácnacayonto ti Cangátoan: ta isú manangnĕgaasi cadaguití managuinlilípat quen dáques.

36 Manangnĕgaasi cayó nĕgarud, á cas met ti Amayo manangnĕgaasi.

37 Quet saancayó nĕga agui-pato, tapno didacayto met ipato: quet saan cayó á mangdusa quet dícayto met madusa: mamacaosan cayó quet mapacaoancayto met.

38 Mangted cayó quet iccandacayto; súcat á naimbag, napecquel, nasedsed quet aglippias, ti iteddanto met ití saclotyo: ta ití met láeng pangrucodyo, ti pacabalíoanyo á pacarucodan.

39 Quet quinunana met cadacuada ti maysa á pagarigan. ¿Mabalin nĕgatá ti bulsec á idálan ti bulsec? ¿Dídanto nĕgatá matnag nĕga agpadpada ití abot?

40 Ti sursuroan saan á nangnangrona nĕgem ití manursúro;

nĕgem isú-ámin nĕga aoan ti pagcuránĕganna, pumadpadto ití manursúro quencuana.

41 Quet apayá pay quitáem ti garami á bassit nĕga adda ití matá ni cabsatmo, quet dica quitatáen ti troso nĕga adda itá matammet laeng?

42 ¿Oenno casanó ti pannacabalinmo nĕga agcuná quen cabsatmo: Cabsat, bay-am, iruarconto ti garami nĕga adda itá matam, idinto á sicá dica maquita ti troso nĕga adda itá matam? Aguisisingpet, iccatem pay á umuná ditá matam ti troso, quet ití castá macaquitacanto á naimbag tapno iccatem ti garami nĕga adda ití matá ni cabsatmo.

43 Ta saan á nasayaat á cayo ti mangted ti bunĕga á dáques; quet saan met á daques á cayo ti magted ti bunĕga á nsayaat.

44 Ta tungal cayo ití bú-nĕgana met laeng ti ammoc, ta saanda á macaala ti igos cadaguití espinos, quet dida met macapuros ti uvas cadaguití zarzas.*

45 Ti naimbag á tao ití nasayaat á paguidulínan ti púsona mangála ti imbag; quet ti dáques á tao ití dáques á paguidulínan mangála ti dáques; ta ití adú ití puso saoen ti nĕgioatna.

46 ¿Quet apay-apay nagá-nendac: Apo, Apo, quet di cay aramíden ti ibagac?

* Espinos quen zarzas, roroot á nasiit.

47 Isu-ámin ti umay caniac quet dengdengguenna daguití saoc quet aramidenna idá, isú-rocto cadacayó no ania ti cayaríganna :

48 Mayárig ití tao á no mangbánḡon ti maysa á baláy, nagecali quet pinaunegna, quet incábilna ti puonna ití bató á di maduprac ; quet idí immay ti layus, ti carayan nagáyus ti napigsá idiy á baláy, quet dina nagarao, ta nabánḡon ití natibquer á bató.

49 Nḡem ti dumnḡeg nḡem saan nḡa agarámid, mayárig ití tao á nagbánḡon ti baláyna ití dagá nḡa aoan gonḡgonána ; isú sinalápun á sipepegues ti carayan, quet dágus á natuang ; quet dacquel ti panacadaáel daydi á baláy.

Ti Centurion oenno panguloen daguití tao á naguigam sadí Capernaum.

7 IDINTO nalpas á sinaó ni Jesús ámin daguidí á saon ití lapáyag daydi á ili, simrec idiy Capernaum.

2 Quet ti adípen ti maysa á centurion, isú á patguenna, ma-saquit quetnḡannḡani matáy.

3 Quet idí nanḡegna ti *masasao* quen Jesús, imbaonna quencuana daguití panglacayen daguití tagá Judea, tapno cararáganda á umay comá quet isalácanna ti adípenna.

4 Quet isuda dimtengdaquen Jesús quet quinararáganda ití naganetguet á cunada : Maicarí á ipaaymo quencuana daytoy ;

5 Ta ayatenna ti ili tayó quet isú imbanḡonnannatayó ti sinagoga tayó.

6 Quet ni Jesús simmúrot cadacuada. Nḡem idí saanda nḡa adayun ití baláyen, di centurion nanḡibaon quencuana ti gagayyemna á nagecuná quencuana : Apo, saanca nḡa agban-nog, ta diac maicarí á sumreca ití babá ti toctoc ti baláyco :

7 Gapuna diac pay met impapan á maicariac á mapan quenca : nḡem ibílinmo ití maysa á saó, quet ti adípen-co maagásanto.

8 Ta siac met táoac á nacíbil ití babaen ti nanḡatnḡato quet adda ití babaec cadaguití soldado, quet cunac itoy : Incá, quet apan ; quet ití sabali : Umayca, quet umay ; quet ití adípenco : Aramidem daytoy, quet aramidenna.

9 Quet idí manḡeg daguitoy ni Jesús, nagsiddaáoanna ; quet idí á simmanḡo cadaguití tattao á sumursúrot quencuana, quinunana : Cunac cabacayó, á úray idiy Israel diac nacasárac ti castoy cadacquel á pammati.

10 Quet idí daguidí napan á naibaon nagsublida ití baláy, natumpúnḡanda á sisasalun-áten daydi adípen.

Ti anác ti balo sadí Nain.

11 Quet naarámid idí nalabes bassit daytoy, á isú napan ití ili á manágan Naín quet

quimmúyog quencuana daguití sursuroanna quen dacquel á cadú ti tao.

12 Quet idí dimteng ití asiddeg ti ruán̄gan ti ili, adtoy á iruarda ti maysa á natáy, á bugbugtong n̄ga anác ni inana, isú á balo; quet adú daguití tao tí ili ti quimmúyog quencuana.

13 Quet idí ti Apo naquítana, quinassianna, quet cunana quencuana: Dica agsá n̄git.

14 Quet immasiddeg quet tinignayna di lun̄gon; quet daguidí nagaoit quencuana, nagsardengda. Quet cunana: Baró, cunac quenca, tumacderca.

15 Quet bimmán̄gon daydi natáy quet nangruguí á nagsaó; quet inyáoatna quen inana.

16 Quet ti buteng simrec cadacuada ámin quet dinaydáyaoda ti Dios á cuncunada: Ti maysa á dacquel á mamadles timmáud cadacamí; quet: ti Dios sinucnálanna ti ílina.

17 Quet nagracrúrac daytoy á dámagna ití isuámin á Judea, quet ití pay met ámin á dagá á caban̄gibang.

Daguití imbaon ni Juan á Mammuniag.

18 Quet daguidí sursuroan ni Juan intedda quencuana daguití dámag daguitoy ámin á naar-arámíð:

19 Quet inayaban ni Juan daguití dua cadaguití sinn sur-

suroan. Quet imbao nna idá ití Apo, tapno saocnda: ¿Sicá daydi umayto comá oenno urá-yen minto ti sabali?

20 Quet idí napan daguidí tao quencuana, quinunada: Ni Juan á Mammuniag imbaonna camí quenca, tapno saoenmi: ¿Sicá daydi umayto comá oenno urá-yenminto ti sabali?

21 Ití daydi á horas inagásanna daguití adú cadaguití nasacsaguit quen pagpaglan, quen cadaguití espíritu á dáques: quet cadaguití adú á bulsec iniccanna ti pannacaquita.

22 Quet simmungbat ni Jesús quet quinunana cadacuada: Incayó, ipacaammoyo quen Juan ti naquita quen nangegyo: á daguití bulsec macaquitada, daguití pilay magnada, daguití agcucútel maagásanda; quet daguití túleng macan̄gegda, daguití natáy agún̄garda, cadaguití napanglao maipacaammo ti naimbag á dámag.

23 Quet nagásat ti saan á macasàrac caniac ti pacaitublá-canna.

24 Quet idí pimmanao daguidí imbaon ni Juánen, nangrugui á nagsaó cadaguití tao quen Juan: ¿Ania ti rinuaranyo á napan quinita idiay letang? ¿Maysa á caocáyan á gar-garaoen ti án̄gin?

25 N̄gem ¿ania ti rinuaranyo á napan quinita? ¿Maysa á tao á nagcao-oes cadaguití pagan-anay á nafino? Adtoy

daguití agcaoes ití pagananay á napateg, quet agbiagda cada-guití nam-ay, cadaguití palacio daguití ar-ari ti yanda

26 Nĕgem ¿ania ti rinuaran-yo á napan quinita? ¿Maysa á mammadles? Oen, cunác cadacayó, quet nangnangrona pay nĕgem mammadles.

27 Daytoy daydi nacaisurátan *daytoy*: Adtoy, siac ibaonco ti babaonec ití masanĕoánam, isú á mangĕisagánanto ití dálanmo á masanĕoánam.

28 Ta cunac cadacayó á cadaguití nayanac cadaguití bab-bai, aoan ti dacadquel, nĕgem ni Juan; ngem ti cabassitan ití pagarían ti Dios, dacadquel nĕgem isú.

29 Quet ámin ti ili á naca-nĕgeg quencuana, quen daguití agsingsingir ti buis, sacsiana tí Dios á nagbuniagda ití buniag ni Juan:

30 Nĕgem daguidí Fariseos quen daguidí mamasirib ti linteg, dida dinengnĕgeg ti bagbagá ti Dios, ití nacadadaflanda met laeng, á dida pinabuniágan quencuana.

31 Quet cuná ti Apo: ¿Asino, nĕgarud, ti pangĕipadísac cadaguití tao itoy á tiempo quet asino ti caing-ingásda?

32 Pumadpadda cadaguití ubbing nĕga agtutugao ití plaza, nĕga agui-innicquis ti maysa quen maysa cadacuada, quet cuncunada: Dacamí tinocarandacayó cadaguití flauta, quet

dicay nagsala: dacamí lidayen-nacayo quet di cay nagsánĕit.

33 Taimmay ni Juan á Mammuniag, á saan á manmanĕan ti tinápáy, di met umininom ti árac, quet cunayo: Adda saí rona.

34 Immay toy Anác ti tao, á manĕan quet uminom, quet cunayo: Adtoy ti maysa á tao á manmanĕan quen managuinom ti árac, gayyem daguití agsing-singir ti buis quen daguití managbásol.

35 Nĕgem ti sirib panecnecan ámin daguití annácna.

Ti babai á managbásol á nangsapsapó cadaguití sacsaca ni Jesús.

36 Quet dináoat quencuana ti maysa cadaguidí Fariseos á maquipanĕan quencuana. Quet simrec idí baláy ti Fariseo quet nagtugao idí lamisaan.

37 Quet adtoy ti maysa á babai á managbásol nĕga adda ití ili; quet idí á naammoanna nĕga adda nĕga agtutugao ití lamisaan idiay baláy daydi Fariseo; nangyeg ti maysa á vaso nĕga alabastro á *napnó* ti unĕento.

38 Quet idinto á nagsaad ití licod daguití sacsácana, rinugui-anna nĕga agsangsánĕit á sinibugan cadaguití luluana daguidí sacsácana, quet pinunásanna idá cadaguití buoc ti úlona: quet immag-aguep daguití sacsácana, quet sinapsapoanna ti unĕento.

39 Nĕgem idí maquita daytoy dedi Fariseo á nanĕayab

quencunana, nagsaó ití unegna á cunana: Daytoy, no coman mammadles, ammona comá no asino quen no ania á pútot ti babai daytoy á mangtignay quencuana, ta isú managbásol.

40 Quet ni Jesús simmungbat quet quinunana quencuana: Simón, adda maysa á panguen n̄ga ibagac quenca. Quet isú cunana: Ibagam, Manursúro.

41 Maysa á nagpaútang ad-da dua á nacaútang quencuana: ti maysa nacaúlang quencuana ti limá gasut á denario,* quet ti sabali limapulo.

42 Quet agsípud ta aoan ti pagbáyadda, pinacaoanna idá n̄ga agpadpada. ¿Asino cada-guitoy n̄garud ti ad-ad-danto ti panagayatna quencuana?

43 Quet simmungbat ni Si-món, á nagecuna: Cunac á day-diy nangpacaoananna ti ad-adda: Quet isú quinunana buencuana: Nalinteg ti pana-n̄gipatom.

44 Quet nagsubli idí babai, quinunana quen Simón: ¿Ma-quitam daytoy babai? Simré-cac ití baláymo, saanca á nang-ted ti danum á maipaay cada-guitoy sacsácac; n̄gem daytoy, sinibuganna daguitoy sácac ca-daguití lulua quet pinunásanna idá cadaguití buocna.

45 Saannac á iniccan ti aguec; n̄gem daytoy, nanípud itay sim-récac, saan á nagsardeng á im-

mag-aguep cadaguití sacsácac.

46 Saanmo á sinapsapoan toy úloc ití lana; n̄gem daytoy si-napsapoanna ti unguento dagu-ití sacsácac.

47 Gapuna cunac quenca, daguití adú á basbásolna mapacaoan, ta nagayat ti adú; n̄gem ití mapacaoan ti bassit, bassit ti pinagayatna.

48 Quet quinunana quencuana: Daguití basbásolmo mapacaoan quenca.

49 Quet daguidí adda á na-quitatugao quencuana ití lami-saan, rinuguianda á cuncuná ití unegda: ¿Asino daytoy, á ma-macaoan met ti básol?

50 Quet quinunana idí babai: Ti pammátim insalácannacá: in-can á sitatalná.

Daguidí babai á pinagserrida daguití gámengda quen Jesús.

8 QUET NAARÁMID idin-to á nabayag, á isú mag-magná cadaguití isu-ámin á il-ili quen purpuroc á mangas-casabá quen ipacaammona ti naimbag á dámag ti pagarian ti Dios; quet daguidí san̄gapulo quet dua *cumuycúyogda* quencuana,

2 Quen daguidí dadduma á babai, á naagásanda cadaguití dáques á espíritu quen cadaguití nasacsacquit, ni María á maná-gan idí ti Magdalena, isú á ri-nuarán ti pitó á sairo,

3 Quet ni Juana, asua ni Chuza, agay-oan ni Herodes, quen ni Susana quen adú pay á

* Cuarta á cas la úit tal-loamás quet dua.

sabsabali n̄ga agserserví quencuana cadaguití gangámengda.

Pagarigan ti agmulmula.

4 Quet idí á naguurnong ti daquel á guímung quet daguití addada ití tungal ili napanda quencuana, nagsaó á inarámatna ti pagarigan :

5 Ti agmulmula rimmoar á napan nangimula ití buquelna ; quet idí á nagmula, ti dadduma nagdissó ití íguid ti dálan quet napáyat, quet daguití tumatayab ti lángit quinnanda.

6 Quet ti sabali nagdissó ití bató, quet apáman á timmubo, nangāgo agsípud ta aoan dam-egna.

7 Quet ti dadduma nagdissó ití casiñtan ; quet idí á timmubo daguití siit á naquiraná, linemmesda.

8 Quet ti sabali nagdissó ití nasayaat á dagá, quet idí á timmubo, nangted ti bun̄ga á sangāgasut tungal *buquel*. Idí nasasona daguitóyen, impuccaona : Ti adda lapáyagna á pagdengngēg, dumuḡeg.

9 Quet daguidí sursuroanna inintuodda quencuana á quinuná : ¿Ania n̄gatá daytoy á pagarigan?

10 Quet isú quinunana : Cadacayó maited ti panangāmmo cadaguití palímed ti pagarian ti Dios ; n̄gem cadaguití sabali *biig* á pagarigan, tapno úray quitquitáenda saanda á maquita, quet úray dengdengguenda dida maáoatan.

11 Daytoy n̄garud ti pagarigan : Ti buquel isú ti saó ti Dios.

12 Quet daguití adda ití asiddeg ti dálan, isuda daguití agdengngēg ; ití calpasanna umay ti sairo, quet iccatenna ti saó ití púsoda, tapno dida patien quet dida maisalácan.

13 Quet daguití *agdissó* ití bató isuda daguití idinto á nagdengngēgda, aoátenda ti saó á siraragsac ; quet daguitoy aoan ti ramutda ; quet mamátida ití manó á tiempo quet ití tiempo ti pannacasulísog sumínada.

14 Quet ti nagdissó cadaguití siit, isú daguitoy daguití nagdengngēg ; quet idinto á surútenda ti dálanda, malmesda cadaguití ag-agaoa, gangámeng quen ragragsac ti biag quet dida agbungā ti maluum.

15 Quet ti *nagdi* ití nasayaat á dagá, isú daguitoy daguití ití nasayaat quen nalinteg á puso dinengngēgda ti saó quet salimetanda quet agbún̄gada á siamis.

Pagarigan ti sílao.

16 Quet aoan ti inton manggāngat tí sílao, calubanna ti ban̄ga, oenno icábilna ití babaen ti maysa á pag-iddá ; n̄gem icábilna quetdí ití maysa á candelero, tapno daguití sumrec maquitada ti sílao.

17 Ta aoan ti nailímed á dintó maiparan̄garang ; quen ania man á nailemmeng á dintó maamoan oenno umay ití laog.

18 Quitaenyo n̄garud cas manḡegyo; ta ití addaan, maicanto; quet ití aoanan, úray pay ti panpanunútenna á cucuana, maicatto pay quencuana.

Daguití cacabaguian.

19 Quet immayda quencuana ni inana quen daguití cacabsatna; quet dida nabalín ti dumánon quencuana agsípud cadaguidí adú á tao.

20 Quet quinunada quencuana: Ni inam quen daguití cacabsatmo addada idiy ruar, á cayatdacá á quitáen.

21 Quet isú simmungbat á quinunana cadacuada: Ni inac quen daguití cacabsatco isuda ti dumnḡeg ití saó ti Dios, quet tungpálenda.

Ni Jesús pagtalnaenna ti baguió.

22 Quet naarámid ití maysa cadaguidí n̄ga aldao, á isú simrece ití maysa á barangay quen daguidí sursuroanna. Quet quinunana cadacuada: Intayó ití bal-lasio ti baybáy. Quet nagluasda.

23 N̄gem idí n̄ga aglayláyagda, isú natúrog. Quet bimabá tí maysa á baguió ti ángin idí baybáy, quet matínepda quet agpeggadda.

24 Quet idí á immasidegda quencuana, riniingda á quinuná: ¡Manursúro, manursúro, mapucaotayon! Quet idí nacariing, inungtanna ti ángin quen ti daoel ti danum quet nagtalnada, quet immay ti línca.

25 Quet quinunana cada-cuada: ¿Adino ti yan ti památiyo? Quet isuda á sibubuteng, nagsiádaoda á cuncunada ti maysa quen maysa cadacuada: ¿Asino daytoy n̄ga agbílin úray cadaguiti ángin quen ti danum, quet tungpálenda?

Ti tagá Gadara á nalugánan ti sairo.

26 Quet ití dagá daguití tagá Gadara, n̄ga adda ití san̄goánan ti Galilea.

27 Quet idí isú dimsaag iti dagá, simmabet quencuana ti maysa á tao ti ili n̄ga adda saírona quet ití uneg ti nabayag n̄ga aldáoen, aoan ti incapetna á pagan-anay quet di agtaeng ití baláy, no di cadaguití tanem.

28 Quet isú idí maquí: na ni Jesús, nagpucao quet indúmogna ti rúpana aguinga ti dagá ití san̄goananna, quet quinunana ití napigsá á uni: ¿Ania-t' bibiangco quenca, Jesús, Anác ti Dios á Can̄gatoan? Daoátec quenca á dínac parigáten.

29 (Ta imbílinna idí ití espíritu á naruguit á rumoar idí tao: ta nabayaguen n̄ga agáoenna; quet ay-oánanda á sibababálod ti cáoar quen grillos; quet daélenna daguití gálot quet impan ti sairo cadaguití let-ang).

30 Quet ni Jesús inintuodna quencuana á quinuná: ¿Ania ti

náganmo? Quet isú quinunana :
Sanġarbaánan. Ta adú á sairo
ti simrec quencuana.

31 Quet cararáganda quen-
cuana á dina idá comá ibaon
á mapan ití yúyeng.

32 Quet adda idiay ti sa-
nġarbaánan ti adú á báboy nġa
agar-árab idí bantay : quet gui-
nararaganda quencuana á bay-
bay-anna comá idá á sumrecda
cadacuada ; quet impalúbosda.

33 Quet idí rimmoar dagui-
dí sairo idí táon, simrecda ca-
daguidí báboy ; quet di sanġar-
baánan nagtappuac ití maysa á
rúquib ití bybáy quet nalmesda.

34 Quet daguidí pastor idin-
to maquítda ti naarámid, tim-
marayda, quet napana impaca-
anmoda ití ili quen cadaguití
taltalónan

35 Quet rimmoarda á quim-
mita ití naarámid, quet im-
mayda quen Jesús ; quet na-
sarácanda nġa agtutugao daydi
tao á rinuarán daguití sairo, á
naincapét, quet sinanáquem, ití
sacaánan ni Jesús ; quet nag-
butengda.

36 Quet sinarita cadacuada
daguidí nacaquita, no casanó ti
pannacaisalácan daydi á nalugá-
nan.

37 Quet isú-ámin daguití
adú á tao tí dagá daguití tagá
Gadara, dináoatda quencuana á
panáoanna comá idá ; ta simrec
cadacuada ti dacquel á buteng.
Quet isú, immuli idí baranġay,
quet nagsublin.

38 Quet daydi tao á rinua-
ran daguidí sairo, quinararag-
anna tapno aguian quencuana ;
nġem ni Jesús pinagáoidna, á
quinunana :

39 Agáoidca idiay baláymon
quet saritáem daguití dacquel
á inarámid quenca ti Dios.
Quet isú napan á inoarragáoag-
na ití isú-ámin ti ili daguití
dadacquiél á pangguép á inará-
mid quencuana ni Jesús.

*Ti balásang ni Jairo ; ti babai
nġa agbulbulos ti dara.*

40 Quet idí nagsublí ni Je-
sús, ináoatda á siagat daguidí
tao, ta isú ur-uráyenda ámin.

41 Quet adtoy ti maysa á
lalaqui, á manágan Jairo, quet
isú turayen ti sinagoga, quet
unmay á nagrucnoy ití sacaá-
nan ni Jesús, quinararaganda
quencuana á sumrec ití baláyna.

42 Ta adda maysa á cacai-
sunanġa anácna, nġa agtaoen
ti sanġapulo quet dua, quet isú
nġannġani matáy. Nġem idí á
magnagná, naggagabsoon quen-
cuana daguití tattao.

43 Quet ti maysa á babai,
nġa agbulbúlos ti dara nanípud
pay sanġapulo quet dua á taoen-
nen, isú á rináritna cadaguití
mangnġagas ti ámin á cucuana,
quet aoan ti nacaágas quencua-
na.

44 Idinto á dumteng ití licu-
danna, tinignayna ti gayádan ti
pagan-anayna ; quet naiguid-
dato á nagsardeng ti panagbúlos
ti dara.

45 Quet quinuná ni Jesús: ¿Asino ti nangtignay caniac? Quet idinto á naglibacda ámin, quinuná da Pedro quen daguití adda á caduana: Manursúro, daguití adú á tao iletandacá quen aggagabsoonda quenca, quet cunam: ¿Asino ti nangtignay caniac?

46 Nġem quinuná ni Jesús: Adda nangtignay caniac; ta siac ammoc nġa adda rimmoar á talugáding caniac.

47 Quet idí maquita di babai á saan á macalinged, immay nġa agpipiguerguer quet idinto á nagrucnoy ití sanġoánanna, imbagana quencuana ití sanġoánan ti isúámin á umili ti gapú ti nangtignáyanna quencuana quen ti pannacaigniddátóna á pannacaágas.

48 Quet isú quinunana quencuana: Anáccá, ti pammátim, insalacannacá incan á sittalná.

49 Quet idí isú agsasao pay láeng, immay ti maysa á *nag-gapú ití baláy* ti turayen ti sinagoga á quinunana: Ti anácmo natáy, dica bannoguen ti Manursúro.

50 Nġem idí mangġeg ni Jesús, simmungbat quencuana: Dica agbuteng: isuna laeng á mamática quet isú maisalácantó.

51 Quet idí simrec ití baláy, aoan ti pinasrecna á sumúrot quencuana, no di láeng da Pedro, quen Jacobo, quen Juan, quen ti amá quen iná di balásang.

52 Quet agsangsánġitda ámin quet isú dungdungáoanda. Nġem isú quinunana: Di cay agsánġit; ta saan á natáy, no di quet matmatúrog.

53 Quet uy-uyúnġanda, ta ammoda á natáyen.

54 Nġem isú, idí á iniggamanna ití ima, impuccaona á quinuná: Balásang, tumacderca.

55 Quet ti cararuana nagsublí quet timmacder á dágus: quet isú imbílinna á iccanda tí canenna.

56 Quet daguidí ammana malmalangáda; quet isú imbílinna cadacuada, nġa aoan ti pangġibagaanda ti naarámid.

Ti nacaibaonan daguití sanġapulo quet dua nġa apóstoles

9 QUET IDÍ á inurnongna daguití sanġapulo quet duá, iniccanna idá ti talugáding quen pannacabalin cadaguití isú-ámin á sairo, quen panangágas cada-guití nasacsacquit.

2 Quet imbaonna idá á mangġicascasabá ití pagarian ti Dios quen mangágas cadaguití masacsacquit.

3 Quet cunana cadacuada: Di cay mangála ti úray aniá á sagana ití dálan, úray sarucod, úray súpot, úray tinápay, úray pirac; quet di cay mangġicúyog ti dua á pagananay.

4 Quet ití úray ania á baláy á sercanyonto, agbati cayó idiay quet idiay ti pagluasanyo.

5 Quet isú-ámin daguití saanto á mangáoat cadacayó, inton

rumuar cayó ití daydiay á ili, pampáguenyo ti tápoc daguití saccáyo á panecnecan ti maisalungásing cadacuada.

6 Quet idí á rimmoarda, pinagnada daguití isú-ámin á purpuroc, á ipacaammó ti naimbag á dámag, quet nangágasda cadaguití isú-ámin á disso.

Ni Herodes n̄ga agturay quen ni Juan á Mammuniag.

7 Quet nangeg ni Herodes n̄ga agturay daguití isuámin á maar-arámid; quet angpangpangádua, ta cuná daguití daduma á ni Juan nagún̄gar cadaguití natáy;

8 Quet daguití dadduma met, á ni Elías nagparang; quet daguití sabali, á maysa á mammadles cadaguití camdámsna nagún̄gar.

9 Quet quinuná ni Herodes: Ni Juan siac pinutúlac: n̄gem, ¿asino n̄garud daytoy, isú á siac pacan̄gegac cadaguitoy á *masasao*? Quet isú-t' gangamgámanna á quitáen.

Umuná á panagadu daguití tinápay.

10 Quet idí nagsublí daguidí apóstoles, sinarítada quencuana daguití isú-ámin á inar-arámidda. Quet idinto á innálana idá quencuana, pimmanao á nagputpútongda ití maysa á ili á manágan Bethsaida.

11 Quet idí maammoan daytoy daguití tao, simmúrotda quencuana; quet isú ináoatna

idá quet quinasuona idá ti mait papan ití pagarían ti Dios, queinagásanna daguití n̄ga apsapapul ti pannacaágas.

12 Quet tí aldao nangrugui á mumalémen; quet inmasideg daguidí sangapula quet dua quet quinunada quencuana: Pagaóidem daguití tao, tapno apanda cadaguití purpuroc quen taltálon ití arubáyan, n̄ga agdagús quen agsápul ti pagtaraonda; ta ditoy addátayo ití disso n̄ga aoan matattao.

13 N̄gem cunana cadacuada: Dacayó iccanyo idá ti canen. Quet isuda quinunada: Aoan cadacamí no di láeng limá á tinápay quen dua á ican, no saan camí á mapan gumátang ti pagtaraon á maipaay ití isú-ámin daytoy á guímung.

14 Ta aglimariboda á tao. Quet quinunana cadaguidí adálanna: Pagtugaoenyo idá á paglanglángen ti tungal saglilimá pulo.

15 Quet castá ti inarámidda quet pinagtugaoda idá ámin-en.

16 Quet idí á innálana daguidí limá á tinápay quen daguidí dua á ican, quimmita sadí lán̄git quet binendicionanna idá; quet pinísina quet intedna cadaguidí adálanna tapno icábilda ití sangóanan daguití tao.

17 Quet nanganda ámin, quet nabsogda; quet ití natdá cadaguití putpúted, nacaálada ti sangapulo quet dua n̄ga alat.

Ti pananġiparanġarang ni Pedro ití pammátina.

18 Quet naarámid nġa idí nġa adda nġa aglulualo á maymaysa, addada quencuana daguidí adálanna; quet in intudna cadacuada á quinuná: ¿Asino ac ti panagecuná daguití tao?

19 Quet isuda simmungbatda quet quinunada: ni Juan á Mammuniag; quet daguití dadduma, ni Elías; quet daguití sabali, nġa nagúnġar ti maysa á mammadles cadaguití cadaánan.

20 Quet quinunana cada-cuada: Nġem dacayó asino ac ti panagecunayo? Quet simmungbat ni Simón Pedro quet quinunana: Ti Cristo ni Apo.*

21 Nġem isú imbílinna cadacuada quet impátóna á dida saoen daytoy ití úray si-asino;

22 A cunana: Masápul á toy Anác ti tao aglac-am ti adú á pangguép quen saan nġa am-moen daguití lal-lacay quen turayen daguití papadi quen daguití escribas, quen matáy quen agúnġar ití maicatló nġa aldao.

Aoiten ti Cruz.

enna ti cruzna tungal aldao

23 Quet cuncunana cada-cuada ámin: No adda mayat á umay ití licudac, paglicudanná ti baguina, quet alá-

quet surutennac.

24 Ta ti cayatna á isalácan ti biagna, mapucaonanto; nġem ti macapucao ti biagna gapú caniac, daytoy maisalacannanto.

25 Ta ¿ania ti paguimbagan ti tao no maálana ti isu-ámin á lúbong, nġem mapúcaona quet dadaélenna ti baguina?

26 Ta ti mangíbain caniac quen cadaguití saoc, daytoy ibainto met toy Anác ti tao, inton umay agráman ti glór-iana quen ti gloria ni Ama quen ca daguití nasantoan nġa ángeles.

27 Nġem ití quinapudno cunac cadacayó Adda dadduma cadaguití adda-t' ditoy, á dí-danto lac-ámen ni patáy, ag-ŷuŷnga-t' dida maquitá ti pa-garían ti Dios.

Ti panaglaogagna

28 Quet naarámid ití ag-ualó nġa aldao ití calpasan daguitoy á saó, á innalana ni Pedro, quen ni Juan, quen ni Jacobo quet immuli ití bantay á naglualo.

29 Quet idí madamá nġa aglulualo, ti langá daydi rú-pana nagbálio, quet ti pagan-anayna á *nagbalín* á napudao quen naraniag.

30 Quet adtoy daguití dua á lal-laqui á maquisasaso quen-cuana, á isuda da Moisés quen Elías,

31 A nagparangda á sigo-gloria, quet sinasaoda ti pa-

* Cristo cayatna á saoen: Naconsagrar ití lana á cas la cadaguití Ari.

nag-oayá-aoyña, á n̄gann̄gani matungpal idiay Jerusalem :

32 N̄gem ni Pedro quen daguidí caduana, macatúrogda únay quet idinto á nagringda, naquítda ti glóriana quen daguidí dua á lal-laqui n̄ga addada quencuana.

33 Quet naarámid, á idí á pumánaoda quencuana, ni Pedro quinunana quen Jesús: Manursúro, naimbag n̄ga aguián tayó ditoy quet agarámid camí ti tal-lo n̄ga ábong: maysa ti maipaay quenca, quet maysa quen Moisés, quet maysa quen Elías, á dinna ammó ti sasacenna.

34 Quet idí madamá á isú sasacenna daytoy, immay ti maysa á úlep á nangbungon ti sipn̄g t cadacuada; quet nagbutengda idí isuda sumreca idí úlep.

35 Quet immay ti maysa á uni ití úlep á nagecuná: Daytoy ti Anácco n̄ga ay-ayaten: isú dengguenyó.

36 Quet idí immay daydi á uni, nasarácanda á maymaysa ni Jesús; quet isuda dida nagsaó; quet cadaguidí n̄ga aldao aoan ti sinaoda ití úray siasino ití naquítda.

Pannacaágas daydi bumaró n̄ga adda bulanbulúnenna.

37 Quet naarámid ití aldao n̄ga sumarunó, á idí bimabada idí bantay, dacquel á guímung ti simmabet cada-cuada.

38 Quet adtoy ti maysa á tao ti guímung á nagpuccao á nagecuná: Manursúro, daoátcc quenca á italiaomo comá daguití matam ití anácco, á cacaisuna n̄ga anácco.

39 Quet adtoy ti maysa á espírítu aláenna quet maiguid-dato n̄ga aguiquis; quet riribú-quenna aguinga-t' paglabutábenna quet agrígat ápumanao quencuana quet cacaasi ápamay-anna.

40 Quet dináoatco cadaguití adálam á paruarenda comá quet dida nabalin.

41 Quet simmungbat ni Jesús, quet quinunana: ¡Oh caputótan n̄ga aoan pammátina quen managdactáques! aguinga ti caano ti panaḡtaengeconto cadacayó quen panangsagaba cadacayó? Yegmo ditoy ti anácmo.

42 Quet idí umasidéguen, di sairo intublacna quet pinarí-gatna: n̄gem ni Jesús inung-tanna daydi espírítu á naruguit, quet inagásanna daydi bumaró, quet insublina quen amana.

43 Quet isuda ámin masmasdaaoda ití dacquel á pan-nacabalin ti Dios. N̄gem idí á masmasdaaoda ámin cadaguitoy ámin á inar-arámidna, quinunana cadaguidí adálanna:

44 Icábilyo cadaguidí lapáy-ayyo daguitoy á saó; ta toy Anác ti tao mayáoatto cadaguití ima daguití tat-tao.

45 Nĕm isuda saanda á ma-
áoat daytoy á sáo, quet nailímed
cadacuada tapno dida maaóatan,
quet mabutengda met á mangin-
tuod quencuana itoy á saó.

*Ti daedacquel ití pagarian daguití
langlángit*

46 Quet nabánĕon ti súsic
cadacuada no asínonto cadacua^{da}
ti daedacquel.

47 Nĕm ni Jesús, idí ma-
quítana ití panagpanúnót dagui-
tí púsoda, nangála ti maysa á
ubing, quet incábilna iti asideg-
na.

48 Quet cunana cadacuada :
Ti umáoatto itoy ubing ití ná-
ganco, aotennacto ; quet ti
umáoat caniac, aoátenna ti nan-
ĕibaon caniac ; ta ti cabassitan
cadacay ámin, daytoy isunto ti
daedacquel.

*Ti saan á sumalnúnĕasing cadatayó,
adda cadatayó.*

48 Quet simmungbat ni Juan
quet quinunana : Manursúro,
nacaquita camí ti maysa á ma-
magtalaó cadaguití sairo ití ná-
ganmo ; quet impáritmi quen-
cuana, ta saan á sumúrot cada-
camí.

50 Nĕm ni Jesús quinuna-
na quencuana : Di-cay ipárit,
ta ti saan á sumalunĕasing
cadatayó, adda cadatayó.

*Daguití tagá Samaria dida aóten ni
Jesús.*

51 Quet naarámid, nĕa ag-
sípud ta dimtĕngĕn daguití al-
dao ti iyuúlina *sadí lángit*, isí

impaquítana ti rúpana á mapan
á sitatalgued *sadí Jerusalem.*

52 Quet nangĕibaon cadaguití
napan immuná quencuana ; quet
isuda á napan quet simreeda ití
maysa á puroc daguití tagá Sa-
maria, tapno isagánaanda ti *pag-
dagusan.*

53 Quet isú dida ináoat ag-
sípud ta impaquítana ti rúpana
á mapan *sadí Jerusalem.*

54 Quet idí maquita *daytoy*
daguidí adálanna á Jacobo quen
Juan, quinunada : Apo, ¿cayat-
mo á ibílinmi á bumabá ti apuy
ti lángit tapno ibusenna idá á
cas met ti inarámid ni Elías?

55 Nĕm isú simmanĕo quet
inungtanna idá á quinuná :
Dacayó di-cay ammó no ania á
espíritu cayó.

56 Ta toy Anác ti tao saan á
immay tapno agdadáel cadaguití
cararuá daguití tao, no di quet
tapno isalácanna. Quet napan-
da ití sabali á puroc.

No casanó ti panangsúrot quen Jesús.

57 Quet naarámid á idí mag-
magñada ití dálan, quinuná ti
maysa á tao quencuana : Apo,
surutencanto uray adino ti
papanam.

58 Quet quinuná quencuana
ni Jesús : daguití zorias* adda
rúquibda, quet daguití tumatay-
ab daguití lángit, daguití úmoc-
da ; nĕm toy Anác ti tao aoan
ti pangĕisadáganna ití úlona.

* *Animal ti bacbáquir á cas la asu.*

59 Quet quinunana ití sabali: Sumúrotca caniac. N̄gem isú quinunana: Apo, bay-annac ta innac pay quet icálic ni amac.

60 N̄gem ni Jesús quinunana quencuana: Bay-am daguití natáy á icálida daguití minátayda; n̄gem sicá inca quet ipacaammom ti pagarian ti Dios.

61 Quet quinuná met ti sabali: Surutencanto, Apo; n̄gem bay-annac ta innac pay, agpacada cadaguití adadda ití baláycó.

62 N̄gem ni Jesús quinunana quencuana: Aoan ti, idinto á incábilna ti ímana ití arado quet tumaliao pay ití lieudan, ti mainumó ití pagarian ti Dios.

Nacaibaonán daguidí pitopulo n̄ga ad-adálanna.

10 QUET ITÍ calpasan daguitoy á naarámí, nangilásin ti Apo ti sabali á pitopulo, quet imbaonna idá á sagdudua, ití masangóananna, ití isu ámin á ili quen disso á isú papanannanto.

2 Quet cuncunana cadacuada: Ti anien quinapudnoanna n̄ga adú; n̄gem daguití agani, basitda: gapuna, daoátenyo ití Apo ti anien á mangibaon cadaguití agani ití anienna.

3 Magnácayo, adtoy á ibanco cayó, á cas la cadaguití carnero ití nagtengn̄gaan daguiti lobo.

4 Saan cayó á mangicúyog ti bolsa, úray súpot, úray chapin;

quet aoan met ti cablaáoanyo ití dálan.

5 Quet ití úray ania á baláy á sercanyo, cunayo á umuná: Ti talná *agtaeng* itoy á baláy,

6 Quet no addanto sadiay anác ni talná, ti talnáyo aguinananto quencuana; n̄gem no saan, agsublinto cadacayo.

7 Quet agtaengcay to ití daydiay met láeng á baláy á mangān quen uminum ití iteddanto; ta ti agarámí maicari ití báyadna. Saan cayó á umal-latio-latio ití baláy quen baláy.

8 Quet ití úray ania á ili á sercanyonto quen pangāoátanda cadacayó, canenyonto ti icábilda ití sangóananyo;

9 Quet agásanyo daguití masacsaquit n̄ga adda quencuana quet cunayo cadacuada: Immasideg cadacayó ti pagarian ti Dios.

10 N̄gem ití úray ania á ili á sercanyo quen dida pangāoátan cadacoyó, rumoarcayó cadaguití daldálanna quet cunayo:

11 Úray pay ti tápoc ti íliyo á quimpet cadacamí cadaguití sacsácami, pampáguenmi cadacayó: núpay castá ammoenyo, á ti pagarian daguití langlángit immasideg cadacayó.

12 Cunac cadacayó á daydiay n̄ga aldao basbassitto ti in̄get á maipaay ití Sodoma n̄gem ití daydiay á ili.

13 ¡Asica pay, Corazin! ¡Asica pay Bethsaida! Ta no idiay Tiro quen Sidón naarámí

comá daguití datdatlag á naar-ámid cadacayó, nabayag coman á nagbabáoida, á nagtugaoda ití cilicio quen dapóc.

14 Quinapudnona á basbas-sitto ti inġet á maipaay ití Tiro quen Sidón nġem dacayó inton pannacaocom.

15 Quet sicá, Capernaum, á nabánġonca aguinga-t' lánġit, aguinga-t' inferno maipababacanto.

16 Ti dumnġeg cadacayó, dengdengguennac; quet ti mamagtálo cadacayó, papagtalá-oennac, quet ti mamagtálo caniac, pagtaláoenna ti nanġibaon caniac.

17 Quet nagsublí daguidí pitopulo á siraragsac, á cuncunada: Apo, úray pay daguití sairo painaemanda cadacamí ití nágunmo.

18 Quet quinunana cadacuada: Siac quitquitáec idí ni Satanás á cas la sal-it á natnag sadi lánġit.

19 Adtoy inicean cayó ti panuacabalin á pumáyat cadaguití ul-úleg quen mangagamá quen ití ámin á pigsá ti cabúsor; quet noanto ti manġan-anó cadacayó.

20 Nġem di-cay agay-ayat ití daytoy, á daguití espíritu painaemanda cadacayó; agay-ayat cay quetdí á daguití nagnágan-yo naisúratda cadaguití lánġit.

21 Idí met láeng á horas ni Jesús nagragsac ití Espíritu Santo quet quinunana: Sicá day-

dayáoença, oh Ama, Apo ti lánġit quen dagá, ta inlemmengmo daguitoy á panguep cadaguití mamasírib quen mannacammó, quet impactaarmo idá cadaguití ubbing, con, oh Ama, ta castoy ti nagayatam.

22 Ámin daguití panguep inyáoat caniac ni Amac: quet aoan ti macammó no asino toy Anác no di ni Ama; quen no asino ni Ama no di toy Anác quen daydiay cayat á panġipacdaáran toy Anác.

23 Quet idí á sinánġona daguidí adálanna, quinunana cadauada á is-isuda: Nagásat daguití matá á macaquita cadaguití dacayó maquítayo;

24 Ta cunac cadacayó nġa adú daguití mammadles quen ar-ari á tinarigagáyanda á quitáen ti dacayó maquítayo, quet didamaquita; quen dengguen ti manġegyo, nġem didamanġeg.

Pugarigan daydi naimbag á tagá Samaria

25 Quet adtoy, ti maysa á masírib ti linteg á timmaeder quet sinulísogna á quinuná: Manursúro, ġanianto ti aramídec tapno matáoido ti biag lġa agnanáyon?

26 Quet isú quinunana quencuana: ġAnia ti adda á naisúrat ití linteg? ġCasanó ti panangbásam?

27 Quet isú simmungbat á quinunana: Ayatenito ti Apo á Diosmo ití isuámin á púsom quen ití isú-ámin á cararuam,

quen cadaguití ámin á pigsam, quet ití ámin á ísipmo; quen ití pádam á tao á cas quenca met láeng.

28 Quet quinunana quencuana: Nalinteg ti isusungbatmo: aramidem daytoy quet agbiagcanto.

29 N̄gem isú, idinto á cayatna ti agparang á nalinteg, quinunana quen Jesús: ¿Quet asino ti pádac á tao?

30 Quet ni Jesús simmungbat quet quinunana: Maysa á tao nagsálog manípud Jerusalem aguinga-t' Jericó, quet natnag cadaguití tulisan, isuda á nanglábos quencuana; quet sinugatanda quet napandan á pinaáoan á n̄ganugani matáy.

31 Quet nairaná á simmálog ti maysa á padi idiy á dálan, quet idí á maquitana, limmabas á linclicanna.

32 Quet castá met n̄ga maysa á Levita idí dimteng ití asideg idiy á disso quet naqítana, linclicanna.

33 N̄gem ti maysa á tagá Samaria á magmagná, napan ití asidegna quet idí maqítana, quinasían-na;

34 Quet idí á immasideg, binedbedanna daguití sugúsagatna, á siniboganna ti lana quen árac; quet idí á incábilna idí nagsacayanna, impanna ití pagdagusan, quet tinaraquenna.

35 Quet ití sabali n̄ga aldao idí pumanao, nangála ti dua á denario, quet intedna idí aquim-

baláy, quet quinunana quencuana: Taracnem caniac; quet isú ámin daguití sabali á magastom, siac inton sumubliac, bayáducto quenca.

36 ¿Asino n̄garud cadaguitoy tal-lóti pagarupem á pada á tao daydi natnag cadaguití tulisan?

37 Quet isú quinunana: Daydi nangáramat quencuana ití asi. Idin quinuná ni Jesús quencuana: Incan quet sicá aramidem met ti castá.

Ni Marta quen ni Maria

38 Quet idí á magmagnada, isú simrec ití maysa á puroc: quet ti maysa á babai á manágan Marta, ináoatna ití baláyna.

39 Quet daytoy adda maysa á cabsatna, á manágan María, isú met á timmugao ití sacaánan ni Jesús quet dengdengnḡeg ti saona.

40 N̄gem ni Marta maringeron cadaguití adú n̄ga arámid; quet napan quencuana quet quinunana: Apo, ¿dica saquiten á ni cabsatco baybayannac n̄ga agservi á maymaysa? Ibagam n̄garud quencuana á tulungannac.

41 N̄gem ti Apo simmungbat quet quinunana quencuana: Marta, Marta, nasalúcagca quet adú ti pacaringóram:

42 N̄gem maysa á panguep ti másápul, quet ni María pinílina ti nasayaat á bágui, isunto á dí maiccat quencuana.

Ti lualo ti Apo,

11 QUET NAARÁMID á idí n̄ga aglulualo ití maysa á dissó, idí nalpás, maysa cadaguidí adálanna quinunana quencuana: Apo, isúrona camí n̄ga aglualo, á cas met ti panangisuro ni Juan cadaguití sinursuroanna.

2 Quet quinunana cadacuada: No aglualo cayó, cunayo: Amami n̄ga addaca sadi langlángit, madayao comá á cas sagrado ti náganmo. Umay cadí ti pagariam. Maarámid cadí ti pagayatam, no casanó idiay langlángit, castá met ditoy dagá.

3 Ti tinápaymi á masápul itdem cadacamí ti inaldao-aldao.

4 Quet pacauanem cadacamí ní daguití basbásolmi; ta dacami met pacauanenmi ti isú-ámin á macaítang cadacamí. Quet dina cam iserrec ití panacasulísog, n̄gem isalácan na cam quet ití dáques.

Pagarigan ti gayyem á macaalimúten.

5 Quet quinunana met cadaenada: ¿Asino n̄gatá cadacayó ti adda maysa á gayyem, quet mapanto quencuana ití tengn̄gá ti rabií, quet cumánanto quencuana: Gayyem, pabulúdannac man ti tal-ló á tinápay,

6 Ta maysa á gayyemco immay caniac á nagdagus, quet aoan ti isángoc quencuana;

7 Quet isú manípud ití uneg sumungbatto á cunaenna: dinac alimutn̄gen; ti ruán̄gan

sipupúniten; quet daguití taguúbic addada caniac ití paguidnaan; diac mabalin ti bumán̄gon quen mangted quenca?

8 Cunac cadacayó, á úray pay no saan á bumán̄gon á mangted quencuana agsipud ta gayyemua, úray castá, bumán̄g-onto agsipud ti panaūgalimútn̄genna quet itdennanto quencuana ti isú-amin á masápulna.

9 Quet siac cunac cadacayó: Agdáoat cayó, quet maiccancayto; agsápul cayó, quet macasaracayto; umayab cayó, quet luctandacayto.

10 Ta isú-ámin ti agdáoat, umáoat; quet ti agsápul, macasárac; quet ití umayab, maluctan.

11 ¿Quet asino cadacayó, tí idinto n̄ga ama, no ti anacna dumáoat quencuana ti tinápay, itdennanto quencuana ti maysa á bató? oenno, no ican ti *daoát-tenna*, ¿idinto á ican icannanto ti maysa á úleg?

12 Oenno, no dumáoatto ti maysa á itlog, itednanto quencuana ti maysa á mangagamá.

13 No dacayó n̄garud, idinto á dáques cayó, ammoyo ti mangted cadaguiti nasayaat á sagágot cadaguití annácyo, ¿anianto quet din ti Amayo á nailangitan itdennanto ti Espiritu Santo cadaguití mangdáoat quencuana?

Ti panagtabbaao daguití Fariseos.

14 Quet isú madamana á pagtaltaláoen ti maysa á sairo,

isú á úmel; quet naarámíð á idí á rimmoar ití ruar ti sairo, ti úmel nagsaó, quet daguití adú á tao nagsiddeaoada.

15 Nġem daguití dadduma, cadacuada cuncunada: Ití *pannacabalin ni Beelzebul*, á turayen daguití sairo, ti pamagtálaona cadaguití sairo.

16 Quet daguití dadduma, susuútanda, á dumáoatda quencuana ti maysa á paguilasínan ti lánġit.

17 Nġem isú, idí á mailásinna daguití panúnotda, cunana cadacuada: Isú-ámin á pagarian á maoará-oará ití *nadumaduma á ummong* nġa agri-ringorda, marbá; quet ti maysa á baláy matuang ití sabali á baláy.

18 Quet no ni Satanás masinasina á *maquicábil* met la ití baguina, ¿casanonto ti panagtacler ti pagarianna? Ta cunayo á ití pannacabalin ni Beelzebul ti pamagtálaoco cadaguití sairo.

19 Nġem no siac pagtaláocce daguití sairo agsípud ti pannacabalin comá ni Beelzebul, ¿daguití annácyo asino nġarud ti aquin-pannacabalin ti pamagtálaoda cadacuada? gapuna, isuda isúdanto daguití ocomyo.

20 Nġem no agsípud ití ramay ti Dios siac pagtaláocce daguití sairo, quinapudnoanna á ti pagarian ti Dios dimteng cadacayó.

21 No ti napigsa, siígam,

nġa agay-oan ití paraánġanna, ámin daguití cucuana adada á sitatalgued.

22 Nġem no umay ti napigpigsa nġem isú, abáquennanto, alacennanto quencuana daguití isú-ámin á ig-ígamna á nagecammatalcanna, quet bingbingá-yenna daguití inábacna.

23 Ti aoan caniac, sumalunġásing caniac; quet ti saan nġa agpídut caniac, agñoará.

24 No ti espíritu á narugujt macaruar ití tao, magná, cadaguití dissó á namagá, nġa agsapapul ti ragsac; quet inton dina masarácan, cunana: Agsubliacto ití balayco, isú á rinuarac.

25 Quet inton umay, masarácanna á nasagádan quen naarcósan.

26 Quet ití castá mapan quet mangála ti sabali á pitó á espíritu á dactáques nġem isú; quet sumrecla quet agbaláyda idiay quet ti tungpal daytoy á tao rumoar á dactaques nġem ití immununá.

27 Quet naarámíð á idí sasaoenna daguitoy á panguer, maysa á babai idí guimung, naguni ti napigsá quet quinunana quencuana: Nagásat ti tian á nagaoit quenca, quen daguití suso á sinusoam.

28 Nġem isú quinunana: Umuná pay á nagásat daguití agdengnġeg ti saó ti Di's quen daguití mangíduling quencuana.

Ti paguilasinan ni Jonás.

29 Quet idí daguití tao im-
mayda *quencuana*, rinuguiama
á quinuná: Daytoy á caputótan
dáques: á caputótan: agsápul ti
paguilasinan, n̄gem saanto á
maited quencuana ti pagui-
lasinan, no di ti paguilasinan ni
Jonás.

30 Ta no ni Jonás isú ti pa-
guilasinan daguidí tagá Nínive,
castá met toy Anác ti tao isunto
ti paguilasinan daytoy á capu-
tótan.

31 Ti Ari á babai ti Aba-
gátan tumacderto inton panan-
gocom agráman cadaguití tao ti
daytoy á caputótan, quet ipu-
longnanto idá: ta immay cada-
guití ungtó ti dagá á nagden-
gn̄geg ti quinasírib ni Salomón;
quet adtoy itoy á dissó toy dac-
dacquel n̄gem ni Salomón.

32 Daguití tao sadi Ninive
tumacderdanto inton panan̄go-
com agráman itoy á caputótan,
quet isú ipulongdanto; ta ití
panan̄gascasabá ni Jonás nag-
bababáoida; quet adtoy ti maysa
á dacadacquel n̄gem ni Jonás
dityo á dissó.

Ti sílao ti bagui.

33 Aonan ti idinto á nanggá-
ngat ti sílao, icábilna ití na-
lemmeng oenno ití síroc ti ca-
van; no di quet ití rabao ti
candelero, tapno daguití sum-
rec, maquíada ti sílao.

34 Ti sílao ti bagui isú ti
mata no ti matam sisasalunat,

isú-ámin ti baguim nalaoagto
met; n̄gem no dáques, castá
met á ti baguim nasipn̄getto.

35 Quitáem n̄garud ta ti sí-
lao nga adda quenca saan comá
á sipn̄get.

36 No ti isú-ámin á baguim,
n̄garud, nalaoag comá quet aonan
úray ania á dissona á nasipn̄get,
isú-ámin nalaoagto, á cas comá
no ti sílao siln̄ágannaca ití la-
oagna.

*Ni Jesús babalaonna daguití escribas
quen daguití Fariseos.*

37 Quet idí n̄ga agsásao, qui-
nararágan ti maysa á Fariseo á
maquipan̄gan quencuana: quet
simrec ni Jesús quet nagtugao á
nan̄gan.

38 Quet di Fariseo idí ma-
quídana daytoy, nagsiddaao ag-
sápul ta saan á nagbuggó idí
apan man̄gan.

39 Quet ti Apo quinunana
quencuana: Itá dacayó á Fa-
riseos ugásanyo ti ruar ti vaso
quen pingan; n̄gem ti unegyo
napnó ti panagagao quen quina-
dáques.

40 Agcacacúneng, ¿ti naga-
rámid ití adda ití ruar, dina
met inarámid ti adda ití uneg?

41 Núpay castá, ti adda ití
unegyo ilimosyó; quet adtoy á
ití castá isú-ámin maugásanto
cadacayó.

42 N̄gem jasi cay pay Fa-
riseos! ta idátanyo ti pagca-
san̄gapulo ti hierbabuena, ti
ruda quen ti isú-ámin á nateng;
quet liclicanyo ti nalinteg quen

ti ayat ti Dios. N̄gem daguitoy á pangguép útangyo comá á inarámid á di quet binaybay-an á di inarámid daguití sabali.

43 ¡Asi cay pay Fariseos! ta ayatenyo daguití umuná á tugao cadaguití sinagogas quen daguití cabcablaao cadaguití plaza.

44 ¡Asi cay pay! ta cas cayó cadaguití tanem á di maquita, quet daguití tao á magmagná ití rabao, dida ammó.

45 Quet simmungbat ti may-sa cadaguidí mangisursuro ti linteg quet quinunana quen-cuana: Manursuro, ití panag-saom itoy, uray dacamí pagsasao-annacamí.

46 Quet isú quinunana; ¡Asi cay met, manursuro ti linteg! ta pagaoitenyo daguití tao ti aoit á dida maimet; n̄gem dacayó úray man la comá no may-sa á rámay di-cay tignáyen daguití aoit.

47 ¡Asi cayó! ta bangónen-yo daguití tanem daguití mam-madles, quet pinátay idá daguití ammayo.

48 Quinapudnona dacayó daguití sacsi quet anamún̄ganyo daguití arámid daguití ammayo: ta pudnó á isuda pinatáyda idá, n̄gem dacayó bangónenyo daguití *tanemda*.

49 Gapuna, ti quinasírib ti Dios quinunana met: Ibáon-conto cadacuada daguití mam-madles quen apóstoles; quet *adunto* cadaguitoy ti patáyenda quen camátenda.

50 Tapno masingirto itoy á caputótan ti dara daguití ámin á mammadles á naiparucpoc nanípud idí pannacabán̄gon ti lí-bong,

51 Nanípud idí dara ni Abel, aguinga ti dara ni Zacarías, á natáy-ití nagbaectan ti altar quen ti Santuario: quinapudnoanna á cunac cadacayó, masingirto itoy á caputótan.

52 ¡Asi cay pay, mangisursuro ti linteg! ta iniecatyo ti tulbec ti sírib; dacayó di-cay simrec, quet pinaoílanyo daguití sum-rec comá.

53 Quet idí pimmoar idiáyon daguidí escribas quen Fariseos rinuguianda ti nagpungtot únay quen-cuana quet sinaíroda tapno agsaó cadaguití adú á pangguép;

54 Á sisiímenda quet agaoa-anda á tilioen ití n̄gíoaatna ti bassit á panḡipulón̄ganda quen-cuana.

12 QUET IDÍ á castá, á naguurnong ti riniboribo á tao n̄ga agbibinnaddec ti maysa quen maysa, rinuguianna á quinuná cadaguidí adálanna, á immuná: Agaluadcayó ití le-vadura daguití Fariseos, ta isú pinaguinsisingpet.

2 Ta aoan ti nailemmeng á dinto maluc-atan; oenno palí-med á dinto maammoan.

3 Gapuna, ámin á sinaoyo cadaguití sipn̄get, manḡegto ití laoag; quet ti sinaoyo á inyara-saas cadaguití siled á maquin-

uneg, maicarragáoagto manípud cadaguití tuctoc ti baláy.

No asino ti rumbeng á cabuteng.

4 Quet cunac cadacayó, gayyemco: di-cay pagbutngan daguití mamapátay ti baguí, quet ití calpasan, dagnitoy, aoan ti sabali á mabalinda nga aramíden.

5 Ngem isúrocto cadacayó, no asino ti cabutengyo: pagbutnganyo daydiay á ití calpasan ti panangpapátayna, adda pannacabalinna á mangigaran-gógong idiaiy inferno: pudnó á cunac cadacayó: pagbutnganyo daytoy.

6 ¿Saan á malaco ti limá á billít ití dua á cuarta? Quet úray maysa cadaacuada aoan ti malipátan ití sangóanan ti Dios.

7 Ngem úray pay daguití buoc ti úloyo addada ámin á nabílang. Di-cay agbuteng: napatpateg cayó ngem cadaguití adú á bil-lit.

8 Quet cunac cadacayó nga isú-ámin á mangammo caniac ití sangóanan daguití tao, castanto met á toy Anác ti tao ammoennanto ití sangóanan daguití ángeles ti Dios.

9 Ngem ti mangilibac caniac ití sangóanan daguití tao, mailibacto met ití sangóanan daguití ángeles ti Dios.

10 Quet isú-ámin ti agbalicas ti saó á maicanioas itoy Anác ti tao, mapacaoanto; ngem

ti agsaó ti dáques ití Espíritu Santo, saanto á mapacaoan.

11 Quet inton isaclanda cayó cadaguití sinagoga quen cadaguití panguloen quen cadaguití agturay, di-cay pacadanágan no casanó oenno anianto ti isungbatyo oenno ti sao-enyonto;

12 Ta ti Espíritu Santo isuronacayto ití daydiay met la á horas ti masápul á saoen.

Pagarigan ti nabacnang á nacúneng.

13 Quet quinuná quencuana ti maysa cadaguidí adú á tao: Manursúro, ibagam quen cab-sateo á ibingáy annac ti táoid.

14 Ngem isú quinunana quencuana: Tao, ¿asino ti nangicábil caniac á mangocom oenno mangbingay cadacayó?

15 Quet quinunana cadaacuada: Quitáenyoy quet agaluad cayó ití ámin nga águm; ta ti biag ti tao saan nga adda ití cadadú daguití gámeng á cupeupicúpama.

16 Quet isú sinaritana cadaacuada ti maysa á pagarigan, á quinunana: Ti tálon ti maysa á tao á nabacnang nagbnnaga ti adú;

17 Quet isú panpanunútena ití unegna, á cuncuna: ¿Anianto ti áramídec, ta aoan ti pangidulínac cadaguití bungbún-gac?

18 Quet quinunana: Aramí-decto daytoy: rebbaceto daguití camáligeo, quet bangónecto idá á dacdacquel; quet idiaiy idú-

linconto isú-ámin daguití trigoc quen gamgámengco :

19 Quet cunacto ití cararuac : Cararuá, adú daguití gámeng á indúlinmo á maisagana ití adú á taoen ; aguinanaca, manganca, uminumca, agracsacca.

20 N̄gem quinuná quencuana ti Dios : Nacúneng ! itá á rabí sublianda á daoáten quenca ti cararuam : quet daguití adda á insagánam, ¿asínonto ti agtaguicúa cadacuada ?

21 Castoy ti agurnong tigamgámeng á maisagana quencuana, quet saan á nabacnang ití Dios.

Panagagaoa ti biag.

22 Quet quinunana cadaguití adálanna : Gapuna cunac cadacayó : di-cay agagaoa ti biagyo, no anianto ti canenyo, oenno ti baguíyo no anianto ti icaoesyo.

23 Ta ti biag nangnangrona n̄gem ití canen, quet ti baguí n̄gem ití pagan-anay.

24 Panunútenyo daguití uac, á dida agmula quet dida met agani, quet aoan ti paguidulínanda oenno camálig man, quet ti Dios taraonanna idá. ¿Anianto quetdin cadacayó á napatpateg cayó n̄ga adayú n̄gem daguití tumatayab?

25 ¿Quet asino cadacayó, úray pay casanó caadú ti panagagá-oana, ti macabalin á mangnáyon ití quinatáyagna ti sangcasisco?

26 No di-cay n̄garud mabalin ti basbassit, ¿apayá pay agaoa-

anyo ti maipapan cadaguití sabali?

27 Quitáenyo daguití lirio, no casanó ti idadacquelda : dida n̄ga agarámid quet saanda met n̄ga agabel ; n̄gem cunac cadacayó á úray ni Salomón agráman ti isu-ámin á glóriana saan á nagcaoes á cas ti maysa cada-cuada.

28 No castoy n̄garud ti panangaoes ti Dios ití root, á itá adda ití tálon, quet inton bigat maibel-leng ití horno, ¿anianto quetdí cadacayon lal-lagui á bassit ti panmátina?

29 Dacayó, n̄garud, di-cay agsápul ití canenyonto oenno ti inumenyonto ; quet di-cay met aglagao.

30 Agsipud ta isú-ámin daguitoy á panguiep sapsapúlen á sireregta daguití il-ili ti lubong, n̄gem ni Amayo ammona á masápulyo daguitoy.

31 N̄gem sapúlenyo ti sipapardasiti pagarian ti Dios, quet isú-ámin daguitoy á cucua mainayónnanto cadacayó.

32 Di-cay agbuteng, bassit á ipastórac, ta nagayatan ni Ama á ited cadacayó ti pagarian.

33 Ilácoyo ti cupepicúpanyo, quet mangted cayó ti limos ; agarámid cayó ti supsúpotoyo á di agbaac, maysa á quinabacnang á dinto maibus cadaguití langlángit, á dinto dumteng ti mannanacao dimet dadaélen ti bucboc.

34 Ta no adino ti yan ti gúpityo, addanto met sadiay ti puspuso.

Pagarigan ti adípen á nasalútag.

35 Baricsanyo daguití sí betyo quet sigagánġat daguití sílayo :

36 Quet dacayó cas cadaguití tao nġa agur-uray ití apoda no caano ti panagsublínanto ití pagbobodaan ; tapno inton umay quet umayab, dágusto á isú luctanda.

37 Nagásat daguidiay adípen á inton umay ti Apo, masaracannanto idá nġa agpuypúyat : pudnó á cunac cadacayó, nġa agbaríquesto quet aramídennto nġa agtugaoda ití lamisaan, quet umayto quet agservinto cadacuada.

38 Quet no umayto inton maicaduá á paset ti panagpúyat oenno ití maicatló quet masaracanna idá á castá, nagásat daguidíay nġa *adípen*.

39 Nġem ammoenyo daytoy, á no ammó comá ti amá ti sangcabaláyan no ania á horas ti iyaay ti mannanacao, nagpúyat comá quet dina comá binaybayan nġa abutanda ti baláyna.

40 Dacayó, castá met á sisasagana cayó ; ta ití horas á dicay agpanpanunot, toy Anác ti tao umayto.

41 Quet quinuná ni Pedro quencuana : ¿Apo, cunam daytoy á pagarigan cadacaní, oenno cadagnití isú-ámin met?

42 Quet quinuná ti Apo : ¿Asino nġarud ti agtaguibaláy, á mapagtalcan quen nanáquem, á icábilito ti Apo cadaguití tao ti baláyna, tapno inton pannacaipaayna itedna cadacuada ti pannacabáguida á taraon?

43 Nagásat daydiay nġa adípen, á inton umay ti Apo, masaracannanto á castá ti ar-aramídenna.

44 Quinapudnona á cunac cadacayó, á isú icábilnanto cadaguití isú-ámin á gúpítma.

45 Nġem no daydi nġa adípen cunaennanto ití púsona : « Ti Apoc agbayag á umay, » quet ruguiannanto á sugáten daguití tagabu lal-laqui quen babai, quet mangān quen uminum quen agbartec,

46 Umayto ti apó daydiay nġa adípen ti aldao á dína ururáyen, quen ti horas á dina ammó, quet pispísánġonnanto, quet icábilnanto ti pannacabáguina cadaguití saan á pagtalcan.

47 Quet daydiay adípen á nacaáoat ti paquináquem ti apóna, quet saan á nagsagana quet saanna met á inarámid cas ití paquináquemna, masaplítto ti adú.

48 Quet ti saan á nacaáoat, quet nagarámid cadaguití urúray á maicarí cadaguití báot, mabáotto ti bassit : ta ití úray siasino á nacaitedan ti adú, adaddanto ti madáoat quencuana.

*Ni Jesús iserrecna ti apuy quen ti súsic
ití dagá.*

49 Immáyac mangicábel ti apuy ití dagá: ¿quet ania ti cayatco, no adda á sigagángaten?

50 Nĕgem masápul á mabuniáganac ti maysa á bautismo: quet jania quet ti panagtuoccon aguinga ti di matungpal!

51 ¿Ipapanyo á immáyac nĕgata á mangted ti talná itoy dagá? Saan, cunac cadacayó; nĕgem súsic quetdí.

52 Ta manípud itá aglalásindanto daguití limá ti maysa á baláy; tal-ló á maquisúsic cadaguití dua; quet duá á sumalunĕásing cadaguití tal-ló.

53 Aglalásindanto, ti ama á maisúsic ití anác, ti iná maisalunĕásing ití balásangna, quetti balásang, maisalunĕásing ití iná; ti catugángan á babai, maisúsic ití manúgangna á babai quet ti manúgang á babai maisúsic ití catugánganna á babai.

Daguití paguilasinan cadaguití tiempo.

54 Quet cuncunana met cadaguití tao: No maquítago ti maysa á úlep á tumpoar ití láud, dángus á cunaenyo: Umay ti tudo quet castá ti maarámid.

55 Quet no agángin ti abá-gat, cunayo: Addanto púdot; quet castá ti maarámid.

56 ¡Aguinsingpet! Ammo-yo á ilásin ti langá ti lánĕit quen dagá; ¿nĕgem apayá pay di-cay ammó á ilásin daytoy á tiempo?

57 ¿Quet apayá pay di-cay ipato úray daclacay met láeng ti nalinteg?

58 No incá nĕgarud ití agtu-ray agráman ti caringormo, agaoám ti mabalinmo ití dálan tapno macalapsotca quencuana; tapno dínaca ulúden ití mangĕcom, quet ti ocom dínaca iyáo-at ití alguacil, quet ti alguacil dínaca iserrec ití pagbalúdan.

59 Cunac quenca á dícanto rummoar sadiay, aguinga-t' dica mabayádan ti maudi á marábilis.

*Ti pannacapapátay daguití tagá Galilea;
quen ti torre sadi Silóe.*

13 QUET ITOY met láeng á tiempo, addada idiay tattao á sinarítada quencuana ti maipapan cadaguití tagá Galilea, á dárada íulaoc ni Pilato cadaguití dátonda.

2 Quet isú simmungbat quet quinunana cadacuáda; pampapunutenyo nĕgatá daguitoy tagá Galilea, agsípud ta linacanda daguitoy, isuda ti ad-adda ti pannacabásolda nĕgem cadaguití isuámin á tagá Galilea?

3 Saan cunac cadacayó: nĕgem idí no dícayto agbabaoi, mata-ycayto met ámin ití castá.

4 Oenno daguidí sanĕapulo quet ualó, isuda á nagtupacan ti torre sadi Silóe, quet pinátay-na idá, ¿panunútenyo á isuda ad-addá ti pannacautangda nĕgem cadaguití isú-amin á tattao nĕga gnaed sadi Jerusalem?

5 Saan, cunac cadacayó: nĕgem

no dícayto agbabaoui, matáycayo to ámin ití castá.

Pagarigan dí igos á di agbunga.

6 Quet quinunana daytoy á pagarigan: 'Ti maysa adda maysa á ígosna á naimula ití minuyunganna, quet immay nagsápul ti bungā quencuana, quet saan á nacasárac.

7 Quet quinunana idí agaycan ití minuyungan: Adtoy á tal-ló á taoen á um-umáyac agsápul ti bungā daytoy á ígos quet diae macasárac; pucánem, ¿apayá pay macasalin pay láeng ití dagá?

8 Quet isú simmungbat quet quinunana quencuana: Apo, isú bay-am pay laeng daytoy á taoen, aguinga-t' caliac ití arubáyanna quet iecac ti patabá.

9 Quet no agbúnganto *naimbag*; quet no saan, pucánemto.

Pannacaágas ti maysa á babai á di macagarao.

10 Quet adda á manģisursuro ití maysa cadaguidí sinagoga ití Sábado.

11 Quet adtoy ti maysa á babai nģa adda quencuana idí ti maysa á espíritu ti saquit ití sanģapulo quet ualó á tao-ėnen, quet magmagná nģa agcobbo á úray casanó dina mabalin ti aglinteg

12 Quet idí naquita ni Jesús, inayabanna quencuana, quet quinunana quencuana: Babai, nacalapsutcan ití nasaquitmo.

13 Quet impátayna quen-

cuana daguití ima, quet dágus á naglinteg, quet dinaydáyaona ti Dios.

14 Quet dí panģuloen ti sinagoga, á sipupungtot agsápul ta nangágas ni Jesús ití Sábado, simmungbat quet quinunana cadaguidí tao: Adda innem nģa aldao á útang tayó ti agrabajo: cadaguitoy, nģarud, umay cayó quet agpaágas cayó, quet saan á iti aldao ti Sábado.

15 Quet ti Apo simmungbat quencuana quet quinunana: Managuinsisingpet, tungal maysa cadacayó ¿dina bucráen ití Sábado ti vácana oenno ti asno na ití col-loob, quet apanna painumen?

16 Quet ití daytoy nģa anác ni Arabam, adtoy á imbaod ni Satanás ití uneg ti sanģapulo quet ualó á taoen, ¿saan á maipaay á bucráen ití daytoy á pannacaibaod ití aldao ti Sábado?

17 Quet idí isú sinaona daguitoy á bánag, nabainan daguití isú-ámin á cabúsorna: nģem isú-ámin ti ili pagayayattanna ámin daguidí á panguep á napno ti gloria á inarámidna.

Pagpagarigan di buquel ti mostaza, quen ti levadura.

18 Quinunana ¿Ania ti caárig ti pagarian ti Dios, quet anianto ti panģipadísac quencuana?

19 Mayárig ití buquel ti mostaza, á innala ti maysa á tao quet in-oaracáoacna ití minuyunganna; quet dimmacquel

quet nagbalin á cayo, quet daguití tumatayab ti lángit nagúmoeda cadaguití sangsan-gana.

20 Quet sinublianna man á sinaó: ¿Anianto ti pangyarí-gac ití pagarian ti Dios?

21 Mayárig ití levadura, á innala ti maysa á babai quet inlemmengna ití tal-lo á casúcat n̄ga harina, aguinga ití bimsogda ámin.

Ti ruánġan á naillet.

22 Quet pinagnana daguití isú-ámin á il-ili quen purpu-roc á mangísursuro, quet mag-magná á mapan sadí Jerusalem.

23 Quet quinuná quencuana ti maysa: Apo, ¿bassit daguití maisalácan? N̄gem isú quinunana cadacuada:

24 Ipapílyo ti sumrec ití ruánġan á naillet; ta cunac cadacayó n̄ga adú daguití uma-gáoanto á sumrec, quet dídaato mabalin.

25 Inton ti amá ti sangca-baláyan timmacdéren quet impúnitna ti ruánġan, quet mang-ruguí Cayto, n̄ga agsardeng ití ruar, á umayab ití ruánġan, á cuncunayo: Apo, Apo, luctan-nacamí; quet isú inton sum-ungbat, cunaennanto cadacayó: Dicay am-ammó no tagá-anó cayó;

26 Isunto ti panangruguíyo n̄ga agsaó: Ití sangoánam nanġan quen imminum camí, quet cadaguití plázami nanursúroca;

27 Quet cunaennanto: Cuna-cadacayó á diac am-ammó no tagá-anó cayó: umadayú cayó caniac dacayámin n̄ga agar-arámíid ti quinadáques.

28 Idiay addanto sáŋġit quen panagn̄aretuġet daguití n̄ġipen, inton maquí tayo á ni Abraham, quen ni Isaac quen ni Jacob, quen daguití ámin-á mammadles *addada* ití pagarian ti Dios, quet *maquí tayo* á dacayó maparuarcayto.

29 Quet umaydanto ití Daya, quen ití Láud, ití Amiánan, quen ití Abagátan, quet tumugaodanto ití lamisaan idi-ay pagarian ti Dios.

30 Quet adtoy, n̄ga adda maudi á umunádanto; quet adda umuná á mauidanto.

Ibagada quen Jesús n̄ga agalual quen Herodes.

31 Ití daydi met láeng á horas dimteng daguití dadduma á Fariseos á quinunada quencuana: Rumoarca quet pumánaoca ditoy, ta ni Herodes cayatnancá á papatáyen.

32 Quet quinunana cadacuada: Incayó quet cunaenyo idiay á zorra: Adtoy, paruarec daguití saíro, quet mangágasac itá quen inton bigat, quet ití maicatló n̄ga aldao maungpú tacto.

33 N̄gem masá pul á itá quen inton bigat, quen inton maicaduá n̄ga aldao, á magnaac; ta saan á mabalin á ti maysa á mammadles matáy ití ruar ti Jerusalem.

34 ¡Jerusalem, Jerusalem! á papatáyem daguití mamma-dles, quet ubúrem daguití maibaon quenca : ¡namin-anó á quinayatco á urnúnġen daguití annáemo, cas ití upa cadaguití piecna ití babá daguití payacna, quet dicaquinayat!

35 Adtoy á ti baláyyo ma-panáoan á *taltalipunġáoen*: quet cunac cadacayó á dífacto ma-quita, aguinga di-cay cuná can-iac: Bendito ti umáy ití nágan ti Apo.

Pannacaágas ti maysa á imbal.

14 QUET NAARÁMID á idí isú simrec ití baláy ti maysa á panguloen daguití Fariseos ti maysa á Sábado, á mangān ti tinápay, isuda sisí-menda.

2 Quet adtóy ti maysa á tao á imbal adda ití sanġoánanna.

3 Quet simmungbat ni Jesús, quet quinunana cadaguidí mangisursuro ti linteg quen cadaguidí Fariseos, á cunana: ¿Maipalúbos ti panangágas ití Sábabo oenno saan?

4 Nġem isuda dida nagsas Quet isú iniggamanna, inagá-sanna quet pinagáoidna.

5 Quet isú quinunana cada-cuada: ¿Asino cadacayó ti adda asno oenno vácana á natnag ití bubon, quet dínanto alaóen á dápus ití aldao ti Sábado?

6 Quet saanda á nabalín ti simmungbat quencuana cada-guitoy á bánag.

Pagarigan daguití umuná á tugao quen daguití maconvidar.

7 Quet idí madmadlaona á pilienda daguití umuná á tu-gao, sinaona ti maysa á pa-garígan cadaguití naconvidar, á quinunana cadacuada:

8 No adda mangáois quenca ití pagbobodaan, saanca á tu-mugao ití umuná á disso; di la quet ta adda natactacneng nġem sicá a ináoisna;

9 Quet inton umay daydiay nangayab quenca quen isú, cunaennanto quenca: Iccam ti yan daytoy: quet itinto, castá, aguin-inutecanto á sibabain á mangāla ití maudi á tugao.

10 Nġem no maconvidar-canto, incá, quet agtugaoca ití cababaán á disso; ta inton umay ti nangáois quenca, eu-naennanto quenca: Gayyem, umúlica ití nġato: itinto castá addanto dáyaomo cadaguití ma-queicatugao quenca ití lamisa-an.

11 Ta ámin á mangingato ití baguina, maipababanto: quet ti agpacumbabá, maitan-octo.

12 Quet quinunana met idí nangáois quencuana: No aga-rámideca ti canen oenno pang-rabií, dica áoisén daguití pa-gáyyammo, úray daguití cacab-satmo, úray daguití cacabagui-am, úray daguití carruba á nabaenang; di la quet ta sub-liandacanto met á convidaren quet aramídenda quenca ti may-sa á gununá.

13 N̄gem no agarámidea ti dayá, ayabam daguití napanglao, daguití páoad, daguití pílay, daguití bulsec.

14 Quet nagásatcanto ; ta aoan ti maigungunada quenca ; ta magungunaancanto inton panagún̄gar daguití nalinteg.

Pagarigan ti daquel á pangrabií.

15 Quet idí manḡeg daytoy ti maysa á naquicatugao ití lamisaan, quinunana quencuana: Nagásat ti manḡanto ti tinápay ití pagarian ti Dios.

16 N̄gem quinunana quencuana : Maysa á tao nagarámid ti daquel á pangrabií quet nan̄gáois ti adú.

17 Quet ití horas ti panangrabií imbaonna ti adípenna á nagecuná cadaguití naáois : Umaycayó, ta adda á naisagana áminen.

18 Quet isuda ámin nangruguida á nagpambar á nagguiguiddan. Ti umuná quinunana quencuana : Guimmátanḡac ti maysa á tálon quet masápulco ti rumoar, quen quitáen daydiay ; daoátec quenca á ipacaoannac.

19 Quet quinuná ti sabali : Guimmátanḡac ti limá á pagasaoán ti vaca quet innac idá padásen, daoátec quenca á ipacaoan nac.

20 Quet quinuná ti sabali : Calcalpasco á nageasar, quet gapú itoy saanco á mabalin ti umay.

21 Quet idí nagsublí daydi tagabu, impacaammona daguitoy á pangguép ití apona. Idin nagpungtot ti ama ti sangcabaláyan quet quinunana idí adípenna : Rumoarca darás cadaquítí plaza, quen cadaquítí daldálan ti ili, quet iyegmo ditoy daguití napanglao, daguití páoad, quen daguití bulsec, quen daguití pílay.

22 Quet quinuná di adípen : Apo, naarámid cas inbínimo, quet adda pay láeng yan.

23 Quet quinuná di Apo ití adípen : Rumoarca cadaquítí daldálan quen cadaquítí alálad, quet pístem idá á sumrec, tapno mapnó ti baláyco :

24 Ta cunac cadacayó n̄ga aoanto cadaquítí tattao á naáois ti macaraman ití pangrabiíe.

Pagarigan ti quinasalúcac.

25 Quet adú cadaquítí tattao á sumursúrot quencuana ; quet idí á simmanḡo quinunana cadacuada :

26 No adda umay caniac, quet dina guráen ni amana, quen ni inana, quen ni asáoana, quen daguití annacna, quen daguití cacabsatna, quen ití pay met biagna, saan á mabalin á isú ti adálac.

27 Uray si-asino á dina aoi-ten ti cruzna, quet umay ití ma licudac, saan á mabalin á isú ti adálac.

28 Ta gasino cadacayó ti, idinto á cayatna ti mangbá-

n̄gon ti maysa á torre, di umuná n̄ga agtugao tapno bilán̄gen-na ti magasto, *quet quitáenna*, no adda quencuana ti masápul á pangleppas?

29 Di la quet ta inton malpas-na á incábil ti cimientu quet saan-na á mabalin á leppasen, isú-ámin daguití macaquita, ruguian-danto á uyuyúngan quencuana,

30 A cuncuná: Daytoy á tao nangruguí á nangbán̄gon quet dina nabalin á lineppas.

31 ¿Oenno sino ti ari, á idinto á mapan gumubat ití sabali n̄ga ari; di agtugao á umuná, quet iyumanna no adda pannacabalinna idinto n̄ga adda quencuana ti sangsangapulo á ribo á isán̄gona ití umay mangubat quencuana á mangicúyog ti dua-pulo á ribo?

32 Ta no saan, inton ti sabali n̄ga ari adda pay láeng ití adayú, mangibaonto ti apan agdáoat quencuana cadaguití condicion ti cappia.

33 No castá n̄garud, úray si-asino cadacayó á dina paglicudan daguití isú-ámin á cucua á icutanna, saanna á mabalin á isú ti adálac.

34 Nasayaat n̄garud ti asin; n̄gem no úray pay ti asin mapúcaona ti nánamna, ¿anian to ti pagluto?

35 Saan n̄ga agserví ití dagá quen úray ití paguibellengan ti pagpatabá; isú ibellengda ití ruar. Ti adda lapáyagna á pagdengnḡeg, dumnḡeg.

Pagpagarigan ti carnero quen ti dracma (pirae) á napucao.

15 QUET immasidegda quencuana daguití isú-ámin n̄ga agsingsingir ti buis quen daguití managbásol n̄ga agdengnḡeg quencuana.

2 Quet ag-gong-on̄get daguití Fariscos quen daguití escribas á cuncunada: Daytoy aoátenna daguití managbásol quet maquipanḡan cadauada.

3 Quet isú impalaoagna cadauada daytoy á pagarigan, á quinunana:

4 ¿Asino ti tao cadacayó, á idinto n̄ga adda sangagasut á carnérona, no mapúcaona ti maysa cadauada, dina panáoan ití áoay daguití siam á pulo quet siam quet apanna *sapúlen* ití napucao aguinga-t' isu-t masapulanna?

5 Quet inton masapúlaunan, isu-t' icábilna cadaguití abá-gana á siraragsac;

6 Quet inton umay ití baláy; urnúugenna daguití gagayyemna quen carcarruba, á cuncunana cadauada: Maquipagragó cayó caniac, ta nasarácac ti carneroc á napucao idi:

7 Cunac cadacayó, á castá met n̄ga *ad*-addanto ragsac sadí lán̄git agsípud ití maysa á managbásol n̄ga agbabaoi, n̄gem ití siam á pulo quet siam á nalinteg á dida masápul ti panagbabaoi.

8 Oenno ¿asino ti babai n̄ga adda sangapulo a dracmana, no

mapúcaona ti maysa á dracma, di manggángat ti pagsiláolan quet sagádanna ti baláy, quet sapúlenna á sireregtá aguinga-t' isu-t' marapul-lanna?

9 Quet inton isu-t' mabirúcanna, urnúnġenna daguití ingnġana quen carcarruba, á cuncunana: Maquipagrsac cay caniac, ta nasarácac ti dracma á napúcaoco.

10 Castá ti cunac cadacayó nġa adda ragsac ití sanġoánan daguití ángeles ti Dios agsípud ití maysa á managbásol nġa agbabaoi.

Pugarigan ti anác á mayac-aon.

11 Quet quinunana: Maysa á tao adda dua nġa anácna:

12 Quet di inaudi eadacuada quinunana quen amana: Ama, itedmo caniac ti paset daguití cúcuam á pannacabáguic: quet binġngayna cadacuada ti cucuana.

13 Quet saan nġa adú nġa aldao ti napalábas, ti inaudi nġa anác inurnongna ámin quet napan ití adayú ití maysa á dagá nġa adayú; quet idiay dinadáelna ti gam-engna á nagbiag á nagdaedáques.

14 Quet idí nagastona iámmen, immay idiay á dagá ti daquel á bisin, quet isú nangrugui á nagsagaba ti quírang.

15 Quet napan quet immasiddeg ití maysa cadaguití unili ti daydi á dagá, quet isú imbaon daydi cadaguití taltálonna tapno agtaraquen cadaguití báboy.

16 Quet isú tartarigagáyan-na á punnoen ti tianna cadaquiti algarrobas á caenen daguití báboy.

17 Nġem idí á nagpaupanunot quinunana: ¡Nagadú daguití mangmanggued ni amac nġa adda aglablables á tinápayda, quet ditoy matayac ti bisin!

18 Tumacderacto quet inacto quen amac, quen cunaecto quencuana: Ama, nacabásolac ití maicanioas ití lánġit quen ití sanġoánam;

19 Diae maicarin á manágan ti anácmo; icábilnac á cas maysa cadaguití mangmanggued quenca.

20 Quet timmacder quet immay quen amana. Nġem idí adayú pay láeng, ni amana isu-t' naquítana, quet natignay ti ásina, quet timmaray quet inappunġólanna ti tengnġedna, quet isu-t' inag-agcanna.

21 Quet di anác quinunana quencuana: Ama, nacabásolac ití maicanioas ití lánġit quen ti sanġoánam; diac náicarto á manágan ti anácmo.

22 Nġem di amá quinunana cadaguití adípenna: Aláenyo darás daytay casayaátan á caoes, quet isu-t' caoesanyo, quet icábilyo ti maysa á singsing ití imana, quen zapatos cadaguití sacsácana;

23 Quet yegyo ti machorra á calucmegau quet partienyo; quet manġan tayó quet agragragrac tayó.

24 Ta daytoy anácco natáy quet nagún̄gar; napúcao, quet nasarácan. Quet nangruguida á nagramrambae.

25 N̄gem di anáena á inau-ná adda idí ití tálon; quet isú idí immay, quet immasideg idí baláy, nanḡegna ti tocar quen daguití salsala;

26 Quet idí á inayabanna ti maysa cadaguití ubbingda, inintuodna quencuana no auia daydi.

27 Quet isú quinunana quencuana: Ni cabsatmo dimteng; quet ni ámam pinartina ti nasalesegan á machorra, agsípud ta ináocatna á di naananó.

28 N̄gem naglucsaó quet dína quinayat ti simrec. Quet rimmoar ni amana, quet quinarraráganna.

29 N̄gem isú simmungbat quet quinunana quen amana: Adtoy ti manó á taoen á panagserservic quenca, quet úray ano diac quinanioas ti bílino, quet úray caano dínac iniecan ti bassit á calding tapno maquipagragsáca cadaguití gayyemco.

30 N̄gem apáman á immay daytoy anáemo, á inibusna ti cúcuam cadaguití balangcantis, pinartim á ipaay quencuana ti vaca á naselegesan.

31 Quet isú quinunana quencuana: Anác, sicá addaca n̄ga agnanáyon caniac, quet isú-ámin daguití gámengco cúcuam.

32 N̄gem nasápul ti panagrambae quen panagay-ayat, ta

daytoy cabsatmo natáy quet nagún̄gar; quet napuceao, quet nasarácan.

Pagarigan di mayordomo á di mapagtalcan.

16 QUET quinunana met cadaguidí sursursánna: Adda idí maysa á tao á nabacnang, isú n̄ga adda maysa n̄ga agay-oan ti baláyna; quet daytoy impúlongda iti sangoananna, á cas agdadáel cadaguití gúpitna.

2 Quet isu-t' inayabanna quet quinunana quencuana: ¿Ania daytoy á manḡogco quenca? Idatagmo ti panagay-oanmo, ta dícanto mabalínen ti agmayordomo.

3 Quet di agay-oan ti baláy quinunana ití unegna: ¿Anianto ti aramídec? ta ni apoc iccatenna caniac ti quinamayordómoc. Ageali, diac mabalin; maquilimos, cábabainco.

4 Siac ammoc ti aramídec-to, tapno inton maicéatac ití panagay-oan ití baláy, aatendacto cadaguití balbaláyda.

5 Quet inayabanna á sinag-gueysa daguití nacaútang quen apona, quinunana ití immuná: ¿Manó ti útagmo quen apoc?

6 Quet isú quinunana: Sa-n̄gasasut á burnay ti lana. Quet quinunana quencuana: Aoátem ti escrituram, quet agtugaoca darás quet isúratmo ti limá pulo.

7 Ití calpasanna, quinunana ití sabali: ¿Quet sica, manó

ti útangmo? Quet isú quinu nana: san̄gagasut á cavan ti trigo. Quet isú quinunana quencuana: Aoátem ti escrituram quet isúratmo ti ualó pulo.

8 Quet dináyao di apó day-di mayordomo á di mapagtalcán agsípud ta nagarámid á sisícap, ta daguití annac daytoy lúbong, nasicsícapda cadaguití pádada á tao, n̄gem daguití annac ti sílao.

9 Quet siac eunac cadacayó: Maquigayyemcayó n̄ga aramátentyo daguití quinabaenang á saan á pudnó, tapno inton agcúrangda, aotendacayto cadaguití babaláyda n̄ga agnanáyon.

10 Ti mapagtalcán ití bassit únay, mapagtalcán met ití adú; quet ití bassit únay naquillo, naquillo met ití adú.

11 No n̄garud cadaguití quinabaenang á saan á pudnó saancayó á napagtalcán, gasínonto ti mangítalec cadacayó cadaguití pudnó *quinabaenang*?

12 Quet no ití cucua ti sabali saancayó á napagtalcán, gasínonto ti mangted cadacayó ití cucuayo?

13 Aoan ti adípen á maçabalin n̄ga agserví ití dua n̄ga apo: ta oenno guraennanto ti maysa quet ayatennanto ti sabali, oenno maquidecchetto ití maysa quet láisennanto ti sabali. Di-cay mabalin ti agserví ití Dios quen cadaguití quinabaenang.

Ti pannacabalin ti linteg.

14 Quet dengdengguen met ámin daguitoy á bánag daguidí Fariseos, isuda á naágumda quet uy-uyúnganda.

15 Quet quinunana cada-cuada: Dacayó daguití mangidaydayao ti baguiyo met láeng ití san̄goánan daguití tao; n̄gem ti Dios ammona daguití puspúsoyo; ta ti natan-oc cadaguití tao, nacaapaprang ití saclang ti Dios.

16 Ti linteg quen daguití mammadles aguinga quen Juan: manípud idí ti pagarian ti Dios maipacaammo quet úray si-asino aggarasúgas á *sumrec* quen-cuana.

17 N̄gem nalaclacá á mapúcao ti lángit quen dagá, n̄gem ití matnag ti maysa á tilde ti linteg.

18 Uray siasino á mamagtalao ití asáoana quet maquisáo ití sabali, macabásol ití panangilaco ti asáo: quet ti maquisáo ití pinagtalao ti asáoana, macabásol ití panangilaco ití asáo.

Pagarigan ti tao á nabaenang quen ni napanglao á Lázaro.

19 Adda idí maysa á tao á nabaenang quet agcaocoes idí ti púrpura quen lúput á nafino, quet inaldaó n̄ga agramrambac ti castá únay.

20 Quet adda met maysa n̄ga agpápalamá á manágan Lázaro, adda idí á nagsádag ití san̄goá-

nau ti ruánganna, á napno cadaguití derder,

21 Quet tartarigagáyanna ti agbussog cadaguití pispisi ti tinápáy n̄ga agtinnag ití lamisaan di bacnang; quet úray daguití asu umayda quet dil-dílanda quencuana daguití saccasquitenna.

22 Quet naarámid á natáy daydi agpalpalamá quet impan daguití ángeles ití saclot ni Abraham: quet natáy met di bacnang quet naicali.

23 Quet idiay infierno intán̄gadna daguití matana, idí adda cadaguití tuoc, quet naquítana ni Abraham ití adayú, quen ni Lázaro ití saclotna.

24 Quet isú, idinto á naguicquis, quinunana: Ama Abraham, caasiannac, quet ibaommo ni Lázaro tapno babasanna ti n̄gudó ti rámayna ití danum, quet palamiísanna toy dílac; ta siac matutu-úcac itoy á darang.

25 N̄gem quinuná quencuana ni Abraham: Anác, laglaguipem á ináoatmon daguití nam-aymo idí biagmo, quet ni Lázaro castá met *ináoatna* daguití rigat; n̄gem itá daytoy maliolioá ditoy, quet sicá matutuocca.

26 Quet sabali pay ámin daytoy, naicábil ti maysa á dacquel á yúyeng ití nagbactan tayó dacamí quen dacayó, tapno daguití agtarigágay ditoy a

umal-latio cadacayó, saanda á mabalin, quet tapno úray manípud ditá aocan ti umal-latio á *umay* cadacamí.

27 Quet quinunana: Daoátec n̄garud quenca, ama, á ibaommo comá ití baláy ni amac;

28 Ta adda limá á cacabsatco; tapno ipanecneena cadacuada, di la quet ta isuda umayda met ditoy yan ti tuoc.

29 N̄gem ni Abraham quinunana: Adda cadacuada ni Moisés quen daguití mammadles: dengguenda idá comá.

30 Quet isú quinunana: Saan, ama Abraham: n̄gem no mapan comá cadacuada ti maysa cadaguití natáy, agbabaoidanto.

31 N̄gem quinunana quencuana: No dida dengguen ni Moisés quen daguití mammadles, dídanto met mamati, no adda tumacder cadaguití natáy.

Cadaguití gapuánan ti panagbásol, ti panangpacaocan cadaguití dáques n̄ga arámid á lac-amentayó, quen ti bileg ti linteg.—Daguití tagabu n̄ga aocan capapay-anda.

17 QUET quinunana cadaguidí adálanna: Saan á mabalin á di umay daguití gapuánan ti panagbásol; n̄gem jasi pay daydiay á isú ti pan-gapuánan!

2 Nasaysyaat comá quencuana, no icábilda ití tengn̄gedna ti maysa á bató ti guilugan quet itappeacda ití baybay, á dina quet icaglis ití maysa cadaguitoy babatsit.

3 Quitáenyo daguití bagba-guiyo: No agbásol ti maica-nioas quenca ti cabsatmo, isú ti ungtam; quet no agbabaointo, isú-t' pacaoanem.

4 Quet no mamipitó ti inal-dao n̄ga agbásol ti maicanicas quenca quet mamipitó ti tun-gal aldao n̄ga agsublí quenca, á cunana: « Agbabaoiac »; isú-t' pacaoanem.

5 Quet quinuná daguidí apóstoles ití Apo: Nayónam cadacamí ti pammati.

6 Quet ti Apo quinunana: No adda comá pammatiyo á cas ití buquel ti mostaza, cunaen-yonto itoy sicomoro: Agpárut-ca quet inca icali ti cáyom idia-y baybay; quet surútennacayto.

7 ¿Quet asino cadacayó ti adda maysa n̄ga adípen n̄ga agarado, oenno agpaárab, á in-ton agsublí ití tálon, cunaen-nanto comá quencuana: Sum-recca á dágus, agtugaoca ití lamisaan.

8 Quet dina cunaen quen-cuana á umuná: Agsaganaca ti pangrabiic, quet manglislis-ca quet agservíca caniac aguinga ti macapanḡánac quen maca-inúnac; quet ti calpasan daytoy, mangancanto quet uminum-canto?

9 ¿Agyámanca ití adípen ta inarámidna ti naibílin quencua-na? Panunútec á saan.

10 Castá cay met, inton ma-arámidyó ti isú-ániin á naibí-lin cadacayó, cunayo: Adadí-

pen camí n̄ga aoan ca papayanna; inarámidmi ti útangmi n̄ga arámiden.

Pannacaágas daguití sanḡapulo n̄ga agucútel.

• 11 Quet naarámid á idí isú mapan idia-y Jerusalem, nag-ná ití nagtengn̄gaan ti Samaria quen Galilea.

12 Quet idí simrec ití may-sa á puroc, immay quencuana á simmabet daguití sanḡapulo á tao n̄ga agucútel, isuda á nag-sardeng ití adayú,

13 Quet isuda ingn̄átoda ti uni á quinunada: Jesús, Ma-nursúro, caásiam cadacamí.

14 Quet idí isú maquítana idá, quinunana cadacuana: Incayó, agparangcayó cadaguití papadi. Quet naarámid, á idí isuda magmagnada á mapan, naagá-sanda.

15 Quet maysa cadacuana, idí maquítana á isú naagásan, nagsublí á dinaydáyaona ti Dios ití dacquel á uni;

16 Quet imparintúmengua ti rúpana cadaguití saesácana, á nagyáman quencuana: quet day-toy tagá Samaria.

17 Quet simmungbat ni Jesús quet quinunana: ¿Saan á sanḡapulo daguití naagásan? ¿Quet daguití siam adino ti yanda?

18 ¿Aoaan ti nasarácan á nagsublí á nagyáman ití Dios no saan á daytoy gangannaet? ○

19 Quet quinunana quen-cuana: Tumacderca, incán; ti pammátim.

Ti iyaay á di mapasúnjad ti pagarían ti Dios.

20 Quet idí inintuod daguití Fariseo quencuana, no cañonto ti iyaay ti pagarían ti Dios, sinungbátanna idá, quet quinunana: Ti pagarían ti Dios saanto á umay n̄ga adda paguilasínan á maquita.

21 Quet dídanto met cuncuná: Adtoy oemno adda idiay: ta adtoy ti pagarían ti Dios adda ití unegyo.

22 Quet quinu ana cadaguidí adálanna: Umayto daguití aldao á inton tarigagâyanyo á quitáen ti maysa cadaguití aldao détoy Anác ti tao, quet isú dícayto maquita.

23 Quet cunaendanto cada-cayó: Adda sadiay oemno adtoy; di cay apán quet di cay surúten idá.

24 Ta cas ití quimat á no acquimat manípud ti maysa á disso ti babá ti lán̄git, sumilap aguinga ití sabali á bân̄ger ti babaen ti lán̄git, castanto toy Anác ti tao inton aldaona.

25 N̄gem umuná pay á masápul á isú agsagaba ti adú, quet pagtaláoen daytoy á caputótan.

26 Quet no casanó ti naarámid cadaguidí aldao ni Noé, castanto met cadaguití aldao détoy Anác ti tao.

27 Man̄ganda idí, aguinumda, mangásáocada, quet mayasáocada aguinga ti aldao á isc-

serrec ni Noé idí baran̄gay; quet immay ti layus quet pinúcaona idá ámin.

28 Castá met ti naarámid cadaguidí aldao ni Lot: man̄ganda idí, aguinumda, aggátangda, aglácoda, agmúlada, agbaláyda:

29 N̄gem idí aldao á ni Lot rimmoar idiay Sódoma, nagtudo nanípud ti lán̄git ti apuy quen azufre, quet pinúcaona idá ámin:

30 Cas itoy castanto ití aldao á panagpaquita toy Anác ti tao.

31 Ití daydiay n̄ga aldao, ti addanto ití tuctoc ti baláy quet daguití cucuana *addada* ití baláyna, saanto á umúlog á mangála cadacuada: quet ti adda ití tálon, castanto met á di agsanud ití malicudan.

32 Laglaguipenyo daydi asaona ni Lot.

33 Uray si-asino á umagaoa á mangísalácan ití biagna, isu-t' mapucaonanto; quet úray si-asino á macapúcaoto quencuana, isu-t' maigágananto.

34 Cunac cada-cayó á daydiay á rabií addanto dua ití maysa á idda; ti maysa maálanto, quet ti sabali mabaybay-anto.

35 Dua á babai madamá-danto n̄ga agguilguíling n̄ga agdinna; ti maysa maálanto, quet ti sabali mabaybay-anto.

36 Dua addádanto ití tálon; ti maysa maálanto, quet ti sabali mabaybay-anto.

37 Quet simmungbatda quet quinunada quencuana: ¿Adino, Apo? Quet isú quinunana cadacuada: No adino ti bangeay idiayto met ti paguurnúnġan daguití águila.

Pagarigan di Ocom á naquil ló.

18 QUET impalaoagna cadacuada ti maysa á pagarigan ti pannacasápul ti panaglulualo nġa agnanáyon, quen ti saan á panangpúcao ti inanamá.

2 A quinunana: Adda idí maysa á ocom ití maysa á ili, isú á dina cabuteng úray ti Dios, quet dina met padayáonan ti tao.

3 Adda met idiay á ili ti maysa á babai á balo, isú á napan quencuana, á quinunana: Aramidem caniac ti quinalinteg quen ti cabúsoreo.

4 Quet isú saanna á quinaryat ti manó á tiempo; nġem idí napalábas daytoy quinunana ití unegna: Uray diac cabuteng ti Dios, quet aoan ti panangpadáyaoco ití tao,

5 Núpay castá, agsípud ta daytoy balo macaalimúteng caniac, aramidecto ti quinalinteg quencuana, tapno manungpal á um-umay quen mangálimúteng caniac.

6 Quet quinuná ti Apo: Denguenyo ti saó ti ocom á naquil-ló.

7 ¿Quet ti Dios dúnanto aramidem ti quinalinteg cadada-

guití pinflina, á umao-áoag quencuana ti aldao quen rabí, úray pay agbayag ti adú á tienpo cadacuada?

8 Cunae cadacayó nġa aramidennanto ti calinteganda á dágus. Núpay castá, inton toy Anác ti tao umay, ¿masaracannanto ti pammati ditoy dagá?

Pagarigan ti Fariseo quen ti agsingsingir ti buis.

9 Quet quinunana met daytoy á pagarigan cadaguití dadduma nġa agtalgued cadacuada met láeng á cas da la nalinteg, quet lalaísenda daguití sabsabali:

10 Dua á tao immúlida ití simbaan á naglualo: ti maysa Fariseo, quet ti maysa agsingsingir ti buis.

11 Quet di Fariseo, sitatacder, aglulualo á is-isú á castoy: Dios, agyámanac quenca, ta saánac á cas cadaguití dadduma á tao, á mannanácaoda, naquil-loda, isucatda ti asáoada, quet saánac á cas mán itoy agsingsingir ti buis.

12 Agayunárac ti mamindua tí macadomingo; itedco ti pagcasangápulo ti ámin á cupcupicúpac.

13 Nġem ti agsingsingir ti buis idinto nġa adda ití adayú, dina cayat á itánġad man la comá daguití mata-na sadí lánġit, no di quet dadanruguenna ti barúcongna, á cuncunana: Dios, mangnġaásica caniac, á managbásol.

14 Cunac cada cayó á daytoy nagsublí ití baliyna á naipato á napacaoan á immun-uná n̄gem ití daydi sabali; ta úray siasino á idáyaona ti baguina, maipababanto; quet ti agpacumbabá, maitan-octo.

Ni Jesús bendicionanna daguiti ubbing.

15 Quet inyegda met quencuana daguiti ubbing á babassit tapno tignáyenna idá; isú á idí maquita daguidí adálanna, inungtanda idá.

16 N̄gem ni Jesús inayabanna idá quet quinunana: Bay-anyo daguiti ubbing á umay caniac, quet diyo paoflan idá; ta isuda ti aquinecua ti pagarian ti Dios.

17 Pudnó á cunac cada cayó, á úray si-asino á saan á umáoatto ti pagarian ti Dios á cas maysa á ubing, saanto á sumrec quencuana.

Ti bumaró á bacnang.

18 Quet inintuod quencuana ti maysa n̄ga agturay á quinunana: Manursúro á naimbag, ganianto ti aramídee tapno matáoidco ti biag n̄ga agnanáyon?

19 Quet ni Jesús quinunana quencuana: Apayá pay nagáennac ti naimbag? Aoan ti naimbag no saan láeng á maymaysa, á isú ti Dios.

20 Ammoem daguiti bilbilin: Dica isucat ti asáoam: Saanca á mamapátay; Dica ag-

tacao: Dica agsacsí ti tiri: Dayáoem ni amam quen ni inam.

21 Quet isú quinunana: Isú-ámin daguitoy á pangguap sidudulingco nanispud idí quinaubingco.

22 Quet ni Jesús, idí manḡegna daytoy, quinunana quencuana: Ageúrang pay quenca ti maysa á bānag, ilacom ti isú-ámin n̄ga adda quenca, quet itedmo cadaguiti napan-glao, quet addanto gúpitmo sadí lángit, quet umayca, surútennac.

23 Quet isú, idí manḡegna daguitoy á panguep, nagladíngit únay, ta nabacnang únay.

24 Quet ni Jesús idí maquí-tana á nagladíngit únay, quinunana: ¡Ayaúnay ti rigatda á sumrecto ití pagarian ti Dios daguiti adda quinabacnagda!

25 Ta nalaclacá á sumrec ti maysa á camello ití abut ti maysa á dágum, n̄gem ti maysa á bacnang á sumrec ití pagarian ti Dios.

26 Quet daguidí nacauḡeg itoy, quinunada: ¿Quet asinonto ti macabalin á maisalácan?

27 Quet isú quinunana: Ti saan á mabalin cadaguiti tao, mabalin ití Dios.

28 Quet ni Pedro quinunana: Adtoy, dacami binaybayanni daguiti sanicuami, quet sinurotdacá.

29 Quet isú quinunana cada-cuana: Pudnó á cunac cada-

cayó: Aoan ti nangpanao ití baláy, oenno asaoa oenno cacab-sat, oenno ammá, oenno amnác, á maipuon ití pagarian ti Dios,

30 A dínanto aoáten ti ad-adú únay itá á tiempo, quen ití mapasúngad á biag ti biag n̄ga agnanáyon.

Ni Jesús ipaun-unana ti panagtuoen.

31 Quet ni Jesús, idí á in-nálana daguidí sangapulo quet dua, quinunana cadacuada: Adtoy sumang-at tayó sadí Jerusalem, quet matungpalto isú-ámin daguití panguep á in-súrat daguití mammadles á maipapan itoy Anac ti tao.

32 Ta mayácatto cadaguití Gangganaet (Gentiles) quet marabrabngísto, quet mapagsasaoan, quen matupraan.

33 Quet ti calpasan ti panangsaplitdanto quencuana, papatayendanto: n̄gem ití maicat-longa aldao agúngarto.

34 N̄gem isuda aoan cadaguitoy á panguep ti maaóatanda idí, quet daytoy á saó naipalímed cadacuada, quet di-da maaóatan ti masasao.

Ti bulsec sadi Jericó.

35 Quet naarámid á idí isú umasideg idiay Jericó, maysa á bulsec agtutugao ití asideg ti dálan n̄ga agpalpalamá:

36 Quet isú idí man̄gegna daguití tao n̄ga aglábás, inintuodna no ania daydi.

37 Quet impacaammoda quen-

cuana á lumablabas ni Jesús á tagá Nazaret.

38 Idin nagpuccao á quinunana: Jesús, n̄ga Anac ni David, caasiannac.

39 Quet daguidí magmagná ití sangóananna, inungtanda tapno di aguni; n̄gem isú ilalálona ti agucicuis ití ad-adú: Anac ni David, mangn̄gaásica caniac.

40 Quet ni Jesús nagsardeng, quet imbílínna á ipanda quencuana; quet idí isú-t' immasideg, inintuodna quencuana:

41 ¿Ania ti cayatmo n̄ga aramídec quenca? Quet isú quinunana: Apo, á macaquitaac coma.

42 Quet ni Jesús quinunana quencuana: Incan, ti pammá-tim insalacannacá.

43 Quet naiguiddato á nacaquita, quet simmursúrot quencuana á nagdaydayao ití Dios: quet isú-ámin ti ili idí isú-t' maquítana, dinaydáyaona ti Dios.

Ni Zaqueo nga agsingsingir ti buis.

19 QUET SIMREC ni Jesús quet limmábas sadí Jericó:

2 Quet adtoy ti maysa á lalaqui á manágan Zaqueo, quet isú ti cangatoan cadaguití agsingsingir ti buis, quet nabacnang.

3 Quet inagaoaanna á quinita ni Jesús no asino, n̄gem saanna á nabalin agsípud cada-

guidí tao, ta ababá ti quinatá-yagna.

4 Quet idí á timmaray ití sanḡoánanna, immuli ití may-sa á cayo á sicomoro tapno isú-t' quitáenna ; ta lumábasto sadiay.

5 Quet idí dimteng idiay á disso ni Jesús, tinaliaona quet quinunana quencuana : Zaqueo, apardásca, umúlogca, ta itá masápul nḡa agdagúsac idiay baláymo.

6 Quet isú immúlog á nag-dardarás quet isú-t' ináoatna á siraragsac.

7 Quet idí maquítada daytoy, isuda ámin agtantanabútobda á cuncunada : Simrec á nagdagus ití maysa á tao á managbásol.

8 Idin ni Zaqueo, á sitatac-der, quinunana ití Apo: Adtoy, Apo, ti guddua daguití cúcuac itedco cadaguití napanglao ; quet no adda bassit á nangulbúdac ití siasino, isublic ti maminpat pay á ináyon.

9 Quet ni Jesús quinunana quencuana : Itá nḡa aldao im-may ti pacaisalacán ití daytoy á baláy, ta isú anác met ni Abraham.

10 Ta toy Anác ti tao immay nḡa agsápul quen mangísalácan ití napueao.

*Pagarigan daguití sanḡapulo á mina.**

11 Quet idí isuda dengdeng-guenda daguitoy á bánag, tinú-loyna quet sinaona ti maysa á

pagarígan, agsápud ta isú adda ití asideg ti Jerusalem ; quet gapú ta panpanunútenda á nḡan-nḡanin ti paunacaipaquita ti pagarían ti Dios.

12 Quinunana nḡarud : Maysa á tao á natan-oc napan ití maysa á dagá nḡa adayú, tapno inna aláen á maípaay quencuana ti maysa á pagarían, quet santó agsublí :

13 Quet idí á inayabanna daguití sanḡapulo nḡa adípenna, iniccanna idá ti sanḡapulo á mina, quet quinunana cada-cuada : Ágsápul cayó aguinga-t' diac umay.

14 Nḡem daguidí cailianna isú-t' quinagúrada quet nangi-baonda ití lieudanna ti napan nangipacaammó á cunana : Dí-cam cayat nḡa agari daytoy cadacamí.

15 Quet naarámid, á idí isú simmublí, ití calpasan ti pina-nḡaquemna ití pagarian, pina-ayabanna ití dinnana daguidí nḡa adípen, isuda á nangtedan-na ti pírac tapno maammoanna ti nasapúlanda.

16 Quet immay ti umuná, á quinunana : Apo, ti mínam nacagun-od ti sanḡapulo á mina.

17 Quet isú quinunana quen-cuana : Naimbag, nalainḡ nḡa adípen ; agsápud ta ití bassit únay napagtalcanca, addá tur-aymo ití sanḡapulo á ili.

18 Quet immay ti maicadua á nagecuná : Apo, ti mínam nacasápul ti limá á mina.

* *Pírac á capada ti duapulo á písos.*

19 Quet ití daytoy quinunana met: Sicá met agturayca ití limá á ili.

20 Quet immay ti sabali á quinunana: Apo, adtoy ti mínanam, isú á indúlneo ití maysa á paño,

21 Ta nagbuténgac quenea, ta táoca á naolbod; aláem ti dica incábil, quet aniem ti dica imula.

22 Quet isú quinunana quencuana: Dáques á admen, ití nḡioatmo ti pangocomac quenea. Ammom á siac táocac á napigsa, nḡa aláec ti diac incábil, quet aniec ti diac immula;

23 ¿Apayá pay, nḡarud, dica inted ti piracco á pinaanacan, tapno inton siac dumténgac singirecto agráman ti buis?

24 Quet quinunana cadaguidí adda á sisasangō: Iccatenyo quencuana ti mina, quet isú-t' itedyo ití aguegguem cadaguití sangapulo á mína.

25 Quet isuda quinunada quencuana: Apo, adda sangapulo á mínana.

26 Ta siac cunac cadacayó á úray siasino nḡa addaan, isunto-t' maiccan; nḡem ití aoan, úray pay ti adda quencuana, maiccatto quencuana.

27 Nḡem daguidiay cabúsorco á dida comá cayat á siac agariac cadacuada, iyegyo idá ditoy, quet putúlanyo idá ití sangōanac.

Ieserrec á sibibal-liqui ni Jesús idiay Jerusalem.

28 Quet idí nasaona dagui-

toy, nagná ití masangōanan á simmang-at sadí Jerusalem.

29 Quet naarámid, á idí macagteng ití asideg ti Betphagé, quen ti Bethania, ití asideg ti bantay á manágan cadaguití Olivas, imbaonna ti dua cadaguidí adálanna,

30 A cunana: Incay ití pu-roc á masangōanan; idiay, inton sumreccayó, masaracanyonto ti maysa á pollino* á naibaod, isú á saan á sinacayan ti úray siasino á tao úray caano man: isú-t' uaruáranyo quet isú-t' yegyo.

31 Quet no adda mangintuod cadacayó ¿apayá pay isú-t' bucranyo? isú-t' sungbatanyonto ti castoy: Ta ti Apo isú-t' masápulna.

32 Quet napan daguití naibaon quet isú-t' nasarácanda cas quinunana cadacuada.

33 Quet idí á isuda uar-uáranda ti pollino, daguidí agtaguicúa quencuana quinunada cadacuada: ¿Apayá pay bucranyo ti pollino?

34 Quet isuda quinunada: Agsípud ta ti Apo isú-t' masápulna.

35 Quet isú-t' impanda quen Jesús, quet idí impurroacda daguití pagan-anayda ití rabao ti pollino, impasacayda ni Jesús ití rabao.

36 Quet idí isú magmagná, inyeplagda daguití cagayda ití dалан.

* *Urban ti asno.*

37 Quet agsípud ta isú uma-sidéguen ití salúgan ti bantay dagnití Olivas, isú-ámin ti ca-adú daguidí adálanna, rinugui-anda á siraragsac ti nagdayda-yao ití Dios ití dacquel á uni gapú cadaguití isú-ámin á dat-datlag á naquítada,

38 A cuncunada : Bendito ti Ari, - A umay ití nágan ti Apo — Talná idiay lánġit, quet da-yao sadí nġato.

39 Idin daguití dadduma á Fariseo cadaguidí adú á tao, quinunada quencuana : Manur-suro, ungtam daguití adálam.

40 Quet isú simmungbat quet quinunana cadacuada : Cunac cadacayó á no daguitoy dida aguni, daguití bató agnicquisda comá.

41 Quet idí dimteng ití asi-deg quet naquítana ti ili, sina-nġitanna,

42 A quinunana : Oh, sicá met, no naammoam comá, ití daytoy nġa aldaomo, daguití maipapan ití talnam ! nġem itá naitalímengda cadaguití matam.

43 Ta umayto daguití aldao quenca, á daguití cabúsormo liemutendacanto cadaguití cuta, quet aladandacanto, quet ití isú-ámin á dissó irutandacanto ;

44 Quet ipasagdacanto sicá quen daguití annacmo ití uneg-mo, quet dídanto baybay-an quenca ti bató ití rabao ti bató ; agsípud ta dica nailásin ti tiem-po ti pannacasuenalmo.

Pannacagúgor ti Simbaan.

45 Quet simrce ití simbaan quet rinuguianna á pinuarar daguidí aglaelaco quen gumag-ga tang idí uneg.

46 A quinunana cadacuada. Addá á naisúrat : « Quet ti ba-láyco, isunto ti baláy ti lualo » nġem dacayó inarámidyo á úmoc daguití mannacacao.

47 Quet nanursúro ti inal-dao-aldao idiay simbaan ; nġem dagnidí panguloen daguití pa-padi, quen daguidí escribas, quen dagnidí nanguangrona ti ili inagacaanda á papatáyen.

48 Nġem dida nacasárac ti pamay-an á panangarámid ; ta ti isú-ámin á ili pagay-ayatan únay á dengdengguenna.

Ti buniog ni Juan.

20 QUET naarámid ti may-sa cadaguidí nġa aldao, á idí isú manursuro ití ili idiay simbaan quet icascasabana ti naimbag á dámag, dimteng da-guití panguloen daguití papadi, quen daguití escribas, agráman daguití lal-lacay,

2 Quet isú-t' quinasaoda á quinunada : Ibagam cadacami : jiti ania á pannacabalin ti pa-nġarámidmo cadaguitoy á pa-nguep? ¿oenno si-asino ti nang-ted quenca itoy á pannacaba-lin?

3 Quet simmungbat quet qui-nunana cadacuada : Siac intuú-decto met cadacayó ti maysa á saó ; quet sungbátandac :

4 Ti buniag ni Juan ḡnag-gapú ti lánḡit oenno cadaguití tao?

5 Nḡem isuda panpanunú-tenda ití unegda, á cuncunada: No cunaentayto: ití lánḡit, cunánanto: ḡApayá pay nḡarud díca y namati quencuana?

6 Nḡem no cunaentayto: Cadaguití tao; ti isú-ámin á ili batuennatayto, ta quinapuduo á ni Juan mammadles.

7 Quet simmungbatda á dida ammó no adino.

8 Quet ni Jesús quinunana cadacuada: Quet siac diac met ibagá cada cayó no ania á pan-nacabalin ti panḡarámideo cadaguitoy á panguep.

Pagarigan daguití agtaltálon á dáques.

9 Quet rinuguianna á quinuná ití ili daytoy á pagarigan: Maysa á tao nagmula ti maysa á cauvasan quet isú-t' impaábangna cadaguití agtaltálon, quet napan ití sabali á dagá ití adú á tiempo.

10 Quet idí tiempona, nanḡibaon ti maysa nḡa adípen cadaguidí agtaltálon, tapno isú-t' íccanda ti bunḡa ti cauvasan; nḡem daguidí agtaltálon isú-t' quinábilda quet pinagáoidda nḡa aon naálana.

11 Quet binalíoanna ti nanḡibaon ití sabali nḡa adípen; nḡem daytoy quinábilda met quet nagsasao-anda quet pinagáoidda nḡa aon naálana.

12 Quet binalíoanna ti na-

nḡibaon ti maicatló; nḡem isuda sinúgatda quet pinagtálaoda.

13 Idin ti Apo ti cauvasan quinunana: ḡAnia ti aramí-decto? ibaonconto ti anacco á inḡunḡúten: nalábit padayá-oandanto daytoy.

14 Nḡem daguidí agtaltálon, idí isú-t' maquitada, nagsasaoda, á quinunada: Daytoy isú ti agtáoid; isú-t' papatayántayó tapno ti táoid cucuatayto.

15 Quet isú-t' induronda ití ruar ti cauvasan, quet isú-t' pinatáyda. ḡAnianto, nḡarud, ti aramíden cadacuada ti apo ti cauvasan?

16 Umayto quet pucaoen-nanto daguitoy nḡa agtaltálon, quet itednanto ti cauvasanna cadaguití sabali. Quet idí isú-t' nanḡegda, quinunada: ḡTi Dios dina comá ipalúbos!

17 Nḡem isú quinítana idá, quet quinunana: ḡAnia nḡarud daytoy nḡa adda á naisúrat: Ti bató á imbel-leng daguití agcaviti,—Daytoy ti naarámid á ulo ti iqing?

18 Isú ámin á matnag idiy á bató, mapispísinto; nḡem ti pagtinnagan ti bató, isú-t' rume-quennanto.

Ti mapapan iti buis.

19 Quet agaoan daguidí es-cribas quen daguidí panguloen daguidí papadi á tilioen ití daydi á horas; nḡem quinabutengda ti ili ta naáoatda á isuda ti nanḡisaoanna daytoy á pagarigan,

20 Quet isú-t' sinisiimda, quet nangibaonda cadaguití agsisim, n̄ga aguisisingpetda, tapno isú-t' tilioenda cadaguití saó, tapno isú-t' iyáoatda ití aquem quen panagturay ti gobernador.

21 Quet inintuodda quencuana á quinunada: Manursúro, ammomi n̄ga agsaoca quen manursúroca ti nalinteg, quet aoan ti panangicancanom ití tao, no di quet isúrom ti dалан ti Dios ití napudnó.

22 ¿Maipalúbos cadacamí ti panagbáyad ti buis quen César, oenno saan?

23 N̄gem isú, idí á naáinadna ti sícapda, quinunana cadauada:

24 Ipaquitaandac ti maysa á denario. ¿Asino ti aquinladá-oan quen aquinsúrat ití addá quencuana? Quet isuda quinunada: Ni César.

25 Idin quinunana cadauada: Itedyo n̄garud quen César ti cucua ni César, quet ití Dios ti cucua ti Dios.

26 Quet saanda á nabalín á tinilio cadaguidí saona ití sangōánan ti ili: quet nagsid-dáoanda ti sungbatna quet didan nacasao.

Daguiti Saduceos quen ti panagún̄gar.

27 Quet dimteng daguití daduma á Saduceos, isuda n̄ga agcuná n̄ga aoan ti panagún̄gar, quet inintuodda quencuana,

28 A quinunada: Manursú-

ro, ni Moises insúratna cada-camí á no ti cabsat ti maysa matay n̄ga addá asáoana, n̄gem aoan anaena, ti cabsatna aláena comá ti asaoa, quet mangbángon ti sumuno quen cabsatna.

29 Addá n̄garud pitó n̄ga agcacsatsat: quet ti umuná nangála ti asáo, quet natáy n̄ga aoanan anác.

30 Quet *isú innala* ti maicadua,

31 Quet ti maicatló inná-lana quet castá met daguidí pitó dida nangibati ti pútot quet natáyda.

32 Quet ití calpasanna natáy met di babai.

33 Inton panagún̄gar n̄garud, gasínonto cadauada ti aquin-asáo? Ta daguití pitó isú-t' inasáoada.

34 Quet ni Jesús quinunana cadauada: Daguití annác daytoy á lúbong mangasáoada quet mayasáoada.

35 N̄gem daguití madutucan á maicari á macaragpat ití daydiay á lúbong quen ti panagún̄gar daguití natáy, saanda *idiáyen* á maquiasaoa quet dida met mayasaoa.

36 Ta dida mabalínen ti matáy: tá capadpada *idá* daguití ángeles, quet annác *idá* ti Dios, no annác *idá* ti panagún̄gar.

37 N̄gem, *ili maipapan* no daguití natáy agún̄garda, ni Moises imbagana met ití asideg daydi *cayo* ti zarza, idí

niáganna ti Apo, ti Dios ni Abraham, quen Dios ni Isaac, quen Dios ni Jacob.

38 Ta isú saan á Dios daguití natáy, no di quet daguití sibi-biag; ta agbiagda ámin á maipay quencuana.

39 Quet simmungbat quencuana daguití dadduma cadaguití escribas, quet quinunada: Manursúro, naimbag ti pinagsaom.

40 Dida n̄garud naituréden ti nangintuod quencuana ti úray ania.

Ni Cristo anác ni David.

41 Quet isú quinunana cadacuada: ¿Apayá pay cunada á ti Cristo anác ni David?

42 Ta ni David met láeng eunana ití libro daguití Salmos: Quinuná ti Apo ití Apoc: Agtugaoca ití macanaoac,

43 Aguinga-t' icábilco daguití cabúsormo—A pagbatayan daguití sácam.

44 Ni David n̄garud nagánenna ti Apo: ¿casano n̄garud á isú ti Anáena?

Ni Jesús babalaoenna daguití escribas.

45 Quet idí á dengdengguen ti isú-ámin á ili, quinunana cadaguidí adálanna:

46 Agaluadeayó cadaguití escribas, á cayatda ti magnagná á sicacoes ti nagáyad, quet ayatenda daguití cabcablaao cadaguití plaza quen daguití umuná á tugao cadaguití sina-

goga, quen daguití umuná á yan cadaguití pangrabisan:

47 N̄ga alun-únenda daguití balbaláy daguití babbai á balo, quet aramidenda á pagpambar daguití atiddug á lualo; daguitoy aotendanto ti ad-addá á pannacadusa.

Ti dáton ti napanglao á balo.

21 QUET IDÍ á timmaliao, naquíтана daguití babacnang á icábilda daguidí dátonda ití lacasa daguití limos.

2 Quet naquíтана met ti maysa á napanglao á balo á intinnagna met idiay ti dua á marábilis.

3 Quet quinunana: Quinapudnona á cunac cadaacayó, á daytoy napanglao á balo nangicábil ti ad-addá n̄gem isuda ámin.

4 Ta ámin daguitoy, ití agsobra cadacuada nangicábilna cadaguití dáton; n̄gem daytoy, ití quinapanglaona, incábilna ámin ti pagtaraon n̄ga adda quencuana.

Ti cascasabá á pádles:—Ti pangru guian daguití tuoc.

5 Quet idí imbagá quencuana daguití dadduma ti maipapan ití simbaan, á nagarcós quetdin cadaguití nalibnos á batbató quen datdáton, quinunana:

6 Cadaguitoy á maquítagoy, umayto daguití aldao n̄ga aoon ti mabati á bató ití rabao ti bató ditoy á dinto marbec.

7 Quet inintuodda quencuana, á quinunada: Manursúro, ¿caán-onto daytoy? ¿Quet ania ti paguilasinan inton daguitoy á bánag mangruguida á maarámid?

8 Quet isú quinunana: Quítáenyó, ta dícaý maulbod; ta adunto ti umay iti náganco, á cuncunada: «Siac, quet ti tiempo addá ití asideg»; dícaý mapan ití licudanda.

9 Quet inton mangēgyo daguití gubat quen ariaoa, dícaý agquigtot; ta masápul á daguitoy á bánag maarámidda á umuná: ngem saanto á maiguiddato ti panungpálan.

10 Idín quinunana cadacuada: Tumacderto ti ili á maquibácal ití sabali á ili ti pagarían quen pagarían:

11 Quet addanto daracquel á guinguined, quet ití manó á dissó bisbisin, quen baybayangōbong: quet addanto maarámid á nacaquigquigtot quen dadacquel á paguilasinan ti lánġit.

12 Ngem inton di pay maarámid ámin daguitoy, tili-oendacayto quet camatendacayó quet iyáoatdacayto cadaguití sinagoga, quen cadaguití pagbalúdan, á ipandacayto ití sac-lang daguití arari quen agtur-turay agsípud ití náganco.

13 Quet daytoy maarámidto cadacayó á pangpanecne.

14 Icábilyo ngarud cadaguití puspúsoyo á dícaýto agpanú-not á umuná no casanonto ti isungbatyo.

15 Ta siac iccancayto ti ngi-oat quen sírib, isú á di macngēlan quen masalungásing daguití isú-ámin á cabúsoryo.

16 Ngem iyáoatdacayto úray pay daguití ammayo, quen cabsat quen cacabaguian quen gagayyem: quet addanto papatáyenda cadacayó.

17 Quet calucsaodacayto isuda-ámin á maipuon ití náganco.

18 Ngem úray maysa á buoc ti úloyo saanto á mapucao.

19 Ití panagánusyo macupicupanyonto daguití cararuayo.

Ti cascasabá á padles (canáyon):

Ti dacquel á tuoc.

20 Ngem inton maquítayo ti Jerusalem á maliemut cadaguití ejército, ammoenyo, isunto ti iya-asidéguen ti pannacarebbeena.

21 Isunto ti ritang á panaglemmeng cadaguití adda ití banbantay ití Judea; quet daguití addá ití tengngana, pumánaoda; quet daguití addá cadaguití taltálon, saanda á sum-rec quencuana.

22 Ta daguitoy isú daguití aldao ti panaguibales; tapno matungpal ámin daguití addá á naisúrat.

23 Ngem jasi pay daguití masicog quen daguití agtagtaguibi cadaguidiay nġa aldao! ta addanto dacquel á rígat ití rabao ti dagá quen gura á maicanicas itoy á ili.

24 Quet matuangdanto ití tadem ti immocó quet maipan-danto á macayáoan cadaguití ámin á il-ili: quet ti Jerusalem

ibaddecto daguití Gentiles aguingá daguití tiempo daguití gentiles matungpaldanto.

Ti cascasabá á padles (cumáyon) ti panagsubli ti Anác ti tao.

25 Quet addanto daguití pa-guilasínan ití ínit quen búlan quen cadaguití bitbituen; quet ditoy rabao ti dagá rígat daguití il-ili n̄ga agdánag agsípud ti daranúdor ti baybáy quen daguití dal-lúyon:

26 Daguití tattao agcápuy-danto agsípud ti buteng quen dánagda cadaguití maararámid á umayto ditoy dagá n̄ga adda táona, ta daguití pannacabalin daguití langlángit agquintayeg-danto.

27 Quet isunto metten ti pannacaquíntada itoy Anác ti tao, á umayto ití maysa á úlep agráman ti pannacabalin quen dacquel á dayagna.

28 N̄gem inton daguitoy á bánag mangruguida á maarámid, cumita cayó quet itángad-yo daguití ul-úloyo, ta ti pan-nacasubbotyo umasideg.

29 Quet quinunana cadacua-da ti maysa á pagarígan: Qui-táenyoy ti higos quen daguití isú-ámin á caycayo:

30 No tumúbodan, maquí-tayo quet ammoyo á daedacayó á ti tícag addá ití asidéguen.

31 Castá cayó met, inton ma-quíntayo daguitoy á maararámid, ammoenyo n̄ga adda ití asideg ti pagarían ti Dios.

32 Quinapudnona á cunac

cadacayó, á dinto lumbes da-guití tao itoy á tiempo aguingá ití di maarámid ámin daguitoy.

33 Ti lán̄git quen dagá ma-pucaodanto, n̄gem daguití saoc dídanto mapúcao.

*Ti cascasabá á padles (panungpátan):
Ti panagsalúcag.*

34 Quet quitaenyo ta da-guití puspúsoyo mapnoda ti quinaráuet quen panagbartec, quen cadaguití tarigágay itoy á biag; quet umay ití quel-laat cadacayó daydiay n̄ga aldao,

35 Cas maysa á silo; ta cas-tá umayto cadaguití isú-ámin n̄ga agnaed ití rabao ti isú-ámin á dagá.

36 Agsalúcag cayó n̄garud ití isú-ámin á tiempo, n̄ga ag-lulualo tapno maragpatyo ti maisalácan cadaguitoy isú-ámin á maar-arámid á n̄gann̄ánida umay, quen agtaeder ití sangóa-nan toy Anác ti tao.

Ti pateg ti kput.

37 Quet mangisursúro tí inal-dao ití Simbaan; quet ití tunggal rabií, umáoay quet agdagus ití bantay á manágan daguití Oli-vas.

38 Quet ti ámin á ili parba-n̄gónenna ti umay quencuana tapno isú-t' dengguenna idia-y Simbaan.

22 QUET asideg idí ti fies-ta daguití tinápay n̄ga aoan levadúrana, á manágan Pascua.

2 Quet daguití panguloen daguití papadi, quen daguití escribas agsapsápulda ti pamayan á pangpapátay quencuana; ngem cabutengda ti ili.

3 Quet simrec ni Satanás quen Judas, á mapalayáon ti Iscariote, isú á maysa ití bilang daguidí sangápulo quet duá;

4 Quet napan quet naquisá cadaguití panguloen daguití papadi, quen cadaguití agturay daguití soldado, ití maipapan ití panangyáotnanto quencuana cadacuada.

5 Quet nagrag-oda quet nagtutuláganda á isú-t' iccanda ti pirac.

6 Quet inanamúnḡanna quet sapsapúlenna ti nasayaat á panangyáot quencuana cadacuada inton aoan daguití adú á tao.

Ti maudi á Pascua; ti nasantoan á panangrabií.

7 Quet dimteng ti aldao daguití tinápay nḡa aoan levadúrana, isú á pannacasápul ti panangpátay ití *carnero* ti Pascua á maidáton.

8 Quet imbaonna da Pedro quen Juan á quinunana: Incayó, isaganaandacami ti Pascua tapno mangantayó.

9 Quet isuda quinunada quencuana: ¿Adino ti cayatmo á pangisaganaanmi?

10 Quet isú quinunana cadacuada: Adtoy á inton sumreccayó ití ili, masaracannacayto ti maysa á tao á nagoit ti

maysa á karamba ti danum: isú-t' surútenyo aguinga ití baláy á sercanna,

11 Quet cunaenyo ití aguingucua ití baláy: Ti Manursúro cunana quenca: ¿Adino ti yan ti pangrabián á pangānac ti Pascua agráman daguití ad-adálac?

12 Quet isú ipaquítananto cadacayó ti maysa á dacquel á siled ti nḡato nḡa addá mueblesna; agsagana cayó sadíay.

13 Napanda nḡarud, quet nasarácanda á cas imbagana cada-cuada; quet insagánada ti Pascua.

14 Quet idí dimteng ti horas, nagtugao ití lamisaan, quet naitípun quencuana daguití apóstoles.

15 Quet quinunana cadacuada: Tinariagáyac ití nasgued únay ti maquiapanḡan cadacayó daytoy á Pascua itá diac pay agsagaba;

16 Ta cunac cadacayó á diacto mangānen quencuana, aguinga-t' matungpal ití pagarían ti Dios.

17 Quet idí á innálana ti vaso, ití calpasan ti panagyá-manna, quinunana: Aláenyo daytoy; quet isú-t' bingbingáy-enyo cadacayó;

18 Ta cunac cadacayó á diacto uminómen manípud itá ití bunga ti uvas, aguinga-t' umay ti pagarian ti Dios.

19 Quet idí á innálana ti tinápay, ití calpasan ti panagyámanna, pinisina quet intedna cadacuada á quinunana: Day-

toy isú ti baguic, á maipupon cadacayó maited: aramideno daytoy á panglaglaguip caniac.

20 Quet castá met di vaso, ití calpasan ti panangrabíña, á quinunana: Daytoy á vaso isú ti baró á túlag ití dárac, á maipupon cadacayó maibel-leng.

21 N̄gem adtoy ti ima ti mangyáoat caniac, á nailanglang caniac ití lamisaan.

22 Ta ti quinapudnona toy Anác ti tao mapan, á cas addá á naipato; n̄gem jasi pay daydiay tao á mangyáoat!

23 Quet isuda rinugnianda á sinapsápul cadacuada met láeng, no asino n̄garud cadacuádanto ti mangáramidto itoy.

Ti daedacquel isú ti cas la basbassit.

24 Quet nabán̄gon cadacuada ti maysa á supiat: no asino cadacuada ti cas la daedacquel.

25 Quet isú quinunana cadacuada: Daguití ar-ari daguití Gentiles iturayanda idá; quet daguití addaan pannacablin cadacuada, manáganda ti manarparábur:

26 N̄gem dacayó, saan á castá: no di quet, ti daedacquel cadacayó isú comá ti cas la ububing; quet ti agturay isú comá ti cas la agserví.

27 Ta jasi ti daedacquel, ti agtugao ití lamisaan oenu ti agserví? ¿Saan á ti agtugao ití lamisaan? N̄gem siac cadacayó ti cas la agserví.

28 N̄gem dacayó daguití na-

gnaed á naicúyog caniac cada-guití pannacasulisogco:

29 Quet siac ipatáoidco cadacayó ti maysa á pagarían á cas impatáoid caniac ni Amac,

30 Tapno mangāncayó quet uminum cayó ití lamisaanco idiay pagariac; quet agtugao-cayto cadaguití tronós á ocomenyo daguití. sangapulo quet dua á caputótan ti Israel.

Ni Pedro matalucatican.

31 Quinuná met ti Apo: Simón, Simón adtoy ni Satanás dinaoatnacayó á isiisen á cas la trigo;

32 N̄gem siac indaoátanca tapno ti pammátim saan comá n̄ga agcúrang: quet sicá inton macapagbabáoican, panecnecam daguití cacabsatmo.

33 Quet isú quinunana quencuana: Apo, sisasaganaac á sumúrot quenca úray pay ití pagbalúdan quen ití patáy.

34 Quet isú quinunana: Pedro, cunac quenca á ti manoc saanto n̄ga agtaráoc itá no sicá dica pay paglibacan ti mamitló n̄ga am-ammónac.

Daguití dua á buneng.

35 Quet quinunana cadacuada: Idí imbaonco cayó n̄ga aoan bolsa quen súpot, quen aoan zapatos, ¿addá bassit á nagecúrang cadacayó? Quet isuda quinunada: Aoan.

36 Quet quinunana cadacuada: N̄gem itá, ti adda bolsana, aláenna quen castá met ti súpot,

quet ti aoanan, ilácona ti cagayna quet gumátang ti buneng.

37 Ta cunac cadacayó, á masápul á matungpal caniac daydiay addá á naisúrat: «Quet naibílang cadaguití dáques,» ta ti *adda á naisúrat* caniac, adda pannacatungpalna.

38 Idin isuda quinunada: Apo, adtoy ti dua á buneng. Quet isú quinunana cadacuada: Umanáyen.

Ni Jesús idiay Getsemani.

39 Quet immáoay quet napan, cas cadaoyanna, ití bantay daguití Olivas: quet daguidí adálanna simmúrotla met quencuana.

40 Quet idí dimteng idiay á dissó, quinunana cadacuada: Aglualo cayó tapno dícay sumrec ití sulísog.

41 Quet isú simmina cadacuada ití cas magao-atti maysa á bató á ibácal; quet nagparintúmeng quet naglualo,

42 A quinunana: Ama, no cayatmo, iyadayom daytoy á vaso caniac; núpay castá, saan á ti pagayatac ti maarámid, no di ti pagayatam.

43 Quet nagparang quencuana ti maysa n̄ga ángel ti lán̄git á nangpabíleg quencuana.

44 Quet idí n̄ga agtutuoc, únay, naglualo ti nasnasgued: quet ti ling-etna cas la daracquel á tedted ti dara á nagtinnag aguingá ití dagá.

45 Quet idí timmaeder ití

panagluálona, immay cadaguidí adálanna quet nasarácanna idá á nacatúrog ti sennaay.

46 Quet quinunana cadacuada: ¿Apayá pay matúrog cayó? Tumacder cayó, quet aglualo cayó, ta dicay sumrec ití sulísog.

Pannacatilio ni Jesús.

47 Idí á isú adda pay láeng n̄ga agsasao, adtoy daguití adú á tao: quet di manágan Judas, maysa cadaguidí san̄gapulo quet dua, isú ti namangulo cadacuada; quet immasideg quen Jesús tapno isú-t' agcanna.

48 N̄gem ni Jesús quinunana quencuana: Judas, ¿ití maysa n̄ga aguec iyáoatmo toy Anác ti tao?

49 Quet idí maquita daguidí adda á naicúyog quencuana ti maarámidto, quinunada: Apo, ¿tagbátenminto ití immocó?

50 Quet maysa cadacuada tinagbatna ti maysa á tagabu ti turayen daguití papadi, quet impúsayna quencuana ti lapáyag á macanaoan.

51 N̄gem simmungbat ni Jesús quet quinunana: Ipalúbosyo úray daytoy. Quet tinignayna ti lapáyagna quet isú-t' naagásanna.

52 Quet ni Jesús quinunana cadaguidí napan quencuana, daguidí turayen daguití papadi, quen daguití agturay ti simbaan, quen daguití lal-lacay: ¿Cas la quet maysa á mannanácao, á rimmoar cayó á

nagtaguibuneng quen pang-pang-or?

53 Idí naquipagguianac cadacayó ti inaldao idiay simbaan, saanyo á inunnat daguití im-ímayo á *pangtilio* caniac; n̄gem daytoy ti hórasyo, quen ti pannacabalin daguití sipn̄get.

Ni Pedro ilibacna ni Jesús.

54 Quet idí á isú-t' tinilio-da, isú-t' inyegda quet inserreda ití baláy ti cangatoan daguití papadi. Quet ni Pedro simmursúrot ití adayú cada-cuada.

55 Quet idí á nanggán-gatda ti apuy ití tengnga ti patio, quet nagtugaoda á naglim-ot, naquicatugao ni Pedro cadacuada.

56 Quet idí naquita ti maysa á babai n̄ga adípen á isú addá á naquicatugao ití asideg ti sílao, isú-t' minatmátanna, quet quinunana: Daytoy nagguian met quencuana.

57 N̄gem isú linibacna, á quinunana: Babai, isú diac amammó.

58 Quet idí nalabes bassit isú-t' naquita ti sabali quet quinunana: Sicá met *maysa*-ca cadacuada: N̄gem ni Pedro quinunana: Tao, saan á siac.

59 Quet idí nalabes ti cas la maysa á horas, pinancnecan ti sabali á sitatalgued á nagecuná: Pudnó á daytoy naguian met quencuana, ta isú tagá Galilea met,

60 N̄gem ni Pedro quinunana: Tao, diac ammó ti cunam. Quet naiguiddato, idí isú adda n̄ga agsasao pay láeng, á ti manoc nagtaráo.

61 Quet timmaliao ti Apo quet quinítana ni Pedro: quet ni Pedro nalaguipna ti saó ti Apo, á insaona quencuana: Inton ti manoc di pay agtaráo itá, ilibacnacto ti mamiló.

62 Quet rimmoar ití ruar quet nagsángit ti napait.

Ni Jesús ití san̄áhnan ti Sanedrin.

63 Quet daguidí tao n̄ga agueguem quencuana, uyuyún-ganda quen cabeabílanda.

64 Quet isú-t' inabbunganda daguití matana, á cuncunada: Padlesam no siasino ti nangsúgat quenca.

65 Quet adú pay ti sabali á insaoda quencuana á nacasang á pangab-abida.

66 Quet apáman á bimmi-gat, naguurnong daguití lallacay ti ili quen daguití turayen daguití papadi, quen daguití escribas quet impanda ití pangocomanda,

67 A quinunada: ¿Sicá ti Cristo? Ibagam cadacamí. N̄gem quinunana cadacuada: No ibagac cadacayó, dícayto patien:

68 Quet no aguintuúdac met, didacto met sungbátan:

69 N̄gem manípud itá toy Anác ti tao agtugaoto ití macanaoan ti pannacabalin ti Dios.

70 Quet isuda ámin quinunada: ¿No castá sicá ti Anác ti Dios? Quet isú quinunana cadacuada: Dacayó cunayo á siac.

71 Idin isuda quinunada: ¿Ania pay ti pacasapúlan tayó ti pangpanecne? Ta datayó met láeng nangegtayó ití ngíotatna.

Ni Jesús ití sanjoánan ni Pilato quen ití saclang ni Herodes.

23 QUET timmacderda ámin quet impanda ití sanjoánan ni Pilato.

2 Quet rinuguíanda á impúlong á cuncunada: Daytoy nasarácanmi á dadaélenna ti ili tayó quet ipáritna ti mangted ti buis quen César quet cuncunana á isú ni Cristo, n̄ga Ari.

3 Quet ni Pilato inintuodna quencuana á quinuná: ¿Sicá ti Ari daguití tagá Judea? Quet isú simmungbat, quet quinunana: Sicá castá ti cunam.

4 Quet ni Pilato quinunana cadaguití turayen daguití papadi quen cadaguití tattao: Acan ti básol á masarácac itoy tao.

5 N̄gem isuda ipapílitda láeng á cuncunada: Riribúquenna ti ili, á mangisursúro ití isú-ámin á Judea, quet mangruguí manípud Galilea aguinga ditoy.

6 Quet ni Pilato, idí á manḡegna *daytoy*, inintuodna no dí tao tagá Galilea.

7 Quet apáman á naammoanna á cabeddeng ni Herodes,

isú-t' imbaonna quen Herodes, isú n̄ga adda met sadí Jerusalem cadaguidí n̄ga aldao.

8 Quet ni Herodes, idí maquítana ni Jesús, nagayat ti adú, ta nabayáguen á tartarigagáyanna á isú-t' maquítana; ta nanḡegna ti masasao quencuana, quet addá namnámana á macaquita ti maysa á datdatlag n̄ga aramidenna.

9 Quet naguintuod quencuana ití adú á saó; n̄gem isú aocan ti insungbatna quencuana.

10 Quet agtatacder daguidí turayen daguití papadi quen daguití escribas á isú-t' ipulpúlongda á ipapílit únay.

11 Quet ni Herodes agráman daguidí soldados na isú-t' lináisda quet nagan̄gaoanna á isú-t' pinel-lesanna ti maysa á napateg á pagananay; quet isú-t' insublina á imbaon quen Pilato.

12 Quet naggayyemda da Pilato quen Herodes ití daydi met la n̄ga aldao, ta idí dámona aggurangúrada.

13 Quet ni Pilato inurnongna daguití turayen daguití papadi, daguití agturay quen ti ili,

14 Quet quinunana cadacuada: «Insaclangyo caniac daytoy á cas la tao á mangdadáel ití ili; quet adtoy á siac idinto naguintuúdac ití sanjoánanyo, aocan ti básol á nasarácac itoy á tao cadaguití pangipulónganyo quencuana.

15 Quet úray pay ni Herodes; ta insublina á imbaon cadacamí quet adtoy, n̄ga aoan ti inarámidna á maicarí ití pannacapapátay.

16 Isú, n̄garud, ti ibbatacto, inton malpas ti pannacadúsana.»

17 Ta addá pannacasápulna á mangibbet cadacuada ti maysa ití tungal fiesta.

18 N̄gem naguicquisda ámin á nagmaymaysa, á quinunada: Iccatem daytoy, quet ibbatam cadacamí ni Barrabás:

19 Isú á naibel-leng ití pagbalúdan gapú ití maysa á quíbor á naarámid ití ili, quen gapú ití maysa á panangpapátay.

20 Quet ni Pilato binalfoána idá á quinasao á cayatna á ibbatan ni Jesús.

21 N̄gem isuda naguicquisda á cuncunada: Isú-t' ilansam, ilansam.

22 Quet isú quinunana cadacuada ití maicatló: ¿Ania n̄garud ti dáques á inarámid daytoy? Aoan ti básol á *mapatáyan ti patáy* á nasarácac quencuana: isú-t' dusácto, n̄garud, quet sa isú-t' ibbatacto.

23 N̄gem isuda ipapflitda ití daracquel á icquis á daodaoátenda á mailansá. Quet daguití icquisda pumigsada.

24 Quet ni Pilato impátona á maarámid ti dáoatda;

25 Quet inibbatanna cadacuada daydi naibel-leng ití pagba-

lúdan agsípud ti quíbor quen maysa á natáy, isú á dináoatda; n̄gem inyáoatna ni Jesús ití pagayatanda.

Ni Jesús ití dálan ti Gólgota.

26 Quet idí isú-t' impanda, innálada ti maysa á *manágan* Simeón, á tagá Cirene, á naggapú ití tálon, quet impabaclayda quencuana ti cruz tapno isú-t' ipanna ití licudan ni Jesús.

27 Quet sumursúrot quencuana ti dacquel á caadú ti umili, quen babbai, isuda á sangsangítanda, quet dungdungáoanda.

28 N̄gem ni Jesús, idí a timmaliao cadacuada, quinunana: Annac ti Jerusalem, saandac á sangítan, n̄gem sangítanyo quet ti baguiyo met láeng, quen daguití an-annacyo.

29 Ta adtoy á umayto daguití aldao á cuncunádanto: Nagásat daguití láyas, quen daguití tian á di naganác, quen daguití barúcong á di nagpasuso.

30 Isunton ti panangruguida á panagsao cadaguití banbantay: «Agtinnagcayó cadacami»; quet cadaguití pantoc: «Parabaoanda camí.»

31 Ta no ití cayo á nabasá aramídenda daguitoy á bánag, gítí namagá, anianto ti maarámid?

32 Quet impacúyogda met quencuana ti dua á sabali, á tulisan, tapno mapapátayda.

Ti panangilansá.

33 Quet idí macagtengda ití dissó á manágan ti Bangabangá, idiay isú-t' inlansada, quen daguidí tulisan; maysa ití macanaoan, quet ti sabali ití macatiguid.

34 Quet ni Jesús quinunana: Ama, pacaoanem idá, ta dida ammó ti aramidenda. Quet idí á bingbingáyenda daguidí pagan-anayna, inarámidda no asino ti macagásat.

35 Quet ti ili sitatacder n̄ga agbuybuya; quet úray daguidí agturay isú-t' uy-uyúnganda, á cuncunada: Daguití sabsabali insalácanna: isalácanna ti baguina, no daytoy isú ti Caisto ti Dios, á pinílina.

36 Quet isú rabrabn̄gisen met daguití soldado, a umasiddegda quet iparanganda ti sucá,

37 Quet cuncunada: No sicá ti Ari daguití tagá Judea isalácanno ti baguim.

38 Quet adda met ití uloanna ti maysa á galad á naisúrat: **DAYTÓY ISÚ TI ARI DAGUITÍ TAGÁ JUDEA.**

39 Quet maysa cadaguidí tulisan n̄ga adda á naibítin, isú-t' rabrabn̄gisenna, á cuncunana: No ¿Saan á sicá ni Cristo? isalácanno ti baguim quen dacamí.

40 N̄gem simmungbat di maysa quet isú-t' inungtanna, á quinunana: ¿Quet sicá dica pay cabuteng ti Dios yantángay adaca n̄garúden ití pannacadusa?

41 Quet datá quinapud-

noanna, á maitutop, ta aoátenta ti caicarían daguití ararámidta: n̄gem daytoy aoan ti dáques á inarámidna.

42 Quet quinunana quen Jesús: Laglaguipennac inton umayca ití pagaríam.

43 Quet quinunana quencuana. Pudnó á cunac quenca: Itá n̄ga aldao maquipaguian-canto caniac idiay paraíso.

44 Quet idín cas la horas á maicanem, * quet immay daguití sipn̄get ití rabao ti ámin á dagá aguingá ti horas á maicasiam.**

45 Quet ti init nagsipn̄get. Quet ti abbong ti simbaan naray-ab ití tengngana.

46 Quet ni Jesús naguicquis ti dacquel á uni, quet quinunana: Ama cadaguitá ímam ti pangítalcac itoy cararuac. Quet idí á nasaona daytoy, nagsat ti ángesna.

47 Quet idí ti centurion (*turayen daguití soldado*) naquítana ti naarámid, indaydáyaona ti Dios, á quinunana: Quinapudnona á daytoy á tao nalinteg.

48 Quet isú-ámin daguidí adú á tao á naguurnong itoy á buyáen, idí maquítada daydi á naarámid, nagsublida á dandanúguenda daguití barúcongda.

Ti pannacaitanem ni Jesús.

49 Quet isú-ámin daguidí am-ammona quen daguidí babbai á simmursúrot quencuana

* *A las doce ti aldao.*

** *A las tres ti mañem.*

nanípud sadí Galilea, sitatac-
derda ití adayú n̄ga agbuybuya
cadaguitoy á naarámíid.

50 Quet adtoy ti maysa á la-
laqui á manágan José, isú á
consejero, lalaqui á naimbag
quen nalinteg ;

51 (Isú á dina inanamún̄gan
ti nagnunumoan quen ará-
míidda,) tagá Arimatea, ciu-
dad daguití judío, isú n̄ga agur-
uray ti pagarian ti Dios :

52 Daytoy dimteng quen Pi-
lato quet dináoatna ti baguí ni
Jesús.

53 Quet imbabána quet
isú-t' binun̄gonna ti maysa á
ules: quet isú-t' incábilna ití
maysa á tanem á naibutac ití
maysa á bató, isú n̄ga aoan pay
ti naitanem.

54 Quet aldao idí á masa-
n̄goánan ti *Pascua* quet n̄gan-
n̄gani aglaog ti Sábado.

55 Quet daguidí babbai á
naicúyog quencuana á nag-
gapú sadí Galilea, simmúrot-
da met, quet naquítada ti ta-
nem, quen no casanó ti pan-
nacaicábil ti baguina.

56 Quet nagsublida quet na-
gsagánada ti bangbangló quen
sapsapó ; quet naguinanada ití
Sábado, cas ti bílin.

Ti panagún̄gar.

24 QUET ití umuná n̄ga al-
dao ti macadomingo,
ití agsapa únay, immayda ití
tanem, á inyegda daguití bang-
bangló á insagánada ;

2 Quet nasarácanda ti bató
á naligsay idí tanem.

3 Quet simrecda quet saanda á
nasarácán ti baguí ni Apo Jesús.

4 Quet naarámíid, á idí á
isuda addada á silalagao ag-
sípud itoy, adtoy á nagsardeng
ití asidegda daguití dua á lal-
laqui á nagcaoes ti ma capúrar :

5 Quet agsípud ta isuda nag-
butengda, quet imbabáda da-
guití rúpada ití dagá, quinu-
nada cadacuada: ¿Apayá pay
sapúlenyo cadaguití natáy ti
sibibiag?

6 Aoan ditoy, n̄gem nagú-
n̄gar: laglaguipenyo ti insao-
na cadacayó, idí addá pay láeng
idiay Galilea,

7 A cunana: Masápul á toy
Anác ti tao mayáoat cadaguití
ima daguití tao á managbásol,
quen maicruz, quen agún̄gar ití
maicatló n̄ga aldao.

8 Quet isuda nalaguipda da-
guidí saona.

9 Quet nagsublida nanípud
ití tanem, quet impadámagda
ámin daguitoy cadaguidí san-
gápulo quet maysa quen cada-
guití isú-ámin pay met á sab-
sabali.

10 Quet isuda ni María
Magdalena, quen Juana quen
ni María *iná* ni Jacobo, quen
daguití sabsabali á *babbai* á
caduada: sinaoda daguitoy a
panguep cadaguití apóstoles.

11 Quet daguitoy á saoda,
impapanda á salsalaoásao quet
dida pinati.

12 N̄gem timmacder ni Pedro quet timmaray á napan idí tanem: quet idí á nagrúcob quet quinítana, naquítana daguití lúpot á is-isuda; quet nagáoid á sisisiddaao itoy á naarámid.

Daguití dua á sinursuroanna ití dâlan sadí Emmaús.

13 Quet adtoy, ti dua cada-cuada napanda ití daydi met la n̄ga aldao ití maysa á puroc n̄ga adayú idiy Jerusalem ti innem á pulo á estadíos (*oenno dua á legua*), á manágan Emmaús;

14 Quet isuda agsarsarítada á duddua cadaguidí ámin á bánag á napasámac.

15 Quet naarámid, á idí n̄ga agsasao á is-isuda, quet agsinsinnaludsudda ití maysa quen maysa, ni Jesús met láeng immasideg quet naquicúyog cada-cuada.

16 N̄gem daguidí matada nacul-laápanda tapno isú-t' dida mailásin.

17 Quet quinunana cada-cuada: ¿Ania á sarsarita daguitoy á sasaoenyo ití maysa quen maysa itá á magmagná cayó? Quet nagsardengda á sililiday ti rápada.

18 Quet simmungbat ti maysa, á manágan Cleofas, quet quinunana quencuana: ¿Sicá láeng ti limmá bas sadí Jerusalem, quet dica ammodaguití bánag á naarámid idiy cadaguitoy n̄ga aldao?

19 Idin isú quinunana cada-cuada: ¿Ania á banbánag? Quet

isuda quinunada quencuana: Daguití maipapan quen Jesús á tagá Nazaret, isú á lalaqui idí, á mammadles, mannacabalin ití arámid quen saó ití sangóanan ti Dios quen ti isú-ámin á ili:

20 Quen no casanó ti panangyáoat quencuana daguití turayen daguití papadi, quen daguití agturay tayó tapno maipato á matay, quen ti panangicruzda quencuana.

21 N̄gem dacamí ur-uráyenmi idí á isú comá ti manúbbot ití Israel: n̄gem, quet sabali pay ámin daguitoy, daytoy ti maicatló n̄ga aldáoen nanípud idí naarámid daguitoy á bánag.

22 Úray pay met daguití dadduma á babbai cadaguití cadcadduami pinagsidaaoda camí, isuda á itay di pay bimígat napanda ití tanem;

23 Quet idí dida nasarácan ti baguina, unmayda á cuncunada n̄ga nacaquítada met ti maysa á parparmatá daguití ángeles, isuda á nagecuná á isú sibibiag.

24 Quet napan daguití dadduma cadaguití caduami ití tanem, quet nasarácanda cas insaó daguití babbai; n̄gem isú saanda á naquita.

25 Quet isú quinunana cada-cuada: ¡Oh nacúneng quen naladao ti panagpúsoyo á mamati cadaguití isú-ámin á sinaó daguití mammadles!

26 ¿Saan á masápul idí á ni Cristo lac-ámenna daguitoy á bánag quen sumrec ití glóriana?

27 Quet idinto á rinuguiana manípud quen Moisés quen daguití isú-ámin á mammadles, impalaoagna cadacuada daguití, bánag á maipapan quencuana cadaguití ámin á Sursúrat;

28 Quet immasidegda ití pu-roc á papananda, quet isú inarámidna á cas la mapan ití adadayú.

29 Nġem isuda isú-t' ingáoidda á pinílit, á quinunada: Agbática cadacamí ta rumabiín quet ti aldao limnéquen. Quet simrec á nagbati cadacuada.

30 Quet naarámid á idí á situtugao á nailanglang cada-cuada ití lamisaan, innálana ti tinápay, binendicionan quet guinuudduana, sana inted cada-cuada.

31 Quet nalucatan daguití matada quet isú-t' nailásinda; quet isú nagpúcao cadaguití matada.

32 Quet quinunada ti maysa quen maysa: ¿Saan á sumsumgued ti púsota ití unegta itay madamá nġa agsasao cadatá ití dálan, quen itay luctanna cadatá daguití Sursúrat?

33 Quet timmacerda ití daydi met la á horas, quet nagsublida sadí Jerusalem, quet nasarácanda daguití sanġapulo quet maysa á naurnong, quen daguití addá á naquipaguiian cadacuada,

34 Isuda á cuncunada: Nagtūnġar ti Apo á quinapudnoanna, quet nagparang quen Simón.

35 Quet isuda sinarítada daguití naarámid ití dálan, quen no casanó ti pannacailásinda idí guinuudduana ti tinápay.

Panagparparang ni Jesús cadaguití sanġapulo quet maysa nġa Apóstoles.

36 Quet idí isuda madamá da á sasaoen daguitoy á bánag, isú nagtacder ití nagtennġaanda quet quinunana cadacuada: ¿Talná cadacayó!

37 Nġem isuda, siquiquigtot quen sibubutengda, impapanda á quitquitáen ti maysa á cararuá.

38 Nġem isú quinunana cadacuada: ¿Apayá pay agquigtot cayó, quet apayá pay umuli daguití panúnot ití púsoyo?

39 Quitáenyo daguití imimac quen sacsácac, á siac met láeng: aricápendac quet quitáenyo; ta ti cararuá aoan ti lasag quen tulangna, á cas maquitayo nġa adda caniac.

40 Quet idí masaona daytoy, impaquitana cadacuada daguití im-ímana quen sacsaca.

41 Quet idí isuda dida pay la patien ití regsacda, quet sisi-siddaaoda, quinunana cadacuada: ¿Addá cadacayó ditoy ti bassit á macan?

42 Quet isuda ingay atda quencuana ti canáyon ti maysa á ican á natuno,

43 Quet isú innálana quet nanġan ití sanġóananda.

44 Quet isú quinunana cadacuada: Daguitoy daguití saó á insaac cadacayó, idí addaac

pay láeng cadacayó : A masápul á matungpal daguití isú-ámin á bánag á naisúrat á maipapan caniac ití Linteg ni Moisés, quen cadaguití Mammadles quen cadaguití Salmos.

45 Idin linuctanna cadacuada ti ísipda, tapno maaoátanda daguití Sursúrat.

46 Quet quinunana cadacuada : Castá ti addá á naisúrat, á ni Cristo naglac-am, quet nagingngar cadaguití natáy ití maicatló n̄ga aldao ;

47 Quet maicascasabá ití ná-ganna ti panagbabaoi quen ti pannacapacaoan daguití basbásol cadaguití isú-ámin á il-ili, á mangruguí manípud ití Jerusalem.

48 Quet dacayó daguití macasacsí cadaguitoy á bánag.

49 Quet adtoy, siac ibaon-

conto ti carí ni Amac cadacayó ; n̄gem dacayó agnaedcayó ití ili á *Jerusalem*, aguingá ití macaptan-eayó ti pannacabalin ti n̄gato.

Ti iyuli.

50 Quet impanna idá ití áoay aguingá ití san̄goánan ti Bethania, quet intáyagna daguití im-ímana, quet binendicionanna idá.

51 Quet naarámid á idí ben-bendicionanna idá, pimmanao cadacuada : quet naipangato sadí lán̄git.

52 Quet isuda, ití calpasan ti panagrucababda quencuana, nagsublida ití Jerusalem á siraragsac únay :

53 Quet nagguiguianda n̄ga agnanáyon ití simbaan á nagdaydayao quen nagyiyáman ití Dios.

PANUNGPÁLANNA

